


RVDIMENTORVM
COSMOGRAPHI-
CORVM IOANNIS
HONTERI CORONENSIS,
LIBRI IIII. CARMINE
Heroico conscripti.

Quibus nunc primum accessere


INSTRUCTIONES DE SPHAERA
Mundi non pœniteudæ, & ad iuniorum ca-
ptum satis accommodatæ.

VNIVERSALIS ITEM CHRONICI COM-
pendium nouum: ab initio scilicet Mundi, in præsentem
vsq; annum: ita vt & τὸ πρὸν & χρόνος ἐπι-
τοµὴν præstare libellus possit.

Opera MATTHIAE QVADI Chalcographi



COLONIAE AGRIPPINAE,
Sumptibus VVilhelmi Lutzenkirchij.
ANNO M. DC.



OPTIMÆ SPEI
ADOLESCENTVLIS,
VVICKRADIANI COENO-

bij ſcholaribus vniuerſis,

S. P. D.

MATTHIAS QVADVS
Calator.



VANDOQVIDEM haſtenus ſe-
pius, ſtudioſi adoleſcentes, con-
diſcipulus quondam veſter Lut-
gerus Quadus & coram & per li-
teras à me petierit, vt cum ſibi tum cæteris
quibuſdam cõdiſcipulis ſuis operam meam
locarem in transmittendis exemplaribus a-
liquot τῷ Εγχειρίδι κασμογραφικῷ Ioannis
Honteri, Carminis iſtius amœna breuitate
(opinor) alleſtis: ſæpiſſime verò pollicitati-
one mea animos veſtros ſuſpenſos tenuerim.
quod tamen non tam incuria mea quàm co-
dicum inopia commiſſum eſt. Vix enim v-
num aut alteram exemplar etiam diligenter
mihi inquirenti offerre ſe voluit. Cùm autẽ
nuper iam penè deſperato mihi fortuito co-
dex vnus atque alter in manus perueniſſet,
& quo minimè rebar, gurgite piſcis eſſet: ſa-
tius exiſtimabam fore, typographiæ benefi-
cio pluribus Coſmographiæ ſtudioſis ado-
leſcen-

leſcentibus ſuccurrere, quàm vnus Lutgeri
 mei ſitim explere. Vobis igitur officio meo
 commodare ſtudens, typographo cuidam
 noſtro author fui, huic ſeſe operi vt accinge-
 ret, bona ſpe nitens, iſtum ſuum in libello
 hoc excudendo laborem non planè inanem
 futurum. Erant quidem prototypo chartulę
 aliquot ſubiunctę formis ligneis vtcunque
 eleganter incisę; ſed ad ſufficientem regio-
 num ex ijs cognitionem hauriendam parum
 idoneę, vtpote in quibus præter plagarum
 ſilentium, ne miliarium quidem ſcalę inſer-
 tę eſſent, nedum vt graduum menſuris ſeptę
 fuiſſent. Ac fieri poteſt, ob id rariorem in-
 inuentu libellum fuiſſe, quòd imitari eum
 typis ſnis ac prelo committere typographi
 hætenus veriti fuerint, ne in nouarum ta-
 bellarum ſcalptura impendij plus locarent,
 quàm poſtmodò lucri ex eo haurirent. Cùm
 autem nequaquam me lateret non in mona-
 ſterio tantum veſtro, ſed vbiuis iam penè lo-
 corum tabularum pulcherrimarum uſum ad-
 ded frequentem eſſe, vt plèbeiorum etiam
 parietes illis ſæpius veſtitę conſpiciantur:
 parum referre putauĩ ſi eas hac vice omitte-
 remus, ne ſi æneis tabellis incisi regionum
 typi eſſent, prætium tenuioris fortunę emp-
 tori grauius ſoluendum foret. Quamuis nec
 penitus omiſſę ſunt; dum ſcorſim eas impri-
 mi cu-

mi curauimus, vt si quis easdem desiderarit, tolerabili pretio comparare facile possit.

Ne autem altera sua veste priuatus liber, planè nudus prodiret; Institutiones quasdā Astronomicas ac Cosmographicas ex Gerharδο Mercatore, Ioachimo Fortio, & aliunde depromtas, libello affiximus: vt sic alternis lectionibus studiosa iuuentus magis afficeretur, & quod in vno obscurius, in altero se planius declararet. In ijs autem, etiam si vt prolixiores saltem fuissetus, emo'umentum non parum attulisset: tamen, cū certi mihi à typographo termini constituti essent (tredecim namque octonariorum numerum excedere nolebar) intra metas præscriptas continere me cogebar. Et si in alterutro longiorem mihi esse placeret, id in Epitome Chronica præstare me malebat quàm in Cosmographica; quòd illius accessione materiam hanc Cosmographicam vendibiliorem fore crederet; cū vulgus rerum gestarum cognitione magis quàm locorum delectaretur. Optabam quidem maximoperè (sicut & præceptorum vestro pollicitus eram) scholijs & annotationibus marginalibus, ac commentariolis vtilibus carmen totum illustrare, singulorum quoq; librorum versus (id quod in Virgilio suo Plantinus facere consuevit) numeris suis distinguere, & neq; nouis tan-

EPISTOLA

tum tabulis geographicis, sed figuris etiam
 astronomicis in ære incisis, pro scalpendi
 nostri tenuitate, exornare: sed quid facerem?
 etiam si enim nec voluntas nec vires (Dei &
 bonorum autorum auxilio) defuerint; otium
 tamen, otium inquam siue tempus id perfi-
 ciendi misero defuit, quod ijs rebus tribuen-
 dum erat quæ inopem possent defendere vi-
 tam. Quando igitur (inquies) tantum nancif-
 ceris otij? tum, fauente Deo, si ea quæ in ma-
 nibus etiamnum sunt, absoluta tandem fue-
 rint. ad quæ (etiam si successum rebus satis fe-
 licem Dominus largitus fuerit) integri penè
 anni spatium requiretur. Malumus idcirco
 in posterum aut nihil aut parum promitte-
 re, & ea quæ proposita nobis sunt, prima da-
 ta occasione præstare, quàm iterata promif-
 sione, inani vos spe lactare. Præsentem autè
 libellum vobis, studiosa cohors, commen-
 do, vt non amœnum tantum, sed ad plurima
 etiam utilem: eumque si visum ita fuerit edi-
 scite, vel saltem sæpius peruoluite, cum istam
 animi recreationem citra molestiam seu pe-
 regrinantes seu deambulantes quolibet cir-
 cumferre liceat. Astronomiæ & Cosmogra-
 phiæ cognitio quid utilitatis adferat, super-
 fluum videbitur pluribus demonstrare, cum
 argumenti satis esse possit quod liberalium
 artium vna sit. & quid ingenuæ iuuentutis
 lauda-

laudabilius ac fructuosius esse queat, nisi earum singulas ita callere, vt vni tantum operam dedisse videaris. Egregio enim oratori aut poetæ futuro cum primis necessariae formæ loquendi, differendi, dicendi. Grammaticæ aditum præbet ad alias artes; quo si careamus, cæci per omnes disciplinas aberrabimus, nullam vnquam optimarum pulcherimarumque rerum cognitionem consecuturi. Dialecticæ docendi modum exprimit: Rhetoricæ eloquendi; ad hanc memoriæ artificium pertinet. Græca lingua adeò necessaria, vt vix quisquam eruditus haberi queat qui eam ignorauerit. Nec omittendæ historiæ; præstant enim & copiam orationis, & rerum experientiam etiam domi delitescenti. Mathematicæ artes simul dignitate pollent sua, tractant enim rerum sublimium descriptiones, & ad orationis varietatem multum faciunt. Astronomia legem naturamque docet eorum quæ ab extremo circuitu Mundi vsque ad elementa sunt, hoc est penè orbem vniuersum. in Cælo situm monstrat Helices, Cynosuræ, Βούτæ, Erichthonij, Capræ, Vergiliarum, Hyadum, Argus, Canopi, Syrii: quorum ortu obituque tempora omnia describuntur. Ex ea proficiscitur Astrologia, Medicis magis, præcipuè

ad venas scindendas. & decretorios dies, quæ nostris studijs necessaria. Cosmographia autem demonstrat zonas, climata, parallellos, antæcos, pericæcos, antichthones, amphiscios, periscios, heteroscios, longitudinem urbium latitudinemque, hoc est, quot ipsæ horis absint ab Occasu, quot Cæli partibus ab Aequatore. Geographia cognitu facilior, constat enim sola locorum commemoratione, id duntaxat indicans, ubi Tanais, Nilus, Tigris, Euphrates, Andros, Scythæ, Persæ, Arabes, sine vlla mentione Cæli, sine circulorum, latitudinis, longitudinis, umbrarum, zonarumque descriptione. Geometria terrarum mensuras tradit, hoc modo, Si quadrata forma oram habeat viginti pedum, intus esse viginti quinque. si cuneatus ager longus fuerit pedes 50. latus ex vna parte pedes 37. ex altera 9. aream esse pedum 1150. idque deprehendi quæsito ex imparibus numeris medio, ductoque in longitudinem. In collibus vallibus plus Soli esse quàm Cæli. &c. atque hæc ars solâ arithmetica fulcitur. Quantum hæc omnia ad stili profint ornamentum, videre licet cum in locis permultis, tum in Ciceronis operibus de vniuersitate, de Natura Deorum, de Diuinatione, de somnio Scipionis: in Quintiliani capite de agrorum mensura: in Virgilij Georgicis: Ouidij Fastis

& Metamorphosi: denique in Lucano. Egre-
gius itaque nunquam futurus est, qui non ex
vnaquaque disciplina decerpserit, quod ad
scopum suum conferat. Feliciter autem stu-
dia instituent, qui ante omnia è doctis auto-
ribus artium cognitionem, hoc est, materiã
seu instrumenta scribendi sibi comparaue-
rint. Illud denique vos rogauerim, vt si vel
nostra vel typographi præcipitantia aut in-
curia erratum alicubi fuerit, aut vestro Mar-
te aut præceptoris vestri emendare istud nõ
grauemini, præcipuè cùm vos non lateat
Matthiæ vestri res non ferre exquisitam aut
scriptorum suorum aut cælaturarum elimina-
tionem; sed quæ semel impressoribus tradita
sunt, ipsorum postea diligentia, qualiscun-
que ea euenerit, committi. Valcte, & præce-
ptorem eruditionis ac maximè salutis vestrę
studiosissimum quæ par est obseruantia coli-
te. Colonix, ex Musæolo nostro cælatorio.
Cal. Non. anno salutis nostræ 1599.

ΔΩΔΕΚΑΣΤΙΚΟΝ ΑΔ
Lectorem.

Prodiit, en Lector, longo vix tempore visus,
Honteri rara sedulitatis opus.
Quem longinqua virum Septemcastrensibus oris,
Annis permultis antè Corona dedit.
Si visum, lectumve prius, mercaberis ultro
Sat scio: si nunquam, vocc monentis eme.
Quid nummus loculis, firmave reclusus in arca,
Sit licet immensus, commoditatis habet?
Vel minimum densis tandem deprome latebris,
Atque tuum facies, quo doceare, librum.
Hic rerum quarumq; recepta vocabula, Cœli
Totius hic partes conuenienter habes.
Hic Asiæ, Lybiæ, Europæq; videre fluentia,
Vrbes, & montes cum breuitate licet.
Hocce nouum? dicas, hoc admirabile? plena
Talibus est quæuis Bibliotheca libris.
Erras, crede mihi, simile huic reperirier vsquam
Inductus falsa si ratione putas.
Non tibi prosa datur; sed carmen ab arte politum,
Dignum quod memori mente sciatur, adest.
Quin compendiolum, paucis vt singula dicam,
Carmine descriptumrite, Geographicum.
Cui scholion, tabulæq; nouæ, noua lectio primum
Nunc accessit, eme, & perlege, certus eris.

Ioannes Buchlerus Gladba-
censis, scholæ VVicradianæ
moderator.

SEQVUN-

SEQVVTVR ENCO-
MIA ALIQVOT ARTIS
Astronomicæ & Cosmogra-
phicæ.

Natura Deus impressit vestigia toti,
Quam latè roseis Phœbus oberrat equis.
Vt velut in vasto, populo spectante, theatro
Ante oculos dextra poneret acta sua.
Ac iubet arcanas rerum nos quærere causas,
Et quas tanta vices machina cunq̃ tenet.
Ne casu temerè sic confluxisse putemus,
Quæ certis opifex legibus ire iubet.
Aspicias vt dirimat partes in quattuor annum
Obliquo ducens tramite Phœbus equos.
Vt modò det luci, nocti quæ tempora demit,
Surgat & Eois vt modò tardus aquis.
Vtq̃ suæ radios nunc augeat ille sororis,
Nunc faciat parua falce micare caput.
Cernis & vt, p̃ cœlum terræ cùm Luna sub vmbra
Inciderit, tellus mœsta labore equis.
Vtq̃, eadem inuoluat densa caligine fratrem
Subiecto nitidum cùm tegit orbd caput.
Non sic ambiguo voluuntur sydera casu,
Nec nuda hoc tantum mens moderatur opus.
Ista creatricis sed sunt vestigia mentis,
Quæ stellis regit hæc inferiora suis.
Quæ sua temporibus sic interualla creauit,
Omnibus incolumis rebus vt vsus eat.

*Si te tantarum fugit admiratio rerum,
Et si vile tibi talia nosse putas:
Credidero certè tua quòd Titania Circe
Pectora setigeri fecerit esse suis.
Ergo vices Cœli, Cœlo cum semina ducas,
Et patriæ motus discis, iuuenta, tuæ.
Has artes, ceu dona Dei, reuerenter habeto,
Quæ vaga cum certis motibus astra docent.
Et quoties pulchrum vel cernis Orionis ense
Parrhasiæ vides lucida signa feræ,
Errantumve notas loca, fixaq; sidera Cœlo,
Sis memor Autoris, qui regit ista, Dei.
Vsq; adeò à magna, dicas, sunt omnia mente
Condita, nec nullis legibus astra meant.
Ingenij non sunt humani viribus ista
Eruta, sed summi munere nota Dei.
Excitat ingenuis Heroas in artibus ille
Nec mersas tenebris, quas dedit, esse sinit.
Plurima quæ propter si quis bene commoda spectet,
Debetur doctis gratia magna viris.
Ingenio quorum vigili contexta leguntur
Passim de rebus tot monumenta bonis.
Nec tuus eximio labor est non dignus honore
HONTER Apollinei gloria magna chori:
Dum pulchram ingentis Cœli Terræq; figuram
Succincta Iuuenes dexteritate doces.*

*Ortolphus Marolt
Francus.*

DES.

DES. ERASMI ROTERO-
DAMI, IN INSTITVTIONES
Astronomicas Epigramma, Hon-
teri libello accommoda-
tum.

SI cupis astrigeri primordia discere Mundi,
Ac mox athereos implexos orbibus orbes,
Deniq₃ quàm vario cinctu, quæ ducitur arte
Linea, conuexi spatium secet; hæc age pubes
Perlege, quæ Honteri primo tibi cura libello
Tradidit, ac facilem patefecit ad ardua callem.
Serrige te, qui repis humi patriamq₃ renise.
Astra leuis repete asira, genus qui ducis ab astris.

ALIVD IOANNIS OPERINI.

QVI cupis astrorum varios perdiscere vultus,
Quæ Mundi atates, quæve sui effigies.
Quem peragat Phæbus, nec non vaga Delia cursum,
Quot signa atque orbes, signiferiq₃ gradus.
Quæve sit horarum ratio, quæ puncta, diesq₃,
Quo pacto exsurgant sydera, quoque ruant.
Quidve sit Arcturi, nutrixq₃ Capella, Canopus:
Et Muse, atque Helice, Arctophylaxq₃ Canis:
Et quæ Pleiades, Hyades, Cynosura, Triones,
Quem natura sagax seruet vbique modum,
Huc properes, nec te moueat quia parua videntur:
Sæpe ingens parvis gratia rebus inest.

ALIVD

Quando vehat lucem terris, quo tempore rursus
Prona sub Oceani stella feratur aquas.
Abdita cur lateat velato Cynthia vultu,
Qua tegat auricomum sol ratione inbar.
Qui non tanta semel miracula suspicit, ille
Aeternum vt careat lumine, dignus erit.

GEOMETRIA LOQVITVR.

DOctus ab officio mihi dat Geometria nomen,
Quòd loca terrarum metior, atq³ situs.
Altera, qua Caelum conscenditur, ala Platonis,
Qua dubias animi firma gubernò notas.
Argulus ad normam, sub amussim linea spectat,
Circinus obseruat puncta, rotatq³ globum.
His ego principijs miras speculata figuras,
Præsentem monstro rebus adesse Deum.
Qui simul hanc alijs adiunxerit artibus artem,
Is docti meruit nomen habere viri.

Frid. VVeidebr.

IOANNI HONTERO.

Delicium terræ Batauūm gēs laudet Erasmmum,
Agricolam Phrysius cantet, in astra ferat:
Barlandos referat nunc clara Zelandia doctos,
Lipsius & magnum sit decus vsque suis:
Honterus nobis placeat, dociliq³ iuuentæ,
Ediderit quamuis barbaræ terra virum.
Pierides vestrum decus hoc redamate sorores,
Pieridum decus hoc vos redamate viri.

RVDI

A L I V D.


Sedulus Homeri lector studiose libellum
Si verses, planè commoda multa feres.
 Nam docet æthereos certa ratione meatus,
Quo quæq; exurgat stella, cadatve loco.
Vix breuius quisquã atq; eadem tam scripsit acutè:
Magna sub exiguo corpore Gaza latet.

A L I V D.

HVC vortat facilem gradum,
Si quem celsa iuuat sydera persequi.
 Qua Natura potentia,
Et Mundum, & varias condiderit vices.
 Quis Musas variet modus,
Quæve Atlantiades, Vergiliæ, Canes:
 Omnino hic mage candido,
Quàm si bella legas, ingenio est opus.
Sed nec conferat huc pedem
Terrenis animum fractus amoribus.
 Sunt hæc libera, liberos
Exquirunt animos, candida pectora,
 Summa: hic fungus aget nihil,
Tantum hæc ingenijs nobilibus patent.

ASTRONOMIA LOQVITVR.

Prima quod astrorum leges, motusq; notauit,
Nomen conueniens Astronomia gero.
 Hora, dies, mensis, Duce me, describitur annus,
Quæq; fluunt anni quatuor inde vices.
 Sydera contemplor, quæ Cælum fixa sequantur,
Quæ tacito surgant obuia nixa gradu.
 Quam



I

RVDIMENTO- RVM COSMOGRA- PHICORVM IOANNIS

HONTERI CORO-
nensis.

LIBER PRIMVS.



OE LORVM partes, stellas cum fla-
tibus, Vrbes,
Regn. aq, cum populis, sparsas & in a-
quore terras,

Montesq, & fluuios, iunctisq, animalia plantis
Officia, & sectas varias, operumq, labores,
Morborumq, simul species & nomina dicam.
Mundus in aethereum, qui desuper imminet Orbi,
Inq, elementorum duplicatur corpora primum.
Aethereus duplices sphaerarum continet orbes,
Fixaq, cum septem stellis errantibus astra.
Maioresq, cycli, qui Mundum partibus aquis
Distribuunt, vt signifer aequatorq, feruntur:
Quemque dies medius designat, & inus horizon,
Lacteus, ac duo qui ducuntur ab axe coluri.

Zodiacus primum bisseis vndique signis
Conspicius, tropicum attingens obliquus vtrunque
A summo Cancrum, Capricornum cernit ab imo.
At qui signiferum rectus secat, inq, priori
Langeri Libraq, gradu lucem aequat & umbras,

A

Aequa

Hanc nos incolimus contraq; Antichthones illam.
 Nec dubium antipodes multis consistere terra
 Partibus, ad centrum directis vndique plantis.
 Puncta duo Cælum in paruos vbi voluitur orbes,
 Constituere polos, geminoque ac cardine Mundi
 Per centrum terra tenuis deducitur axis.

Signifer hinc bissex obliquat sidera, quorum
 Sex videt ad Boream, sex aquidialis ad Austrum
 Ter denis gradibus signum distinguitur vnum
 Bis tricena gradus memoratur habere munita.

Atqui signorum varia est natura genusque,

Mascula sunt, Aries, Gemini, Leo, Libra, Sagitta,

Fusor aqua, iunctumq; simul sortita calorem.

At sibi famineam consciscunt frigida sortem,

Bos, Cancer, Virgo, Capricornus, Scorpio, Pisces.

Frigida sunt nocti, sed mascula sacra diei.

Ipsaq; bis anni variantur tempora signis.

Nanque Aries; Taurus, Gemini, sunt sidera Veris:

Aestatem Cancer, Leo trux cum Virgine complent:

Scorpius Autumnum, & duplici cum lance sagittæ:

Inde Hyemem Pisces, Capricornus, Aquarius addūt.

Restat adhuc eadem ternis proportio signis:

Ignea triplicitas Aries, feruens Leo, Chiron:

Terrea sed Taurus, Virgo et Capricornus habentur:

Aerea sortem Chela, Vrñiger atque Gemelli:

Scorpius appropriat, Piscesq; & Cancer aquosam.

Denique cum vegetet communis corpora virtus,

Singula membra tamē quoduis sibi vendicat astrū:

Quippo Aries capiti, Taurus coruicibus haret,

Brachia sub geminis censentur, pectora cancro.
 Sorte regit scapulas leo, ventrem atque ilia Virgo,
 Libra tenet lumbos, & scorpius inguine regnat,
 Arcitenens femori, gentibus Capricornus amator,
 Cruraq; Fusor aqua reficit, vestigia pisces.

Et quoniam variae currentes ordine stellae
 Corporis aequales spacio, similesq; colore,
 Haud internosci poterant, solertia sparsas
 Struxit in effigiem & variarum membra ferarum.
 Imposuitq; simul iunctis cognomina stellis.
 Ad Boream geminas ingens Draco diuidit Arctas.
 Hinc subit Arctophylax pariterq; Corona, Lyraq;
 Proximus Engonasis: post hunc Ophiuchus et Anguis
 Mox Aquila & Telum surgunt, & lactea Cygni
 Sidera, Pegasus hinc sequitur Delphina, simulq;
 Andromade, Cepheusq; & Cassiopea parentes,
 Armatusq; gener Perseus: circum ora Medusa
 Horrida, Deltoton simul Heniochusq; feruntur,
 Hinc Aries, Taurus, Gemiui, Cancer, Leo, Virgo,
 Libraq;, Scorpius, Arcitenens, Caper, Hydria, Pisces.
 Cetus & Eridanus post hac vortuntur ad Austrum,
 Orionsq; premeus Leporem, Procyonq; refulgens,
 Inde Canis maior stellataq; cernitur Argo,
 Perq; trium loca signorum se porrigit Hydra,
 Craterem dorso gestans, Coruumq; loquacem.
 Hic Fera Centauro resupina tenetur, at vltra
 Thuribulum, notiae Piscis fugit astra Corona.

Sunt etiam propria dictorum sidera partes:
 Pleiades in dorso Tauri sex esse feruntur,

Fronte sedent Hyades, fundendis imbribus aptæ,
 Inde Propus pedibus geminorum prauia, sed qua
 In caucro nubem referunt, Praesepe vocantur,
 Moxq; duo circum Praesepe feruntur Aselli.
 Regia stella nitet generosi in corde Leonis,
 Virginis in summa gestatur Spica sinistra,
 Sed Protyetæ subit prope dextram Virginis alam,
 Quatuor in dextra qua conspiciuntur Aquari,
 Vnam: at quæ pisces connectunt, Vincula dicunt,
 Nodus inest Vinclo: pedibus subiecta Bootæ
 Arcturi stella insequitur Plaustrumq; bouesq;
 Postremas Helices stellæ: humerog; sinistro
 Hemochi residet sidus pluuiæ Capellæ,
 Inq; manu leuæ geminus discernitur Hædus.
 Astargo in summa micat inscylta stella Canopi,
 Sirius inde Canis fixus maioris in ore.

Hinc tibi per medium septem declinæ feruntur,
 Saturnus, Sol, Luna, Venus, Mars, Iupiter, Hernes
 Fixa quidem toto circumuoluuntur Olympo
 Sidera, sed proprios retinent errantia motus:
 Semper enim currunt fixis contraria stellis,
 Atque domos habitant bisseña per astra, suasq;
 Exercent illic proprio quisque ordine vires.
 Luna tenet Cancrum, Geminos cum Virginis astro
 Mercurius, Tauro & Chelis Venus ipsa quiescit.
 Feruidus inde Leo Soli, sed Scorpins ardens
 Atque Aries Marti cedunt: hinc piscis vterque
 Centaurusq; Iouem, Saturnum Fusor aquarum
 Rectorem agnoscit, simul Aëgo: erotis & astrum.

At planetarum in rapidis distantia signis
 Dicitur aspectus, quo se impediunt q₃, iuuant q₃.
 Cum duo planeta alterutris distar^a videntur
 Sextam Signiferi partem, vel per duo signa,
 Aspectus fertur sex angulus: at tria quartam
 Zodiaci partem cum stant per signa planeta,
 Cor^spicitur facies quadrangula: tertia sed pars
 Signiferi, reddit per quattuor astra Trigonum.
 Denique per mediam contraria sidera partem
 Eminus aspectum soliti firmare planeta:
 Ac certis spacijs concurrere rursus eodem
 In signo, quoties superi obscurantur ab iniis.
 Sunt etiam aduersa gemini se parte secantes
 Orbes, quos faciunt Solis Lunaeq₃ meatus:
 Sectio qua Phœbe gelidas ascendit ad Arctos,
 Hac eadem caput est: sed & altera cauda draconis,
 Qua Luna imbriferum cursu descendit ad Anstrū.
 Accipe quo spacio perlustrent signa planeta:
 Saturnus cursum duodena per astra rotatum
 Motu retrogrado ter denis conficit annis.
 Bissenisq₃ Iouis bisseña per ambulat astra
 Sidus: at ipse duos graditur Mars amplius annos.
 Sol in se sua per vestigia colligit annum.
 Signa Venus, dubiusq₃ anno minus amplius Hermes
 Sed bis quindenis percurrit Luna diebus.

Hinc ortum triplicem nobis posuere priores,
 Quae stellae ascendant, obituq₃ sub aquora pergunt.
 Cosmicus exorto stellas cum Sole reducit,
 Cum simul aduersa tingunt se Tethyos undis

Occiduo Chronicus surgentes cernit horizon
 Sole & in opposita stellas regione cadentes.
 Quin ubi Phœbus equis summo procul axe recessit,
 Incipiunt stellæ sensim apparere minores.
 Mox cum Sol proprior flammis opera omnia lustrat
 Astra polo fugiunt, quorum simul agmina cogit
 Lucifer & Cœli statione nouissimus exit.

Vi stellæ in longum primo distare videntur
 Arietis à puncto, sic has eccliptica monstrat
 Linea signiferi in latum cessisse. Per axem
 Et fortunatas quæ transit lineæ terras,
 Inde quidem trahitur distantia longa locorum.
 Sed spacium latum est, quod ab Aequatore recedit,
 Atque poli gradibus respondet ubique leuati.
 Declinat sidus, cum distat ab æquidiali,
 Eleuat ex imo quod in altum mittit horizon.

Messembrinorum quiuis semisse recepto,
 Quindenique gradus, respondent protinus horæ
 Vnius spacio: sex & triginta feruntur.
 Quisque gradus denos retinet, quantoq; recedit
 Longius à medio noctes equante diesq;
 Orbe, magis coiens geminum decrescit ad axem.
 Aestiuosq; dies numerosis explicat horis.
 At gradus in longum, sub cyclo scilicet æquo:
 In latum, stadys respondet ubique locorum
 Quingentis, quorum spacia hæc tibi carmina signant,
 (Quatuor è granis digitur formabitur vnus.
 Est quater in palmo digitus, quater in pede palmus:
 Quing. pedes passum faciunt, passus quoque centum

Quinque & vicieni stadium dant: sed miliare
 Octo dabunt stadia, & duplatum dat tibi leucam.)
 Milleg³ bis decies passus nunc iura diurnum
 Constituere vis spacium: miliaria fortè
 Quatuor exiguae minus nostratia reddunt.

Inferior mundus tellure & aqua, aere & igne,
 Dicitur ex primis rerum consistere causis:
 Ex quibus assiduis vicibus modo cuncta creantur,
 In quæ iterum, quicquid natum est, natura resoluit:
 Aeris æthereo vis est stabilita sub igne,
 Quæ sibi dissimilis triplici regione notatur,
 Summa calet, media est gelidissima, proxima v-
 trunque

Æstatem ac frigus diuerso tempore sentit.
 Quippe vapor duplex ascendit in æra, primus,
 Crassus & humidior propria gravitate tenetur:
 Aridus atque calens sine pondere profilit alter
 Ex humente quidem concresecere sæpe feruntur
 Hybernaq³ nives, matutinaq³ pruina,
 Largior & crassius descendens nubibus imber,
 Foresq³ nebulaq³ & mista grandine nimbis.
 E sicco alterna generantur sorte vapores,
 Fulgura cum tonitru, rapidi cum fulmine venti.

Nomina ventorum posthac patriamq³ docebo:
 Quatuor oppositis veniunt è partibus orbis.
 Quos circum varij dextra laeva³ feruntur,
 Impelluntq³ leues aduersis flatibus auras.
 Frigidus à summo descendit Aparchias axe,
 Circius ad Zephyrum, Boreas huc cingit ad Ortum.
 Auster

Auster ab aduerso pluuias inducit Olympo,
 Ab Lybe qui dictum, dictum quoq₃ spectat ab Euro.
 Insuper & verno flat Subsolanus ab Ortu,
 Solstitium huic sociat retrahentem nubila Ventum.
 Brumalesq₃ tropæ violentum flatibus Eurum.
 Occiduo Zephyrus de cardine spirat, & ipsum
 Africus hyberno contingit Sole cadente,
 At simul Argestes æstiuo solstitiali.

Tempus & ad solidam propius descendere terrā,
 Qua centro in medio penitus firmata quiescit.
 At circum roseis Sol vectus vbique quadrigis
 Exortu lucem, discessu procreat umbram.
 Eccipsimq₃ facit, si quando corpora Luna
 Obiectu terræ radijs intacta relinquit.
 Oppositisq₃ leuem pingit sub nubibus Irim.
 Nec dum etiam solitas diuersis mensibus anni
 Continuare vices, variasq₃ nouare locorum
 Perpetuū cessat motus discrimine formas.

Longa parallelis est subdita terra duobus,
 Vnde dies mediam ab reliqua distinguitur horam.
 Climag₃ in oppositis memoratur partibus Orbis.
 Atque hinc per Meroen, per Niloticamq₃ Syenem,
 Et per Alexandri, Rhodij quoque Apollinis vrbes,
 Perq₃ Hellepontum atq₃ Borysthenis ostia currunt,
 Ripheasq₃ arces, quibus additur vltima Thule.
 Inde per antithesim contraria climata longas
 Imparibus spatijs variant noctesq₃ diesq₃.
 Quinetiam tellus varia ratione vocatur,
 Insula, Continuum simul & Peninsula, & Isthmus.

*Aequoreos itidem fluctus, quibus additus orbis,
Oceanum appellant, pelagusq₃, sinumq₃, fretumq₃.*

RVDIMENTO- RVM COSMOGRA- PHICORVM.

LIBER SECVNDVS,

N*Vne quoq₃ terrarū triplices peccurrere partes,
Europa, pariterq^{ue} Asia, Lybiaq^{ue} calentis
Aggrediar, priscis miscens noua nomina regnis.
Nanque velut rerum cursus sub Sole per orbem
Incertis vicibus nunc huc, nunc fluctuat illuc,
Nec retinere valet stabilem per secula sortem:
Sic olim indigenis bello, fame, peste fugatis,
Nomina saepe nouis sunt commutata colonis.
Finibus Europa clauduntur Iberica regna,
Qua prima Oceanum spectant, solemq^{ue} cadentem.
Hinc sursum versus Borealia littora Galli,
Germaniq^{ue} tenent, & gentes Sauromatarum,
Qua Scythiam partim contingunt Solis ab ortu:
At Scythiam Thraces opibus belloq^{ue} superbi,
Et Macedum quondam clarissima regna sequuntur,
Gracia dehinc notum longè procurrit ad axem,
Cui Peloponnesus bimari coniungitur Isthmia.
Hinc procul Ionios exceptans margine fluctus
Adrias, Illyricis Italos seiungit ab aruis.
Europa medium Dacorum regna tenent: mox, &
Pannoniatellus vicinis iuncta Poloniæ,*

Vndique terrificis premitur nimis obuia bellis.

Principioque triplex Hispania continet vrbes,
 Batica quas posuit, quæ nunc Granata vocatur:
 Quasque Tagus spectat per Lusitanica regna,
 Quæ modo Castilia mutato nomine tellus,
 Gallicia simul & Portugallensis habetur.
 Et quas præcipiti cursu pertransit Iberus,
 Qui per Nauarram Tarraconensia rura
 Obliquus fug.ens, pelagi coniungitur vndis.
 Corduba principio præpollet, & Hispalis vrbes,
 Priscæque Tarcessus, Paxiulia, Compostella,
 Hinc & Vlysipo simul & Salmantica, moxque
 Illipula magna & gemina Carthaginis arces.
 Toletum, infelixque olim Numantia, Bærgis,
 Mœniaque Emerita, & Gallis vicina Gerunda.
 Tum Pompeiopolisque Augusta que Caesaris, atque
 Tarraco, quæ nomen citimo dedit inclita regno.
 His iungas veterem cum Barchinone Siguntum,
 Dertosamque, urbemque Valentis nomine dictam,
 Ac plures alias, ubi non obscura feruntur
 Flumina: & Hesperio recludunt ostia ponto,
 Bætis, Anas, Doriaque simul Minyque fluenta,
 Et Tagus auriferis passim fecundus arenis,
 Hic Sacrum, Nerium, promontoriumque Trileuco
 Oceano incumbunt: pelago Scombraria, Calpe,
 Quæ sociam spectat trans aquora stricta columnâ.
 Gallica Pyrene sublimi vertice regna
 Hispanis terris discernit solis ab ortu,
 Quatuor in partes diuisa: Aquitania prima est.

Celtica quam sequitur: sed Belgica Narbonensem
 Desuper arctoïis submotam spectat ab oris.
 Has nunc alternis vicibus tenuere minores,
 Gasconij, Turonensesq̃, nouiq̃, Britanni,
 Normandi, Franci, Burbonenses & Auerni,
 Picardi Flandriq̃, Hanones, ditesq̃, Brabantii,
 Campaniq̃, & quos Burgundia prisci a Sabaudis,
 Ac Delphinatus pariterq̃, Prouincia iungunt.
 Verum Aquitanorū celebres memorabimus vrbes:
 Primaq̃, Burdegala est, post hāc Genebūq̃, tenetier,
 Et Turonensis tellus, & Auaricon, Andes.
 Lutetiam inde colunt, & Lugdunensi: Celta
 Mœnia, sed cessit Rotomagus in ordine Belgis,
 Et Gandauorum populi, ciuesq̃, Louani.
 Tullion hinc Lotharingorum atque Metensiarum
 Intermixta manent Germanis vndique terris.
 Cis Rhodanum Auenion iacet, Allobrogumq̃, Vien-
 na:

Mox Arelas Geneuaq̃, lacus, Visontion, atque
 Masilia externis quondam constructa colonis.
 Vltior Narbo, Mons pessulus atque Tolosa.
 Sequana post Mosam, Ligeris, fluuiusq̃, Garumna,
 Oceani repetunt diuersa per ostia fluctus.
 In medium pelagus concordi fluminis alueo
 Ipse Araxis Rhodanusq̃, Isara, atque Druentia cūr-
 runt.

Germanas etiam terras prope flumina Rheni,
 Atque alias alio iungam sub Sole iacentes.
 Occiduas partes gens inartia Germanorum

Helae-

Heluetij simul & Vasti colit incola regni:
 Moxq; Sicambrorum populi, cultiq; Batavi.
 Cimbrica cum Frisiis Septem subiecta trioni.
 Chersonesus habet Pomeranos proxima saltus.
 Slesia ad roseos Solis confurgit ad ortus.
 Inde Moravorum transgressus rura, videbis
 Austriacos colles & campos vitibus aptos.
 At Styria scopuli, rarisq; Carinthia campis
 Australes, tangunt Athesina cacumina: moxq;
 Heluetia summis aquanda nubibus Alpes,
 Quator in partes alio currentia fundunt
 Flumina, Danubium, Rhenum, Rhodanumq; Pa-
 dumq;.

Interiora tenent diuersis Teutones arua
 Nominibus, iuxta Hercyniam cultissima syluam
 Rhætia Vindelicos VVirtembergensibus agris
 Diuidit: Alsatiam post hos Franconia iungit
 Hessorum populis: quum & Turingia Misna
 Saxonas ac Marchos sociat, sed Norica tangit
 Oppida continuis munita Boemia syluis.
 Trans Rhenum celebris Constantia prima tenetur,
 Mox Basilea, simulq; Argentiniensia rura.
 Treueris inde vetus Maguntinensibus aruis
 Iungit Aquisgranum, Agrippinensesq; colonos.
 Geldria, Traiectum, pariterq; Antuerpia magno
 Vicina Occano, cis Rhenum plurima passim
 Oppida respiciunt Frysiarum ac VVesiphalarura.
 Lipsia Brunsvigam gelidas hinc spectat ad Arctos,
 Casiliam ad Zephyrū, disiunctos rursus ad amnes

Hinc atque hinc geminam Francfurti dispicit urbem.

Ast Erfordensi succedit proxima tractu
 Herbipolis simul & vicinior Vlma Tubinga.
 Norica metropolis post has, & Praga sequuntur,
 Breslaꝝ, Lubecumqꝫ, ac VVitemberga: sed vltra
 Danubium, tepidoqꝫ habitata propinquius Austro,
 Grazia, Villacumqꝫ, Oeniqꝫ cacumina pontis,
 Hisqꝫ Salisburgam socies, pulchramqꝫ Viennā,
 Cumqꝫ Ratispona Monachū: dehinc Vindelicorū
 Augustam placet, & Patauinas addere ripas.
 His quoque largiflui fontes miscentur & amnes.
 Ad boream currunt Amasus, Visurgis & Albis,
 Rhenus, & hinc Odera, ac popularis vtriqꝫ Sueuus:
 Danubius reliquos secum deducit ad Ortum.
 At nunc Sarmaticos campos Scythiamqꝫ niualem
 Cis Tanaim fluuium & Meotidis ampla paludis
 Aequora, sub stellis gemina lustrabimus Vrse.
 Hanc terram primum veteres coluere Agathyrsi,
 Et cum Thyssagetis Nomades, rigidiqꝫ Georgi,
 Quin & Hamaxobij plaustreis sine sede vagantes,
 Basternaqꝫ, Getaqꝫ, sagittiferiqꝫ Geloni.
 Insuper Euxino propior gens Taurica Ponto,
 Taurica supra alias quondam seuisimae gentes:
 Sed cultus terrae postremis mitior annis
 Contigit. Hesperiam partem Zephyrisqꝫ propinquā
 Nunc propria duplices retinent dititione Poloni,
 Et quae Sarmatico coniuncta est Prussia Ponto.
 At Massonitas simul & Samogitia rura,

Ad boream acclius sequitur Liuania tractu.
 Nec procul Hippophagis affinis Russia Moschis,
 Iunctaque Lithuanos tangit Podolia saltus.
 Est etiam extremo quadam sub cardine tellus,
 Ac Noriuegorum glaciali proxima ponto
 Littora & indomitis contermina Suetia Gottis,
 Scanorumque rigens Arctoo frigore tractus.
 Sed tamen & Cælo propiora fruuntur iniquo
 Oppida, Riphæis nimis infestata pruinis.
 Atque ideo rara indigenis cultoribus vrbes,
 Quas inter celebris Posnania prima Plocenses
 Dantiscosque pari discernit limite campos.
 Inde Toronensi Mons regius additur vrbi,
 Moxq; propinqua Riga Marieburgensibus agris
 Littora, Sarmaticique caput Cracouia regni.
 Quin & Lublina sociata Premisilia terra,
 Vilna quoq; & propior Leoburga tepentibus Austris.
 Istula præterea, liquidique Borysthenis vnda.
 Pluraq; per Scythicas currunt sine nomine terras
 Flumina stagnantesque augent remorata paludes.

Sed iam tempus erit propiores visere partes,
 Pannoniam, Illyriamque simul, Thracemq; cruemi
 Mauortis patriam, nimum nimumque propinquos
 Dalmaticæ fines, vastatamque vndique Bosnam.
 Mysorum inde solū, Dacorumque oppida: quæ nunc
 Moldauique tenent, transalpinique Valachi.
 Et quæ Carpathio Septem circundedit arces
 Vertice, Bulgaricis modò Transyluana terris
 Haec multum disclusa. Sed enumerabimus vrbes:

Regia

Regia Budensis prima est, mox Agria, post quam
 Cremonica montes, Posoneriaq₃ arua sequuntur,
 Et cum Strigonice Cassovia prisca colonis.
 His quoq₃ Bellogradu, & regalem iungimus Albam.
 Emporiumq₃ simul Varadini, atque alta Cibini
 Mœnia, præcipitiq₃ sitam sub monte Coronam,
 Quã primã Europa Christi documenta sequentem
 Sol oriens radijs lustrat propioribus urbem.
 Mox Adrianopolis Sophia vicinior aruis,
 Nicopolisq₃ triplex iacet, & Selymbria, Varna:
 Inde Liburnorum Scardona, simulq₃ Ragusi,
 Quaq₃ tenent Ponti Byzantia littora fauces.
 Quid memorem Anchialonq₃, Heracleamq₃, Perin-
 thumq₃
 Abderamq₃, Maroneamq₃, & Olynthon, & Aenon,
 Callipolimq₃, & qua sociant freta Seston Abydo,
 Atque alias, quarum iam nil nisi nomina restant?
 Imò etiam patrijs nunc vix hæremus in oris.
 Non tamen antiqui desunt regionibus amnes.
 Danubius secum defert Oenumq₃, Lycumq₃,
 Germanos fluuios: sed aqua septemplex Istri
 Nomine mutato declinibus vndique ripis
 Præcitem Drauum ac Sauum, placidumq₃ Tibis-
 cum,
 Et patrium simul in Pontum comitantur Aluthani.
 Strymonis Aegæo, Nesiq₃, Hebriq₃ fluenta
 Miscentur pelago. Montes quoque partibus illis,
 Ismarus & Rodope, coniunctusq₃ Orbelus Hamo,
 Et qui Dalmaticis lato discernis ab oris

Rascentes populos sinuoso vertice Scardus.
 Vltior Macedum tellus, quondam incluta regna,
 Continet Albanos, mox Pæones atque Pelasgos
 Aemathia campos quoque, Mygdoniaq; recessus.
 Has prope Thessalicis Magnesia iungitur agris,
 Doris item spectat Locrensis rura, sed vltra
 Proximat Aonijs Phocensis & Attica tellus.
 Trans Isthmum Aetoli simul & vicinus Acarnan,
 Epeirusq; iacet, varijs distincta colonis.
 Atque hæc prisca quidem, nunc Turcia tota vec-
 tur.

Helladis at vix dum vestigia parua supersunt.
 Quin igitur veteres potius celebrabimus vrbes:
 Primaq; Dyrrachium est, vrbisq; ab Apolline dicta
 Mænia, Pieriaq; domus gratissima Musis.
 Hinc Hypatæ, Phthiaq; & Larissa sequuntur
 Oppida, mox & Opûs, & Pella insignis alumnis.
 Et qua prima fidem nostrum diffudit in orbem,
 Amphipolisq; simul, nec non Berræa, Philippiq;
 Et Thebæ Baccho celebres, & Apolline Delphi:
 Aulidis hinc portus, Megara & cerealis Eleusis,
 Tum proprium Diuæ cognomen & vrbis Athenæ.
 His quoque Naupactum, Anticyram, & Calydonia
 rura

Leucadaq; Ambraciamq; simul, glandisq; feracem
 Dodonam, & celsam Buthroti iungimus urbem.
 Per Macedum fines pelagi petit Axius undas,
 Nec procul & Chabrus rapidiq; Haliacmonis am-
 nis,

Sperchij Ismeniq₃ vadum, Cephissus & acer
 Illissus, crebrasq₃ vrgens Achelous arenas.
 Quinetiam varij celebrantur in Hellade montes:
 Pelius, Othrys, Athos, & fato nobilis Oeta
 Herculis, & bijugo Parnasi vertice colles:
 Virgineusq₃ Helicon, natusq₃ ad sacra Citharon,
 Ossaq₃ cum Pindo, maiorq₃ ambobus Olympus.
 Hinc spectant Adria praeupta Ceraunia fluctus,
 Sunion Aegaum. Sed vastas carmine terras
 Heiladis emensis, bimarem transibimus Isthmum.
 Ac simul Argolicas & Achaidas atque Laconum,
 Et Peloponnesi reliquas per littora gentes,
 Urbibus ex proprijs dictas lustremus, & intus
 Arcades antiquos: quibus adijciuntur & vrbes,
 Argosq₃, Sparteq₃, Agamemnoniaq₃ Mycena:
 Mox Epidaurus adest, & nobilis are Corinthus,
 Olenus & Sicyon, Patraq₃, humilesq₃ Cleona,
 Gythion ac Træzen, Messene, notaq₃ Lerna,
 Inde Methona, Pylus, Pisarum atque Elidis vrbes
 Mantinea, Tegea, Megalopoleosq₃ coloni.
 Inachus Argolicos camposos. Asopus Achiuos,
 Eurotas cultos Lacedamonis irrigat agros:
 Nec procul Alpheus lapsus subter mare, qui post
 Ore Arethusa tuo Siculis confunditur undis.
 Arcadiam illustres incingunt vndique montes,
 Menala, Taygetus, Pholoe ac Stymphalides vmbra
 Et cum Cylleno gelidi pineta Lycæi.
 In mare Spiraum tendit, Maleaq₃ furentis
 Aestus, & Acritas ac Tenarus ostia Divi.

Hesperios procul hinc tractus, atque Itala regna
 Incingit mare quod suprà, quodque alluit infrà:
 Sed mediam duplices secat Apenninus vtrinq;
 Ausoniam in partes. Adriam littusq; sinistrum
 Cum Carnis Veneti^q colunt, Gallig^q togati,
 Umbri, Picentesq; viri, Priscique Sabini,
 Pelignosque sequens Frentanus, & Appulus agros.
 Hic Salentini Calabrique per oppida campi,
 Magnaque in Ausonijs habitatur Græcia terris.
 Brutia Lucanos Tyrrheno littore primos,
 Et Campanorum latos circum æquora colles.
 Volscorumque domos spectat veteresque Latinos.
 Hinc Ligurum populos, Hetruscorumque penates,
 Insubriumque agros, spaciosasque insuper vrbes:
 Quaque tenent Veneti munita palatia ciues,
 Et Mutina Patavique arces, ditisque Raverina.
 Histrorum inde iacent Tergeste, Aquileia tractus
 Ultra Ancona mari spectata, Bononia campis,
 Mox & Ariminon & Ferraria, Nursia, Sulmo,
 Sipuntū atq; Amiterna domus, Venusinaque rura,
 Brundisium, Hydruntumque, propinquaque tecta
 Crotonis.

Inde Tarentina Metapontum iungimus vrbi,
 Rhegian ac Locros, biferique rosaria Pasti,
 Sirenum scopulos, promonteriumque Minerva,
 Surrentum, Capuam, atque altum Præneste, Salernum,
 Parthenopesque arcem, & Cumæa templa Sibilla,
 Nuceria & Nola Beneventanosque colonos,

Antiphataq₃ domum, & Circeæ litora terræ.
 Mox Caieta iacet, Sinuessaq₃, Tybur, Aquinum,
 Ardeaq₃ & rerum quondam pulcherrima Roma,
 Roma caput mundi: Perusinaq₃ rura sequuntur,
 Et Florentinis immixtus mœnibus Arnus.
 Nec Mediolani pulchram reticebimus arcem,
 Dertonam Ticinamq₃ simul, Genuamq₃ superbam,
 Tridentum, Pisamq₃ urbem, veteremq₃ Cremonam,
 Mantua quam sequitur, Verona, Placentia, Parma,
 Atque aliæ plures, quas præterlabitur annis
 Eridanus, post hunc Rubicon præcepsq₃, Timaueus:
 Hinc Tifernus, & Hirpinis è montibus ortus
 Aufidus: ac Tuscum qui deuoluuntur in aquor,
 Vulturnusq₃ celer, Silari Sarniq₃ fluenta,
 Cuiq₃ sui rerum concessa potentia, Tybris.
 Sed quis finis erit si prosequor omnia verbis
 Oppida & apricos colles, syluasq₃ lacusq₃,
 Fluminaq₃ & campos, sinuososq₃ vndique portus:
 Omnia sunt fama totum vulgata per orbem.

RVDIMENTO- RVM COSMOGRA- PHICORVM

LIBER TERTIVS.

H Actenus Europa lustratis ordine regnis,
Et procul hinc ventis immensa per aequora
vecti,

Tandem Asia magnae populos videamus & vrbes.
Hanc latè triplici contingens littore vastus
Alluit Oceanus. Zephyris obuersa tenetur.
Inclita Syrorum tellus, Asiaq; minoris
Portio, & antiquo notissima carmine Colchis.
Tum variae gentes passim deserta Scytharum.
Mox etiam tenui felices vellere Seres,
Tartariciq; tenent Borealia rura coloni.
Hinc Oriens Scythiam trās celsum spectat Imaum
Regnaq; trans latum quæ restant India Gangem.
Quinetiam interior longè procurrit ad austrum
India, Carmanisq; propinqua Gedrosia terris,
Persidis inde solum sequitur, Chaldaa q; regna,
Totaq; thuriferis Panchaia pinguis arenis,
Multa intus gentes celebres, populiq; potentes
Terrarum varios sparsim tenuere recessus.

Sed nos iam Syriae pennis aduersa fauoni
Littoraq; & terram lustremus melle fluentem.
Prima Palaestinam Sirbonidis alluit vnda,

Mox & oliuiferis Iudæa collibus, illinc
 Phœnissas pariter gentes, Apamenaquæ rura,
 Verùm hinc palmiferam prorsus sociabis Idumen,
 At Galilæorum spacio solimite fines
 Latifluus Iordan scindit Trachonitidis aruis.
 Interiusquæ solum bis quinis urbibus aptum.
 Hinc Cœlem Syriam, hinc Castotidis aspicit agros:
 Insuper & mediam concludunt flumina terram
 Tigris & Euphrates, qui per Babylonica lapsi
 Mœnia, voluuntur sinuosum in Persidis equor.
 Sunt etiam egregia dictis regionibus vrbes,
 Ascalo & Antipatris, pariterquæ Azotiarura,
 Et Samaritanis habitata Sebastæ colonis.
 His sacram Solymorū ædem, Gazamquæ potentem,
 Casaream duplicem, & priscam iungemus Ioppen,
 Cum Sidone Tyrum celebrem, & Ptolemaidis vr-
 bem,
 Beryton ac Tripolim, Myriandron, Laodiceam,
 Tiberij atque alias Galilæi littoris arces,
 Et Gadarenorum fines urbemquæ Scytharum.
 Nec procul Europum claramque videbis Edessam,
 Nisibin, & latio maculatas sanguine Carras.
 Est quoque diuersis non vna Seleucia terris,
 Prima tenet litus, medios colit altera campos.
 Palmyra deinde subest, Hieræ poleosquæ coloni.
 Antiocheia duplex, quarum accolit altera Taurum,
 Altera per medium labentem cernit Orontem.
 Chrysoroas pulchro præterfluit amne Damascum.
 Iordanisquæ sacer geminis è fontibus ortus,

Per latas valles & amœnos vndique saltus
 Tandem Asphaltita diris immergitur vndis.
 Hoc tractu quondam Deus impietate superbas
 Sulphureis flammis Sodomorum perdidit vrbes.
 Et Iericunta quidem similis vindicta secuta est:
 Totaquæ nunc regio priscis viduata colonis,
 Obruta desertis vestigia querit in agris.
 At nunc præcipuos videamus in ordine montes,
 Fecundum cedris Libanum, celebrataquæ fama
 Carmeli iugæ: mox equo Deus ipse tremendo
 Fulgure cum tonitru lapsu perterruit orbem.
 Inde duplex Casius geminato vertice surgens,
 Hinc Pelusiaca, inde Seleuci iungitur vrbi.

Verû age nunc tandem portas superemus Amanâ
 Ac primos Cilicum populos, Asiaquæ minoris
 Littora, & internos peragremus vbique recessus:
 Pamphylia & Lycias vrbes, Lyciaquæ propinquos
 Caras, & Aegæi confines æquoris agros:
 Ionia clarasquæ domos, Lydosquæ penates,
 Aeolidosquæ & Nyssorum quondam inclita rura.
 Hinc Rhætœa iacent Phrygiæ clarissima bello
 Littora, principiumquæ Propontidis Hellepontus:
 Mox Bithynorum fines, qua strictior alter
 Bosphorus Euxinum pontum concludit: at vltra
 Paphlagonum tellus coniuncta est Leucosyrorum,
 Cappadociû & Chalybum ferti pregnantibus agris.
 Inde Lycæoniæ Pisidarumquæ arua, simulquæ
 Meones & Galatæ medios tenuere recessus.
 Verû ea barbarie nunc tam confusa premuntur

Vt neque sint noti fines, neque mœnia terris:
 Atque ideo veteres vrbes, & prisca locorum
 Nomina, & insignem quôdam celebrabimus Iffum:
 Mox intus Cydni diuisam flumine Tharsum,
 Et crassam Soloen Pompei nomine dictam,
 Coryciamq; urbem pariter portumq; specumq;
 Nec procul Aspendus ripas tenet Eurymedontis.
 Hic etiam Attalicis colitur vicina colonis
 Cynthia Pergensis simul & Patereus Apollo,
 Inde Crai^q iugum nocturnoq; igne Chimeram
 Terribilem, & Xanthi flauas linguamus arenas:
 Piscosamq; Gnidon potius, claramq; sepulchro,
 Urbem Halicarnassum & Mausoli nomine regis,
 Aegai^q alias memoremus littoris vrbes:
 Ionicaq; caput gentis, celebremq; virorum
 Mileton patriam, & Mycales sub rupe Prienem,
 Cum Colophône Ephesum Latoidos æde superbam,
 Hinc Sardi coniuncta tenent vineta Timoli,
 Clazomenæ litus sinuosos Smyrna recessus.
 Interius Trallis, Philadelphia, Laodicea,
 Pergamus ac Thyatira: sed & clarissima rerum
 Troia sub Idæis radicibus, vnde Scamandri
 Et Simeontis aqua voluuntur in Hellespontum.
 Antandrus posthæc subit, inque Propontidis oris
 Cyzicus, extremog; iacens Nicomedia Ponto.
 Hanc supra ad Boream sunt & Chalcedones agri,
 Atque Heraclei fines, vbi dicitur olim
 Cerberon Alcides ferro durusq; cathenis
 Ex Acheronte imo superas traxisse sub auras.

Nicasam

Nicæam *Ascanius*, sed *Prusam* illustrat *Olympus*.
Inde Cythoriaco cum monte videbis *Amasirim*,
Et Teutranteos fines, notamque *Carambim*:
Moxque Sinopenfes medijs spectantur *Anisi*
Partibus, irriguisque, assueta *Thenniscyra* campis,
Hic et Amazonidum prope flumina *Thermodoontis*
Castra fuisse ferunt: extrema in littora *Ponti*
Vertice montano *Trapezus* inclusa recessit.
*Interiore Sebastopolis*que, & *Amasia* tractu,
Ancyra & *Iconium*, *Derbe*, cumque, urbibus amplis
Antiochenorum, vix nota parte coluntur.
Hic tamen Aegæo curvis illabitur undis
Mæander, simul & cantu celebrata *Caystri*
Flumina, *Pactolo* coniungitur aurifer *Hermus*:
*Vorticibus*que, altis remorata fluenta *Cayci*,
Atque alij subeunt non parvi nominis amnes.
Parthenius posthac, & *Haly* vicinior *Iris*,
*Sangarius*que, petunt *Euxini* littora *Ponti*.

His tamen omisis pariter videamus ad *Ortum*
Armenia tractus, præfecturasque, potentes,
Et Pariedri altos apices, montesque, *Ceraunos*:
*Vlterius*que, auro celebratam & vellere *Colchim*.
Ast Albanorum medios includit *Iberos*
Planicies, finem *Cyro* quæ ducit ab amne,
Et premit eoas *Hircano* littore partes.
Samosata *Euphratis* ripas, *Melitena*que, rura,
Tigrana certa tenet colles, *Artaxata* campos.
Caspia qua præcepit ad littora fertur *Araxes*.
Inde Dioscorias in finibus *Heniochorum*,

Mercibus externis & vocum mille figuris
 Incluta, latifluas despectat Phasidis undas.
 Nec procul Hermonassa vetus, vinculisq; Promothei
 Caucasus, at niuib. syluisq; grauat. opacis.
 Eshedones Colchis accedunt, moxq; Coraxi,
 Cimmeriaq; graui pressa caligine terra
 Inde Melanchlenis Maotidos accola Sindon
 Iungit Iaxamatas Scythici prope fluminis oram.
 Quin & Hyperboreos montes, Scythiaq; niualis
 Interiora tenent varia sine limite gentes.
 Prima Atimaeorum gryphis inimica propago,
 Finitimi quoque Amazonica telluris Alani:
 Adde & Arimphaeos lax artarumq; recessus,
 Hippophagos, Antropophagosq; Galactophagosq;
 Quique intus folijs depectunt veller. a Seres.
 Multaq; praeterea Scythica cognomina gentu,
 Quas procul à Tanai boreali parte iacentes,
 Immanis mediam percurrent. Asida terram
 Taurus ad extremum discludere dicitur Ortam:
 Taurus, qui dices populos terrasq; potentes
 Indorum tepidos late speculatur ad Austros.
 Hic iacet emporijs tellus opulenta marinis,
 Fertilis omnigenum rerum: semperq; virenti
 Fronde nemus bife. ra crebros parit arbore fructus.
 Multaq; vastarum nutrit portenta ferarum,
 Nulla illic hyemes: sed Sol astate perenni
 Vicinis radijs vernantia temperat arua.
 Atque idem multa gentes & maxima regna,
 Sin. rumq; solum & Chryse peninsula: sed quis

Omnia

Omnia barbarici tractus longeq₃ remoti
 Nomina, tam tenui valeat percurrere versu?
 Indica cū rapidum spacioſo flumine Gangem
 Terra, Palimbotrosq₃, Chelonophagosq₃ colonos,
 Bracmanesq₃ tenet, mox duros Gymnoſophiſtas,
 Bucephalaq₃ue vrbiſ ſines, Myſamq₃ ſuperbam,
 Quam Bacchus quondam primus Orientis in oris
 Condidit: at Macedo non inferiora relinquit
 Oppida tranſgrediens armis victricibus Indum.
 Haud procul Oceani per littora flexa, Gedroſi,
 Carmaniq₃, iacent, & florentiſſima regna
 Perſidis vltorius Chaldaeorumq₃ penates,
 Orchoa, Perſepoliſq₃, ſimul Hecatompylos vrbes,
 Suſarumq₃ arces, Babylonicaq₃ arua coluntur.
 Aſt in ſeceſſu duplici circundata tellus
 Aequore, Petraeos montes, deſertaq₃ paſſim
 Iugera, felicesq₃ Arabum diſtinguere campos
 Dicitur: hac Nabateorum procul intus ad ortus,
 Panchaumq₃ ſolum, Pygmaeorumq₃ phalanges
 Terribiles g₃uibus ſpectat, pinguesq₃ Sabaeos.
 Hac thuris lachrymas, & odores paſcit Amomi,
 Cinnamag₃, coſtumq₃ ſimul, caſiaq₃ ſaporem,
 Et nardi fruticem, ac ſtillat t₃m cortice myrrham.
 Nunc Sarraceni redolentibus vndique campis
 Rura tenent, Mechaumq₃ ſuperſtitione potentem,
 Atque alias celebres dictis in partibus vrbes.
 Sed nos Hyrcani repetemus littoris oram,
 Aſſyrios, Medos, Hyrcanorumq₃ colonos,
 Cyropoliſq₃ artem, Ninig₃ ad Tigridis vndaſ

Mamia,

Mœnia, & Ecbatanis iunctam Ctesiphonta vetustis,
 Asfaciæq; vrbis tractum, longeq; remotos
 Bactrorum populos, Paropanisadumq; recessus.
 His Arianorum gentes. Parthosq; fugaces,
 Sacharumq; domos, Arachosiaq; insuper arua:
 Multaq; si libeat, Latia non cognita lingua
 Oppida iam dictis poteris coniungere terris.

Africa nunc sequitur feruore notabilis ipso,
 Vasta, minusq; frequens, tantum fecunda ferarum.
 Interius qua Sol medius nullas iacit umbras,
 Vrantur flammis, siccisq; teguntur arenis
 Deserti tetro serpentum asslamine campi:
 Quodq; die, Solis violento incanduit aestu,
 Humida nox reficit, paribusq; refrigerat horis.
 Sed notam Lybici peragrantes littoris oram,
 Solis ab occasu, Solis videamus ad ortum,
 Anteiq; domum Tingin, constructaq; Mauris
 Oppida, tum stellas humeris Atlanta ferentem:
 Unde Molucha fluit, Maluæq; propinquior vnda.
 Hic simul Icosium Cartennæq; arua coluntur,
 Pluresq; indigenis noti cognominis vrbes.
 At Numidas fines prætersluit Amfaga: post quem
 Hipponis gemina Colepisq; videbis virinque
 Mœnia, Rusticæq; solum sedemq; Siphacis
 Longius à Pelago Cyrtam, & quos Tabraca cam-
 pos

Incolit: hinc Uticam & magnæ Cartaginis urbem
 Bragada limitibus nimium discernit iniquis.
 Mox gemina Leptis tractus, Syrtiq; propinqua

Clupea cum Taphris, vbi fundit in æquora Triton
 Collectas fluuio ternisq; paludibus vndas.
 Hic circumgentes Nasamonum, Punica latè
 Terra patet: mirumq; nimis quod inhospita Syrtis
 Littora Lotaphagum diris incingit arenis.
 Proximus hinc sequitur Cinyps, aræq; Philæmon.
 Mox ad deuexum penitus Catabathmon habebis
 Pentapolis tractum, & claram Ptolemaidis urbem
 Hesperiam, Arsinocnq; simul, mediamq; Cyrenem,
 Ammonisq; domum, & geminam procul intus Oaf-
 sim.

Marmaridæ posthac passim sine mœnibus vllis
 Vilia dispersi subeunt in agalia ciues.
 Inde Paratonium Mareoticq; arua sequuntur,
 Cum campis Aegypte tuis, qui littora rubri
 Vasta tenent pelagi, longoq; ex ordine tractu
 Aethiopum terris patrium clauduntur ad austrum
 Hic perhibent moles per iugera multa iacentes
 Pyramidum celsas superare cucumine nubes.
 Hic Psammetichi regis labyrinthius error:
 Pluraq; non minus his extant memoranda, sed vltro
 Urbis Alexandri pariter, veterisq; Canopi,
 Et Pelusiæ gentis prope littora fines,
 Ac procul à Pelago celebres recitabimus vrbes:
 Antiqua Memphi iunctam Babylona recentem,
 Bubasti, Taneos, claramq; Hyperionis arcem,
 Thermopolimq; Cynonq; polim: mox deinde videbis
 Intus vbi Nilus Cancris secat astra, Syenem,
 Centifores Thebas, cultamq; Diospolis aulam,

Et cre-

Et crocodileis exercita Tentyra monstris,
Omnigenūmq; Deūm dictis procul oppida terris.

Inde sub Aegypto minus hospita Solis ob aestum
Terra iacet campi longè lateq; patentis,
Monstrorū domus, & rapidis loca subdita fluminis.
Decolor Aethiopum populus per littora sparsim
Obtinet ardentes vario cognomine tractus.
Troglodytarum cultis hac parte cauernis
Lucifero primi Blemys iunguntur ab ortu.
Ast Agisimba procul gelidis discedit ab arctis,
Atque vmbra rerum vicinos iactat in austros,
Hic memorant Nilum Luna de montibus ortum,
Per varios riuos vastosq; paludibus auctos,
Hinc Elephantinamq; urbem, lateque patentem
In medio Meroen concludere: proxima sed post
Aegyptus latis spaciantem flumine campis
In pelagus Pharium septena per ostia fundit.
Interius deserta tenent nudi Garamantes,
Moxque Elephantophagique Antropophagique fe-
runtur,

Et Camphasantesque timidi, Satyrique petulci.
At procul Hesperium latè per littora tractum
Atlantesque feri, Getulorumque coloni,
Nigritaeque habitant, simul & Pharusia pubes
Insuper & plures alibi: sed promptius altis
Nubibus, & nitidis dederim cognomina stellis,
Quàm totidem populos, linguas, faciesque locorum,
Regnaque terrarum, cumque ipsis oppida campis,
Apricos montes, & opacas vndique sylvas,

Stagnan-

Stagnantesque lacus, & crebri vorticis amnes,
 Littoraque & gratos possum comprehendere portus.
 Has tamen è multis variarum nomine rerum
 Percurri breuiter mixtas regionibus vrbes.
 Quarum pars super est prisco sub nomine, pars est
 Excidijs deleta: locisque manentibus ijsdem,
 Per totidem linguas & secula temporis æti
 Nomina diuersis causis mutata feruntur.

Nunc locus Oceani, quæ sunt à Gadibus vsque
 Auroram, & totum qua circumplectitur Orbem
 Nereus, æquoreis ambitas dicere terras
 Fluctibus, extremo terrarum fine coluntur
 Castiteri vena celebres grauiore metallo.
 At procul hybernis succedunt Anglica regna,
 Littoribus Scotia coniuncta: sed Anglia primam
 Londinum, & claras per littora continet vrbes.
 Orchades hinc multæ numerantur, & vltima Thula.
 Atque in secessu propior Selandia tellus.
 Vltior Scythicus boreali frigore pontus
 Horret inaccessus glacie densisque pruinis.
 Multæ autem terræ Solis redeuntis ad ortus
 Undique laudatis habitantur in aquore campis:
 Sed vix nomen habent peregrinis versibus aptum.
 Taprobaneque Orbis medium sortita recessum,
 Lucibus aquatis depressos conspicit axes.
 Hanc circum Oceano variarum altrice ferarum,
 Quin & Erythræo plures nominantur in alto.
 Gorgonis hinc sedes, & inhospita tecta Medusa
 Hesperio tractu surgunt: mox arua beasa,

Et for-

Et fortunata sparso sine semine terra.
 Est etiam ulterius non visa prioribus annis
 Insula, diues opum cultuq³, immanis agresti,
 Quam lucri studium, rerumq³, cupido nouarum
 Prima sub extremo conspexit Sole cadente
 Illa tamen valeant: iam nunc propiora sequuntur,
 Herculeoq³, freto positis vtrique columnis,
 Intronissa fluunt per apertas equora terras,
 Extantesq^{ue} vagis campos mirantur in vndis,
 In primis Ophiusa mari consurgit Ibero,
 Cumq^{ue} Ebusitanis Balearica regna colonis,
 Atque aliae plures passim sine honore iacentes.
 At breuib^{us} spacijs despectat Corsica tellus
 Littora Sardiniae: Tyrrhenum deinde per aquor
 Pontia cum Prochyta, Caprea, Planasia: moxq^{ue}
 Scylla ferox canibus, simul & Zanclea Charybdis.
 Ausonia Siculaq^{ue} tenent confinia terra.
 Inde Pithecusae, Lipara & Vulcania, post quas
 Strongyle, & innumera penitus visuntur in alto
 Insulae: ante alias sed enim praestantior (olim
 Cyclopum Cererisq^{ue} domus) Trinacria montes
 Finibus extremis diuersa per aquora fundit,
 Cumq^{ue} Peloride Lilyben, vastumq^{ue} Pachynum:
 Interius celebrem flammis viuacibus Aetnam,
 Atque Erycis templum & claras amplectitur vrbes,
 Messanam, Catinam simul & Megarensia rura,
 Cumq^{ue} Syracusis Drepanum, notamq^{ue} Panor-
 mum,
 Tauromenon, Camerinam, Agraganta, Leontion,
 Hyblam.

Sunt

Sunt etiam Adriaco Diomedis nomine dictæ,
 Et quas Ionium latè circumfluit aquor,
 Phæacum sedes Corcyra, & littus Echina,
 Insula mox Cephaleñorum, & nemorosa Zacy-
 thus,

Illustrisq; Ithaca, & Strophades, quas dira Celeno
 Harpyiæquæ aliæ quondam tenuisse feruntur.

Hinc Teganusa iacet, Veneriq; dicata Cythera,

Insuper & Salamis, propiorq; Aegina: sed intus

Myrtoum Sporades fluctu circumsonat aquor

Nisyron, Olearon, Theram, Melonq; rotundam,

Syron & Hippurim, Pathmon, viridemq; Donyfam:

Inde Lebynthon & Icariam, sparsasq; per altum

Cycladas, albentemq; Paron, planamq; Scriphon.

Mox Delon, Mycone celsa Gyroq; reuinctam,

Florentemq; Cythnon, Sicynon, sacramq; Lyao

Naxon, & hinc Siphnon, & Rhenen, mox Tenon &

Andron

Separat, Aonijs procul hinc Euripus ab oris

Eubœicas vrbes, Chalcin niueamq; Caryston,

Ceneiq; iugum, infidumq; Capharea nautis.

Adde tot Aegæo distinctas æquore terras,

Sciathon, & nitidis latam Pæparethon oliuis,

Tum Scopelon, Scyrum, & Vulcani mœnia Lem-
 num,

Threiciamq; Samum, Tenedon, mox Chion & Im-
 bron.

Et Mitylenæam spacioſo littore Lesbon,

Iunonisq; domum, sed & Astypaleia rura,

Carpathi^q, maris Rhodiorum & Apollinis vrbes,
 Lindon, Ialys^qque simul, veterem^q, Camiron.
 Illustrant etiam Creten hecatompolin vrbes,
 Lictus & hinc Gnosus, Cydon, Gortina, Lycastus.
 Atque alia, quarum vix nomina nota supersunt:
 Ida Iouis cuna & Dictai culmina montis,
 His^q, Samonion adiunges, Criu^qque Metopon.
 Ipsi^{us} inde sinus Cypri complectitur vrbes,
 Cum Salamine Paphum, grauidam^qque Amathunt^{em}
 metallis.

Sed quid nota sequor? multa sine lege iacentes
 Insula Oceano in magno, medi^oque profundo,
 Partim homini culta, partim deserta ferarum
 Pascua, neglectis pelagi claudumur in oris.
 Quadam iam celebres, olim sine nomine terra
 Multarum nec honor priscus, neque nomen habetur,
 Sed libet hoc portu fessas subducere naues.

RVDI-

RVDIMENTO- RVM COSMOGRA- PHICORVM

LIBER QVARTVS.

VARIARVM RERVM NOMENCLA-
turam continens.

Postquam præcipuis cæli terræq; marisque
Partibus inuēti, verbōque creata potenti,
Humanaq; manus monumenta stupemus & artē:
Nunc propiora sequi, mundumq; videre minorem,
Et quicquid propter talem Deus ipse creauit,
Ingeniumque hominis longo quæ reperit usu
Dicere pergemus: superent modo nomina rebus.
Principio terræ dominum, rerumque potentem,
Præstantem specie fortunatumq; superni
Naminis aspectu, quamuis damnauerit error
Impius, & diæ subiecit corpora morti:
Non tamen ingenuæ penitus vestigia formæ,
Nec data cesserunt diuina semina mentis:
Quæ solus nouit, solus scrutatur ab alto,
Qui regit affectus varios, animisque vigorem
Suggerit, & corpus magnis virtutibus implet.
At nobis breuiter, quæ sensibus vndique nostris
Occurrunt, notæ referentur carmine partes
Corporis, & summo quæ sunt à vertice membra.
Sanguis, adeps, cerebrum & pingui cum carne me-
dulla.

Venarumq₃ viæ graciles, arteria, nervi,
 Ossaq₃, membrana sudoriferiq₃, meatus,
 Et cum visceribus distincta in corpore fibra,
 Moxq₃, decus capitis vultus, geminaq₃, lucernæ
 Corporis, & custos tenera palpebra pupilla,
 Occiput atque aures, cilium, caluaria, nasus,
 Maxilla duplices, & frons sacra pudori,
 Temporaq₃, & nares, calamistratiq₃, capilli,
 Elatumq₃ supercilium, promissaq₃, barba,
 Mandibulamq₃, tegens mentum, labiumq₃, decorum
 Os hominis, rostrumq₃, avium, rictusq₃, ferarum.
 Hinc guttur subit, atque imo tonsilla palato,
 Et gula dependens à faucibus, inq₃, recurvis
 Gingivis dentes, septa munimina linguae,
 Affinis iugulo ceruix, collumq₃, superbum,
 Spinaq₃, vertebriis toto fortissima dorso,
 Brachia cum scapulis, humerus, manus, vlna, lacer-
 tus,
 Musculus, axillaq₃, caua, cubitiq₃, sequentes,
 Palmaq₃, cum digitis, index cum pollice, verpus,
 Sinciput atque vterus, cutis, & cum ventre papilla,
 Et ventris medium, atque extremi corporis ungues.
 Hinc laterum robur costæ, præcordia, mammae,
 Intestinorum series, cordisq₃, recessus,
 Splen cum felle, iecur, pulmo, simul ilia, lumbi,
 Et fons morborum stomachus, vesica renesq₃,
 Pectora cum pugnibus, & edax cum clunibus alius,
 Dentulaq₃, & femorum partes cum cruribus: inde
 Vulva, nates, inguen, matrix, præputia, testes.

Cum genibus tali, & gemino cum poplite *sura*,
 Plantaq; cum pedibus, robustaq; tibia, *coxa*,
 Postremiq; simul calces, & quicquid in ipso
 Corpore diuersum superest, propriumque ferarum
 Concha, pilus, squamma cum pennis, veller, seta,
 Ungula, cumque toris *palearia*, pellis & armi,
 Cornua cum cristis, mox cauda, proboscis & *ale*.

Sed dum precipuos memoramus corporis artus
 Sensim ad res alias ventum est: pariterque videnda
 Quadrupedum species, sauarumque ordo ferarum,
 Iunctaque reptilium varijs insecta figuris,
 Squammigerumq; genus pisces, pictaeque volucres:
 Et quicquid natum tellus habet, aer & vnda,
 Atque hominis pedibus subiectum, plurima passum
 Sponte sua confert securae commoda vite.
 Principioque duces, aries & taurus, & hircus,
 Mox equus & mulus, verres maialis & agnus,
 Inde sues, veruex, cumque agris porcus asellus,
 Lanigerique greges, ouium petulansque capella,
 Bubalus ac barrus, vitulus, bos, vacca, caballus,
 Capreoli, leporesque leues, & odora canum vis.
 Armenia tigres, tracundique leones,
 Camque lupis vrsi, lynces, panthera, camelus,
 Simius, ichneumon, erinaceus, himulus, histrix,
 Rhinoceros, elephas, crocodilus, cercopithecus,
 Tragelaphusque, hippopotamus, cum dorcade cer-
 uis,
 Sauius aper, volucresque ibices, pardique feroces.
 Syluestresque onagri, vulpes, leopardus & vrus,

Talpâque luce carens, crocuta, sciurus, hyæna,
 Castores amphibij, lutra, damaq³, fugaces.
 Murilegi feles, forices cum muribus atque
 Mustelis, glires, vierra, cuniculus, hœdus:
 Ignotaq³, alia species atque ora ferarum,
 Qua passim varius sine nomine procreat orbis,
 Corporis exigui sunt, & quæ mole feruntur,
 Fucus iners, apumq³, genus, vespaq³, nocentes,
 Infestumq³, crabro pecus, atque infestius æstrum.
 Musca, culex, bruchus, cynomya, terebō, locusta,
 Atque hyemis formica memor, segnisque cicada,
 Blattâque, Papilio, tineæ, & cum Cimice bombyx,
 Pyrausta simul & nitidis lampyrides alis,
 Curgulio, campe, conuoluulus, atque cerastes,
 Hinc eruca, pulex, & amica cruoris hirudo,
 Stellio, lumbricus, scarabeus, araneus, aspis,
 Scorpius, aspectuq³, noctis basiliscus, echidna,
 Cochlea, & infestus serpens, buprestis & hydrus.
 Tum domi porta subit testudo, lacerta, dracones,
 Tipula, rana, grauis bufo, salamandra, rubeta,
 Cantharis ac limax, scolopendra, phalangia, gryllus.
 Quin etiam liquidis quadam pascuntur in vndis,
 Ostrea cum conchis, cancer cum murice, perca,
 Cetus, amansq³, hominis delphinus, phoca, balena,
 Versicolor polypus, cum passere scalpa marino,
 Carpio cum scombris, & cum torpedine rhombus,
 Cumque halece scarus, murenâque, sepia, salmo,
 Gabius, aurataq³, acipenser, mena, silurus,
 Tymnus & anguilla, canis, & cum mugile congrus,

Hinc lupus ac barbo, mulusquē, echeneis, hirundo,
 Quique ferunt alijs accepta vocabula rebus.
 Inde genus volucrum Cælo quod gaudet aperto,
 Anser, anax, perdix, turdus, gallina, palumbes,
 Nisus & accipiter, motacilla, monedula, nuluus.
 Psittacus hinc sequitur. pictisquē nitentia pennis
 Corpora pavonum, phasianus, turtur, hirundo,
 Vocales merule, singillaque frigore gaudens,
 Regulus, alcyones & sturnus alauda, coturnix,
 Attagen atque apodes. philomelaque, passer, acambis,
 Pica loquax, aquilaquē leues, & garrula cornix,
 Graculus & picus, cuculus, curruca, columba,
 Gryhes hyperborei, phœnix simul ardea, cygnus,
 Struthius ac falco, & cum porphyryone pygargus,
 Aeriequē grues, longoque ciconia rostro.
 Hinc fulcia atque parix, vultur, ficedula, mergus,
 Et cristatus epopis, ibisquē i fœsta colubris,
 Noctuaque & merops, bubo funestus, & otus,
 Nycticorax, v'ula, strix, vespertilio, corvus,
 Quaque locis alio viuunt sub Sole remotis,
 Et peregrina tenent cognomina. Protinus illis
 Quisquid in Alcinoi syluis, & Adomidis hortis
 Crescit, Hamadryadum saltus, viridesquē Napeas.
 Et quas immenso tellus producit in orbe,
 Vallibus aut campis fluuijsquē & montibus altis,
 Per varias species nectemus in ordine plantas.

Primaquē citrus adest, mox cedrus & innuba lau-
 Hinc acer & ficus, pinguesquē sequuntur oliue, (rus,
 Pampinas vites, & amicta vitibus vlni,

Persicus atque pinus, sambucus, amygdalus, ornus,
 Sacra Ioui quercus, frondosaque tegmine fagus,
 Castaneaque simul coryli, patulaque iuglandes,
 Edellia, lentiscus, fructuque onerata rubenti
 Arbutus, & lenta victoris premia palma,
 Populus & præcox cerasus, nodosaque cornus,
 Et platani steriles, curvataque glandibus ilex,
 Hinc abies, pinusque virens, labrusca, cupressus,
 Esculus ac tædæ pingues, ferulaque minaces,
 Molle siler, picea, malus, terebinthus: at inde
 Taxus & amnicola salices, lentæque genistæ,
 Mespilus & morus, larix, oleaster, arundo:
 Mox hebenus, lotusque & spinis prunus acutis,
 Et cum iuniperis cytisi, satuaque mariscæ.
 Hinc tilia molles, & fraxinus utilis hastis,
 Horrentesque rubi, simul & vibarna, chamædrys,
 Cum rusco sorbus, cum spino myrtus & alnus,
 Perpetuoque virens buxus, tenuesque myricæ:
 Milleque pomorum species, quibus optima tellus
 Expromit varios in radice saporès,
 Cum nucleis resinam, & maturo semina fructu,
 Cumque acinis bæccas, glandesque, vuasque, nuceſ-
 que.
 Hinc frutices simul & nitidæ cum floribus herbe,
 Balsama cum casia, thus, myrrhaque, nardus, amo-
 mum,
 Acacia & moli, mox dira aconita sequuntur,
 Narcissus, viola, & nimium rosa plena pudoris,
 Cnucalis, ænante, rododaphne & amaracus, iris,
 Acorus,

Acorus, hyssopusq³, althæa, lauendula, caltha,
 Fœniculumq³, anisumq³, chelidoniumq³, crocumq³,
 Rugosum piper, & pallentis grana cumini,
 Et cum Lactucis caryophylla, zingiber: inde
 Ozima cherephylumq³, immortalesq³, amarant³,
 Et satureia thymum referens thymbræq³, saporem,
 Salvia, dictamnus, blittum, colocasia, sandyx,
 Peucedanumq³, apiumq³, melanthia, petroselinum,
 Ambrosia, & bacca semper frondentis acanthi,
 Capparis & tristes inula, corruda, sinapis,
 Artemidisq³, chamapityosq³, atque achrados herba,
 Allia cum cepis, coriandra, papauer, anothum,
 Corchorus in lachanis, carex, absinthia, spelta,
 Rurag³, serpillumq³, & suaue rubens hyacinthus,
 Silphion, andrachne, raphanus, nasturtia, caules,
 Brassica cum rapis, cyperus, spinachia, porrum,
 Pisa, faba, cicer, reliqui³, leguminis ordo,
 Otdeaq³, & nilium, far, chondrus, auena, siligo,
 Infelix lolium, vicia, tristisq³, lupinus,
 Triticea messes, & humi nascentia fraga,
 Cum fœnugræco staphylinus, aristoschia:
 Hinc crucea salax, scolymus, satyriq³, gemelli,
 Marrubium, panicumq³, & hyoscyamus, sagapenum,
 Lapsana, verbascum, plantago, anchusa, simulq³,
 Esula cum betis, solanum, stychnus, oryza,
 Lilia, mentastrumq³, euphorbia, centaurea,
 Abrotanum, seseli, mox & cynoglossa sequuntur,
 Asphodelus, smilax, eryngion, enneaphyllon,
 Pulegi³, nepeta simul, borraginis herba,

Bettonica & scandix, muscus cum rore marino,
 Inde meliphyllon, panaces, scammonia, scylla.
 Solsequium, graueolens cumila, ac verberna, pyre-
 thrum,

Hellenium, lupulus, buglossi, filix, adianthum,
 Errantes hederæ, lapathus cum baccare, malua,
 Menta, leonpodion, lentes, niueumq; ligustrum,
 Cum rutilis ebuli baccis, melilotus, libiscus,
 Intybus atque atriplex, boletus, tubera, fungi,
 Assargi, pepones, bulbi, gelidusq; citrullus,
 Et tenero cucumis, longoque concurbita collo,
 Saxifraga, origanum, mox glycyrriza, melones,
 Granæque pæonia, vaccinia, costus, aizon,
 Anthemis, & viscum quod non sua seminat arbos,
 Ptisana, symphytonq; cichorea, myriophyllum,
 Clematis atq; aloë, ladanum, hypericonq; foratum,
 Hinc sifer, helleborusq; duplex, & noxia succo
 Galbana, lynchitis, mox camphora, tithymalisq;
 Mandragoraq; simul flores & mæstia cicuta,
 Spinæque cum rusco, paliurus, lappa, triphyllum,
 Carduus ac tribulus, rhamnusq; urtica, faselus,
 Cum pentaphyllo saluoca, dracunculus: inde
 Cannabis & spartum, linamq; anagrum &
 eruum,

Iuncus cum scirpo, simul vlua, papyrus & alga,
 Scirps, radix, folium, flores cum cortice, ramis.
 Spicæque cum siliquis, stipuleq; & culmus, aristæ.
 Sed quis cunctarum vires & nomina verbis
 Explicet, aut possit totidem discernere formas?

Cum plures herba quam nomina: proinde relictis,
 Natura rebus, magis explorata sequemur.

Atque magistratus dicemus & officiorum
 Nomina, & artificum diuersas ordine sectas,
 Archiduces, comites, celsum cum principe regem,
 Induperatorem, chiliarchon, & inde tribunum.
 Hinc subit inuicti miles cum caesaris armis,
 Satrapa, praefectus, gemino cum consule quaestor:
 Mox proconsul, eques, vexilliferumque secuti
 Cum ducibus, praeo, legatus, scriba, satelles,
 Aedilis, praetor, iudex, equitumque magister,
 Interrex, censorque grauis, sanctusque senatus,
 Patrocióque simul cum dictatore decani.
 Carnifici iunctus centurio, lictor & augur,
 Pontificumque grauis fido cum praeside cætus.
 Ianitor atque vigil, cumque adituente sacerdos.

Sunt etiam variae famosi nominis artes,
 Quas quis vel casu, vel quæ ratione secutus:
 Hinc professorum venit longissimus ordo,
 Grammaticus, rhetor, dialecticus, inde sophista,
 Astrologus, geometra simul, urisque peritus,
 Philosophus, medicus, post musicus atque poeta,
 Cumque mathematico socius chirurgus, & acris
 Physicus ingenio, vates, phonsæus, alptes,
 Tibicen, historicus, phrygio, tractator arithmi,
 Bibliopola simul, sculptor, cocus, archimagirus,
 Calcographus, solers pictor, praesagus aruspex.
 Inde propola venit pariter cum litis amante
 Causidico, post hunc fidicen, vespillo, magusque.

Pannifices, fullo, tubicen, figulusq; sequuntur,
 Institor, aurifices, mercator, pharmacopola,
 Mox lapicida, faber, cytharædus, pellio, textor,
 Cumq; trapezitis, fusor, gemmarius: inde
 Vinitor, herbarum legulus, factorque papyri.
 Athleta, pugiles, & cum cursore probatus
 Schœnobates, tonsor, chartarius & gladiator,
 Quique simul statuas vnguentaq; cibraq; sellas,
 Carbonesque solent & vitra parare, quibusque
 Bractea, marsupium, pariter cimenta, sagitta,
 Plaustraq; carpentumq; dedisse vocabula constat.
 Funicisque simul sutor, coriarius: & mox
 Oeconomus, lanuus, pincernaq; & architriclinus.
 Pistor, & hinc molitor, mensarius & publicanus:
 Tum gladiatorum opifex, & notior hospite caupo.
 Nauta, simulque agilis remex, auriga, viator,
 Agricola atque olitor, piscator, villicus, auceps.
 Hinc durus messor, tornarius, hystrio, sartor,
 Mulis & ægonomus, venator, fossor, agaso,
 Pastor & vpilio, mox bubseque, mango, subulcus.
 Inde gradus veniunt, & iuncti sanguine cœtas,
 Agnati pariter cognatorumq; propago,
 Affinis, conuinx, vxor, procus atque maritus,
 Cum socero, sponsusq; gener, socrusq; nurusq;
 Sobrini, patruusque grauis, geminique parentes
 Cum genitrice pater, matertera, consobrini,
 Germanique simul fratres, grataq; sorores:
 Hinc patruelis adest, natiq; simulq; nepotes,
 Mox & auus proauusq; et amnunculus atque gemellæ

atria cum leuiro, iunctusque sororius: inde
 ricus, atque audax sequitur cum gloire nouerca
 uignus pariterq; amita atque amitinus: at vltra
 tronusq; reusq; cliens, testator & heres,
 cum legitimo paruus tutore pupillus.

Nunc simul ingenijs clarorum inuenta viro-
 trumenta, operum varius quæ postulat vsus:
 structurarum partes, luxusq; tegentis
 rpus & escarum percurreret nomina carmen.
 anquam hæc de multis sint pauca vocabula re-
 bus:

nsa, tripes, flabrum, catinus, scutella, canistrum,
 ceus ac Scyphus, mox amphora, cantarus, vrna,
 a, lebes, cacabus, discus, sartago, patella,
 ca, lagena, cadusq; & cocta fidelia limo,
 ra, calix, modius, crater, lanx, quadra, salinum,
 ula cum calathis, gutturma, peluis, amussis,
 cum pistollo mortaria, follis, ahenum,
 scma, marsupium, & firmis charchesion ansis
 de veru, coclear, chytropus, mantile, paropsis,
 paq; cum oculis, cyathi, patera q; capaces:
 ox infundibulum, culter, craticula, funda,
 appa simulque abacus, lychnus, cum forfice cri-
 brum,

que Cytoriac plena cum pixide cista,
 ssera cum talis, & pila, deinde fritillus.
 bia, testudo, cythara, tuba, fistula, plectrum,
 x laterna via, speculum, candelabra, sistrum,
 ragula, lodices, lectus, substrataq; mellis

Culcitra, pulvinar, cunabula, sponda, scabellum,
 Scrimia, ceruical, iunctisque aulea tapetis,
 Circinus, ampullæ: mox dentiscalpia, corbes,
 Antlia, rastelli, mulctræ, catena, batillum,
 Fusus, verticulumq; colus, glomus, annulus, orbis,
 Filæque, pecten, acus simul addita liciatela,
 Hinc dolabra, lima cum forcipe, malleus, incus,
 Ascia cum terebro, cuneus cum cote securis:
 Tum runcina, scopæ, fabrilia, scalpra, dolones,
 Torcular, & prælum, ac dentata lamina serræ,
 Sarcula, ventilabrum, & triplici cū falce bidentes,
 Carpentum, temo, currus, rota, vomus, aratrum,
 Arbutæ crates, & mystica vannus lacchi.
 Stiuæque cum radijs, buris, ligo, canthus & axis:
 Hinc saccus, dolium, contextæque fiscina virga,
 Gausape, mox restis, pluteus, lectica, cylindrus.
 Tribulæque, trahæque, & iniquo pondere rastro,
 Sella quoque & phalera, strigiles, furcæq; bicornes,
 Calcar cum stimulis, & cphippia, frena, capistrum,
 Retia, muscipulæque, annites, pedicæ, atque matella,
 Verriculumque, auidisque voratus piscibus hamus,
 Hastæque cum clypeo, gladius, vagina bipennis,
 Calua, simulque arcus, & plena pharetra sagittis,
 Pugio, bombardæ, catapulta, balista, flagellum,
 Mantica, malluuiū, trochus atq; nouacula, parma.
 His quoque diuersa succedunt ordine partes,
 Aedibus in cunctis quæ plusve minusve struuntur:
 Porticus, aula, domus, pauimentum, limina, postes,
 Ostia, vestibulum, & bifores cum cardine valua.

Atria,

Atria, triclinium, puteus, coenacula, scammum,
 Cum locuplete penu stabulum, vinaria, cella,
 Hinc hypocausta, bases, camera, celsaq; columna,
 Iunctaq; cum caueis apotheca, cubilia, fornix,
 Carcer, & effosso deducta cloaca canali:
 Inde peristylum, testudo, gynacion, antes,
 Cum fundamento paries, laquearia, porta,
 Ianua, & interior postica, fenestra, lupanar,
 Pessulus atque sera, clauusq; repagula, vectes,
 Pergula, scala, gradus, podium, praesepe, caminus,
 Moxq; culina, focus, fornax, fumaria, furnus,
 Hortus & impluuium, granaria, balnea, turres,
 Area, protectum simul & subgrundia, culmen,
 Scandula cum trabibus, tegulaque & tignus, &
 imbrex,

Horrea, cancelli, & summi fastigia tecti.

Sunt etiam naui partes, & multa supellex,
 Malus, & antennae transuersis cornibus, vnde
 Carbasa dependent, remi, crassique rudentes,
 Transvrorum series, pariterq; harpago, carina,
 Ancora cum rostro proa, fixusq; repandis
 Puppibus & certo rectus moderamine clauus.

Indumenta simul vario confecta labore,
 Pellibus & pennis, de bombyce, vellere, lino:
 Purpura, pelliciumq; chalmis, toga, penula, sindon,
 Pallia, diplois, strophium, multicia, peplum,
 Hinc tunicis manicae sunt, & redimicula mitris,
 Byssus adhuc, & cum lato sudaria clauo,
 Insulaque, & regale decus, diadema sequuntur,

Bul-

Bullaque & interula, stola, flammea, vitta, lacerna,
 Cingulus & caliga, bracca, praetexta, tinea,
 Baltheus ac thorax, galea mox fibula, cestus,
 Fascia ciliciumq; & prodigiosa cuculla,
 Fimbria, reticulum, chirotheca, monilia, palle,
 Sandalium, torques, tremulaq; in vertice crista,
 Supparus atque sagum, loricaque, limbus, abolla,
 Centones, trabea, cum cyclade, lana, calyptra,
 Paludamentum, femoralia, bardocucullus,
 Calceus, atque ocrea, conus, pileusq; galerus,
 Cum soleis, crepidae, socci, celsiq; coturni.

Sunt etiam omnigenum delectamenta ciborum,
 Siue ea dura fames reperit, siue ipsa voluptas:
 Panis & intritum, simul & bellaria, pultes.
 Asaque cum fixa atque elixa carne, medulla,
 Condimenta salis, mox & praedulcia mella,
 Saccaron, ossa, garum, tucceta, tomacla, polenta,
 Cum pulpamento, scriblita, botellus, & ouum,
 Artocreaq; fauusq; recens, obsonia, manna,
 Pappaque, farcimen, petaso, placenta, butyrum.
 Durati sale terga suis, cum sumine perna,
 Caseus, isicium, succidia, deinde minutal,
 Castaneq; nucesq; & suaue rubentia mala.
 Hisq; epulis grati miscentur saepe liquores,
 Hydromel, & mulsum, ceruisia, nectar, acetum,
 Potus aqua, zythum cum succo pinguis oliui,
 Cumque mero vinum dilutum, ac defruta, mustum,
 Hinc muria latices, & opimi copia lactis,
 Vile ferum, vaporeque stupor, siceraque sapor.

Verum

Vexum hæc hãm ana diuis concessa saluti,
 Morborum ingenti contrapensantur aceruo:
 Quos tandem pariunt vitia in corpore primum
 Quatuor humores, cholera & cum sanguine phleg-
 ma

Atque melancholia: & rerum peruersus abusus.
 Nanque aer, & cibus & potus, motusquæ, quiesquæ,
 Somnus & excubia, replendiquæ insuper ordo,
 Affectusquæ animi, multum dominantur vtraque
 In partem, et prauo generant moderamine morbos:
 Qui partim chronici, partim nominantur acuti.
 Hinc tussis, spasmus, tetanus, dyspnœa, catarrhus,
 Vulua, singultusquæ & cum rauedine rheuma,
 Strumaquæ cum gibbo, scyphosis, verruca cicatrix,
 Vomicæ, lichenes, varix, glaucoma, parotis,
 Et cum furfuribus, cumquæ intertrigine scyrrus,
 Lentigo ac scabies, & cum porrigine psora,
 Phthiriasisquæ scatens, furunculus, inquæ petigo,
 Et quæ vicini corpus contagia ladunt,
 Mydriasisquæ, simul madarosis, opisthotonosquæ,
 Polypus & graueolens ozæna, grauisquæ coryza:
 Hinc & alopeciam sequitur, cephalæa, veterinus,
 Leucoma, agilops, ophtalmia, branchus & aphthæ,
 Trichiasis, vitiligo, simulquæ scotoma, synanche,
 Et tactu mentagra nocens, epinyctis & alphas,
 Phthisis, erisipelas, anorexia, syncope & asthma:
 Moxquæ paronychia morbo subit algos odonton,
 Hemicrana grauis, manuum nodosa chiragra,
 Lepa, elephantiasis, cancer, gangrana, parulis,

Hernia, prurigo, rhagades, tumidaq; mariscæ;
 Inde gonorrhœa, labes, stranguria, & horror,
 Ischias, arthritis, phagedæna, podagra, marasmus:
 Tum dysenteria fluxus, & tormina ventris.
 Cumq; diarrœa, lienteria atque tenasmus.
 Icterus, ascites, simul hæmorris & hydrops,
 Bulimus, & languens dispepsia, calculus, ichor,
 Colica, lithiasis, dysuria, mox diabetes,
 Cumq; Priapismo bubon obscænus: at inde
 Cæliacus morbus, pleuritis & enterocèle,
 Cardiacusq; dolor, tonsilla, nephritis & anthrax,
 Incubus, hydrophobus, raptaq; epilepsia mentis,
 Quem morbum herculeum dicunt, sacrumq; cadu-
 cumq;

Infauftum inter suffragia committalem,
 Nec paralyfis abest, pariterq; epidemica pestis,
 Ecstasis, & mania furor, atque insana phrenitis.
 Ileos, abscessusq; graues, apoplexia morbus
 Sonticus: hinc herpes, & condyloma sequuntur,
 Exanthema, simulq; oscedo, cachexia, phlegmon,
 Pulmonis splenisq; labor, cephalalgia, febres,
 Hæctica cum putrida, tritæa, & ephemera, causon.
 Quartana atque aliæ, quarum discrimina nouit,
 Qui solus mundi cunctas speculatur abyssos.
 At nos chiliadas rerum numerare parati,
 Vocibus in medio priuamur: nec tamen ista
 Nomina cum proprijs pigeat perdiscere rebus.
 Cetera quæ restant, nec sunt numerata sub istis
 Versibus, explebunt doctorum scripta virorum.

*Nos quoque difficili functi mea musa labore,
Cum perculsa graui premerentur pectora fluctu,
Arma inter media, & rabiosam demonis iram,
Carmina nunc alios potius cantare sinamus.*

Poëscos Honteri. Finis.

DE MVNDI CREA- TIONE A C CONSTI- TVTIONE BREVIS IN-

STRVCTIO, RVMOLDO

Mercatore Gerardi F.

autore.

STVDIOSVS Geographiæ ante omnia consideret mundi creationem, hoc modo. Deus constituto puncto, quod nunc mundi centrum est, pro sede & quiete grauium, massam liquidam informem creans, quam chaos vocant, illi eam iniecit, excitatoque vehementi spiritu eam agtauit, agitando crassiora grauioraque discreuit, quæ centro se ad æquilibrium applicantia, terram ac mare in vnum corpus figuræ sphericæ dederunt, cuius centrum punctus ille qui sedes est grauium existit, supra hoc corpus vt leuiora & nobiliora quæque ita superiorem locum obtinuerunt, lucidaque materia in globos paulatim collecta, lunam solem, stellasque reddidit, quæ ratione primi mobilis, supremi inquam coeli

D. 2

super

super polis æquinoctialis siue mundi ab ortu in occasum rapiuntur, noctem diemque diuidentes, at super alijs polis, eclypticæ videlicet, proprio motu ab occasu in ortum, aliæ citius, aliæ tardius circumuoluuntur. Vt autem terra habitationi animalium accommoda fieret, spiritus ille quo placuit Deo vndas in altum attollens, alibi montes & altiore[m] terræ aream conge[ss]it & solidauit, alibi cauaturas & sinus effecit, in quos fluxilis aqua descenderet, & quo in æquilibrio penderet tota machina, nostræ continenti quæ Asiam, Africam & Europam comprehendit alteram quam Americam siue nouam Indiam vocant ex opposito obiecit, & quia hæ duæ continentes pro maxima parte supra æquinoctialem versus polum arcticum sunt sitæ, ideo his sub polo antarctico tertiam continentem opposuit, maribus vndique inter se communicantibus, vt tota terræ marisque machina vndique æquilibris esset & consisteret, omnesque partes ex quauis regione adnauigabiles redderentur. Hæc obiter ex Patris mei in suam Cosmographiam lucubrationibus annotare volui, vt naturalioris speculatione imbueretur Lector, & ad altiora eius conditi mysteria aditum nanciscatur.

Huius iam sphærici corporis conuexam superficiem contemplaturus Geographiæ studiosus, astris illud subijci & pro illorum situ varia ipsi accidentia contingere obseruet, quæ ratione circulo[rum], quibus astrorum motus, distantia & tem-

& tempora determinantur, illi obueniunt. Sunt autem circuli ad Geographiam cognitu necessarii, Aequinoctialis illique Paralleli siue æquidistantes, & Meridiani. Porro quia hi circuli in plano non eodem modo quo in sphaera exprimi possunt, quod sphaerae superficies in planum seruata eadem partium ad inuicem habitudine depingi nequeat, sciet lector nos eam complanandæ sphaerae rationem secutos esse, quam Gemma Frisius in suo planisphaerio adinuenit, quæ omnium longè optima est. Et si enim gradus à centro versus circumferentiam crescant, uti in gradibus æquinoctialis vides, tamen latitudinis longitudinisque gradus in eadem à centro distantia eandem ad inuicem proportionem seruant, quam in sphaera, & quadranguli inter duos proximos parallelos duosque meridianos rectangulam figuram habent, quemadmodum in sphaera, ita ut regiones vndiquaque omnes natuam figuram obtineant, sine omni tortuosa distractione, crescente tamen versus exteriora magnitudine, propter graduum longitudinis latitudinisque incrementum, quod dixi, ex quo etiam fit ut paralleli, qui in sphaera æquatori sunt æquidistantes, hic circulares appareant, cum æquator sit recta linea, per medium hemispherij media inter vtrumque polum distantia ducta, quæ diuiditur in 180. gradus, quippe dimidium tantum æquinoctialis in vno circulo, dimidium alterum in altero continetur, quia dimidium totius sphaericæ superficiei tantum in vno cir-

culo comprehendi potest, nequaquam tota, ita vno circulo totam veteribus cognitam continentem comprehendimus, nimirum Europam, Asiam & Africam, Nouum autem orbem siue Indiam nouam altero circulo, Continente interim australi in vtrumque circulum incidente. Dicitur autem æquinoctialis circulus ab æquinoctio, quod sol in eum perueniens efficit, quod bis in anno contingit, circa 11. diem Martij, & 14. Septembris, Sol enim super polis zodiaci proprio motu, anno vno eclypticam permeat oblique æquinoctialem secans & ad 13. cum dimidio gradus ab illo versus vtrumque polum recedens, vbi tropicus Cancrj & Capricorni notantur. Meridiani sunt circuli per æquinoctialis sectionem quamuis & polos mundi descripti, ideo Meridiani dicti, quod in illo constituto sole meridies sit omnibus qui sub eodem hemisphærio duobus polis terminato habitant.

Nunc quid hi circuli mutationis quæve accidentia in regiones & diuersas sphæræ partes adferant, audi. Meridiani longitudinem locorum & longitudinis siue horarum differentiam duorum quorumlibet locorum indicant. Constituerunt autem Geographi initium longitudinum in meridiano qui per occidentalissimam insulam Canariarum dicitur, & inde versus orientem longitudinem computant, quia proprius astrorum motus per quem longitudines locorum obseruantur, ab occasu in ortum tendit. Differentia autem longitudinis duorum locorum

corum, ex distantia meridianorum vtriusque, quæ in æquinoctiali patescit, cognoscitur. Vt si Meridiani illorum 30. gradibus in æquatore à se mutuo distent, erit differentia longitudinis eorum 30. graduum, & duarum horarum differentia, ita vt cum in occidentaliore fuerit hora decima, in orientali erit duodecima, duabus enim horis sol ab orientalis meridiano peruenit ad occidentalis meridianum motu diurno, etenim 24. horis totum globum terræ ambit. Præterea diuiduntur meridiani in 360. gradus, quemadmodum æquinoctialis, & numerantur ab æquinoctiali vtriusque ad polum 90. gradus, qui versus polum Arcticum designant latitudinem boream, versus Antarcticum verò meridionalem, & quotquot in eodē meridiano eodemque hemisphærio polis terminato sunt loca diuersæ latitudinis, eandem semper eodem momento horam numerant, vt cum vnus computat horā 8. cum dimidia, reliqui omnes tātundē numerāt. Paralleli itē circuli (quos minores vocāt, quia eorū planities nō per centrū mundi trāsīt) à Meridiani gradibus designātur iuxta eorū latitudinē, sic tropici duo, Cācri & Capricorni, gradū latitudinis 23. cum dimidio in meridianis omnibus occupāt, Arcticus autē & Antarcticus circuli 66. cū dimidio, qui circuli zonas quinq; cōprehendūt, inter duos tropicos sitā, torridam vocāt, quod sol perpetuo supra eam versans omnia ibi torreat, & intēsum calorē adferat, duę inter tropicos & Arctici Antarcticūq; tēperate dicūtur,

quod medio inter calidissimam & frigidissimam se habeant, reliquæ intra Arcticum vna, & intra Arctanticum altera, frigidæ sunt, vtpote à sole remotissimæ. Rursum quia in diuersa latitudine etiam diuersa sit quantitas diei cuiusque, distinxerunt vniuersam latitudinem ab æquinoctiali ad polum vsque per certos aliquot Parallelos, in quibus primus latitudinem notat in qua maxima dies maximaque nox super perpetuam æqualitatem, quæ est in æquinoctiali quadrante vnus horæ crescit, secundus illam in qua dimidia hora, tertius in qua tribus quadrantibus & sic deinceps donec parallelorum vicinitas per semihoras tantum differentias considerat, tandem etiam per horas integras, dies, hebdomedas, menses, ita vt sub polo vnus tantum dies vnaque nox totum annum emetiantur. Inter hos parallelos constituerunt Veteres quinque spacia quæ climata appellarunt, primum à tertio parallelo ad quintum vsque, secundum hinc ad 7. tertium ad 9. quartum ad 11. quintum ad 13. Hucusque putabant orbem habitari, vltterius non, propter intensius frigus, ab æquinoctialem etiam vsque ad tertium vtrimque parallelum[quod est medium torridæ zonæ] propter nimium æstum inhabitabilem credebant, posteriores tria climata versus polum addiderunt, ac tandem inuentum est totam vndique terram habitabilem esse, & sub æquinoctiali temperatiorem opinione calorem esse, propter breuiorem Solis præsentiam, vt qui perpetuo 12. tantum horis su-

ris supra horizontem manet, in frigidissima autem zona propter longissimos dies æstate calidiorem opinione aërem esse, noctuque propter ventorum raritatem ac debilitatem minus in-
frigidari. Hæc Mercator.

SEQVNTVR PRAECEPTIONES ALI- QVOT DE SPHAERA, QVO

FACILIVS RVDES ADHVC ANIMI

Librum primum poëtæ nostri, in quo Astro-
nomica vtp plurimum tractat, per-
cipere possint.

SPHAERA, globus est Mundi effugiem cir-
culosque continens. Ideo de sphæra Græci
& Latini autores principio scribunt, quod
inter omnia artis istius instrumenta, nullum
propius aut apertius Mundi naturam, formam,
motum, circulos exprimat. Quanquam in sphæ-
ris non inveniuntur orbes Saturni, Iouis, Martis,
Solis, Lunæ: tamen illi, si Comodè fieri queat,
imponi etiam possunt. Nam quantò sphæra plu-
res complectitur Mundi partes, tantò est perfe-
ctior. Sphæra duplex est: Recta vbi polus v-
terque horizonta contingit: & obli-
qua, in qua alter Mundi polus
altero sublimior
est.

D S

DE

PARTES sphaerae siue Mundi sunt præter quatuor elementa, orbis decimus siue extremus, orbis nonus orbis octauus, qui & firmamentum & Coelum nuncupatur: deinde orbes septem stellarum errantium seu planetarum, Saturni, Iouis, Martis, Solis, Veneris, Mercurij, Lunæ. Cæterum æuo Aristotelis, Ciceronis ac Plinij non plures quàm octo inuenti erant: quorum supremus propriè dictus est Coelum, à coelando, quòd varijs sit coelatus rerum figuris. In eo sunt omnes stellæ præter septem, quæ obliquo motu sub ipso feruntur. Sol terram, terra Lunam magnitudine vincit. Solis magnitudinem defectus Lunæ indicant, nam si minor esset quàm terra, vmbra in tantam crederet amplitudinem, vt singulis mensibus per quinque aut sex dies Lunam occultaret. Cùm igitur certum sit Solem esse maiorem terra, certum quoque est incredibilem esse distantiam, quæ sidus facit tam paruum videri. Rursus certum est maximum naturæ miraculum, tantam esse posse celeritatem sideris, vt intra diei spatium vniuersum Orbem lustraret. Indidem alia admiratio existit, qua ratione Coelum, quod non minori interstitio à Sole, quàm à terra Sol abest, intra tempus idem circumagatur. Decimus orbis quotidie ab exortu per Meridiem in Occasum decurrit, & circulum absoluit horis viginti quatuor. Hoc motu extremus orbis alios omnes interio-

teriores secum quotidie circumducit. Proinde motus idem etiam motus Mundi cognominatur, quòd eo omnia circumagantur, præter quatuor elementa. Orbes interiores motum habent obliquum & contrarium huic, ab Occidente per Austrum in Orientem. quem non iisdem temporum spacijs omnes absoluunt. novus namque orbis 49000. annorum intercapedine circuitum perficit: octavus 7000. annorum: Saturni orbis annis tricenis: Iouis duodecim: Martis binis: Solis, Veneris, Mercurij singulis, Luna mense.

AXES ET POLI.

AXIS est dimetiens, circum quam orbis aliquis conuertitur. Licet in omnibus circulis demonstrari possit axis; tamen tres solum axes sunt, quibus in Astronomia utimur. Primus est axis Mundi, qui est diametros Mundi circum quam ipse decurrit. huius duo fines dicuntur duo poli vel vertices Mundi, quorum alter nobis conspicuus à duabus arctis nominatur Arcticus: alter huic oppositus sub Terra latens Antarcticus vel Austrinus. Secundus est axis Signiferi circum quam Signifer conuertitur; cuius poli à Mundi polis viginti tribus gradibus & quinquaginta minutis distant. Tertius est axis horizontis, cuius duo sunt poli; alter supra caput nostrum, alter sub pedibus nostris supra caput antichthonum.

DESCRIPTIONES ALIQVOT VO-
cum, quibus & Geometra & Astrono-
mi vtuntur.

QUATVOR Geometricæ principia sunt: punctus, linea, superficies, corpus. Punctus magnitudinis principium est, quod in nullas diuidi partes potest. Linea, longitudo est sine latitudine: vel vt Græcis vtar verbis: γραμμὴ ἐστὶ μήκος ἀπλατὲς. Duplex est, recta & curua. Linea recta, à puncto ad punctum protractio breuissima est, huius species sunt: Axis, linea circa quam orbis vertitur; & diametros, recta linea figurarum longissimè patet, ex æquo secans. Superficies latitudo citra profunditatem est, hæc formas tres complectitur: concauam, planam, conuexam. vnde etiam specula in generatotidem deducuntur. Corpus latitudo cum profunditate. Circulus forma plana est, quæ vna in orbem ambiente linea comprehenditur. Lineam circumductam, & ambitum circuli, & περιφέρεια vulgo nominant. Circuli omnes in portiones duodecim diuiduntur, quæ signa vocantur. Signum deinde in triginta gradus. Gradus in sexaginta minuta. Minutum in 60. secunda. Secundum in 60. tertia. sic deinceps vsque ad decima. Item gradus alio nomine pars dicitur. sic dicimus solem esse in tertia parte Tauri, in quarta Leonis. Centrum circuli vel globi medium est. Orbis à globo differt, quòd hic solidus, ille concavus sit: huic vna superficies, illi duæ.

duar. Angulus est duarum linearum mutuus contactus; & est triplex: Rectus, quando linea recta in rectam demissa, anguli vtrunque æquales sunt. Acutus recto minor. Obtusus recto maior.

DE CIRCVLIS.

CIRCVLORVM sphaera duo sunt genera. Maiores dicuntur, qui Mundum secant in partes æquales, vel quibus idem cum Mundo est centrum. Minores, qui Mundum non diuidunt in partes æquas, vel quibus non idem centrum cum Mundo est. Maiores septem à Græcis traduntur: Aequator, Signifer, duo Coluri, Horizon, Meridianus, Lacteus. Aequator, aut Aequinoctialis, est circulus cuius partes omnes æquo spacio ab utroque Polo distant. Signifer, siue Zodiacus est via septem stellarum errantium, vel sub quo septem stellæ errantes feruntur. huius latitudo duodecim continet gradus, quia tanta ferè Planetarum à medio, siue à Solis semita euagatio est. Partes Signiferi sunt duodecim signa: Aries, Taurus, &c. Ex his opposita, siue diametro distantia sunt: Aries & Libra, Taurus & Scorpio, Gemini & Sagittarius, Cancer & Capricornus, Leo & Aquarius, Virgo & Pisces. Quando Sol in Arietis initio est, æquinoctium Vernum habemus: in Libræ, æquinoctium Autumnale: in Cancri, Solstitium siue longissimum anni diem: in Capricorni, Brumam vel breuissimum anni diem. Cùm Sol mouetur sub Ariete, Tauro, ac Geminis, nobis & omnibus qui
citra

citra torridam zonam sunt. Ver est: quando sub Cancro, Leone, Virgine, Aestas: sub Libra. Scorpione, Sagittario, Autumnus: sub Capricorno, Aquario, Piscibus, Hyems. Coluri duo sunt circuli per Mundi vertices ducti, quorum alter æquinoctia. alter brumam & solstitium contingit. Ita dicuntur, quod sint mutili & imperfecti, quoniam partes Austrino polo vicinæ, nobis nunquam exoriuntur. tamen Signifer, Aequator ac Tropicus vterque nullo tempore toti apparent: paulatim tamen aliæ atque aliæ partes sursum nituntur; sic vt intra horas viginti quatuor circuitus perficiatur. Horizon est circulus qui conspectam Mundi partem ab inconspecta dirimit: Latine finientem & finitorem nominamus. hic obliquus dicitur, vbi alter polus est altero sublimior. Rectus, vbi polus vterque cernitur, vt sub Aequatore. Meridianus est circulus, qui per Mundi ac Horizontis polos ducitur: in quo Sol medios dies, mediaeque noctes efficit. Hi duo circuli, finitor & Meridianus Mundum totum in partes quatuor equas dissecant. Lacteus circulus est qui Coelo sereno solus cernitur. Quatuor circuli minores sunt: circulus Arcticus, circulus Antarcticus, tropicus Aestiuus, & tropicus Brumalis. Circulus Arcticus est, quem describit alter polus Signiferi circa polum Mundi Austrinum. Tropicus Aestiuus est, quem Sol describit ab Oriente in Occidentem solstitio, siue longissimo Aestatis die. Tropicus Brumalis aut hybernus, quem Sol describit Bruma, id est, breuissimo

mo anni die. Vterque Tropicus gradibus viginti tribus & quinquaginta ferè minutis distat ab Aequatore. Eodem interstitio circuli Arctici à Polis distant. Circulus sphaerae omnes in formas duas diducimus, maiores & minores. Eisdem alio modo in genera tria diuidunt: παραλλήλως siue æquidistantes, obliquos, & per vertices ductos. Paralleli quinque sunt: Aequator, Tropici duo: & totidem Arctici. Obliqui tres: Signifer, Horizon, Læteus. Per polos ducti, Coluri duo, & Meridianus. Paralleli sunt omnes circuli, qui motu Mundi describuntur, sed non omnibus utimur. Nulli in sphaera circuli pinguntur, quorum non sit aliquis vsus, præter orbem Læteum. Signifer enim viam demonstrat septem stellarum errantium. Aequator distinguit æquinoctia. Tropici extremas metas Solis comprehendunt. Arctici zonas frigidas & periscios. Coluri annum & Signiferum in quatuor partes diuidunt. Horizon & Meridianus ad ortus signorum & ad Cosmographiam pertinent.

QVAE MVNDI PARTES DEXTERA ac sinistra vocentur.

IN tota syderum contemplatione nihil est conducibilius, quàm perspectum habere quæ
Mun-

Mundi partes dextræ ac sinistræ nuncupentur. Hac in re triplex autorum sententia est. quippe Astronomi partem Mundi Eoam sinistram, Occiduam dextram vocant. Plinius de Mundo in Occasum currente: Semper illo in dexteram præcipiti. Geographi contra Orientem dextrum appellant Occidentem sinistrum. Poëtæ verò totum hemisphærium ab Aequatore ad Aquilonem nominant dextrum, alterum sinistrum. Proinde Lucanus Arabum qui auxilio venerant Pompeio, umbras Austrinas in Arctos siue nostras repente mutatas esse memorat: Ignotum vobis Arabes venistis in Orbem, Umbras mirati nemorum non ire sinistras. Hos enim prius quàm egressi erant Zonam torridam, umbræ sequebantur; post egressum præcedebant. Maro de Zonis: Quam circum extremæ dextrâ leuâque trahuntur Cærulea glacie concreta atque imbribus atris. Et Ovidius: Vtque duæ dextra Cœlum totidemque sinistra Parte secant Zonæ, quinta est ardentior illis. Quo rem expeditius memoria teneas, finge pectus vertere Astronomos ad Meridiem, vbi velocissimus siderum cursus est, nam circa Polum vix stellæ mouentur: Geographos ad Polum, cuius altitudinem quærunt: poëtas ad Occasum.

tum facile cernas quò cuius-
que dextra ac leua
tendat.

SIDERVM FIXORVM DE-
scriptio.

QUA T V O R stellarum genera sunt: Fixæ quæ in Cœlo hærent, ita dictæ, quòd semper feruente eandem inter se distantiam. Hæ à Græcis nuncupantur ἀπλανῆς. Erraticæ sunt septem stellæ quæ sub Cœlo feruntur. Decidux sunt, quas noctu videmus decidere, cum per nubem incensam flamma discurrit. Crinitæ stellæ sunt incendia magna hærentia in ære, quas Græci à coma Cometas vocant. Stellas fixas nonnulli in Arctos, Signiferi, atque Austrinas diuidunt. Iam naturæ ductu ab Aquilone in Austrum progrediemur. Helice maior vrsa est: Cynosura minor; quæ in multis Europæ partibus non occidunt. Maiorem Græci in Mari observant, quòd stellas habeat insigniores: Phœnices minorem, quoniam ipsa propior polo sit, minusque moneatur. Septentriones stellæ septem sunt in Helice siue Cynosura: vnde Virgilius: Arctūrum, Pleiadasque Hyadas, geminosque Friones. Et Victruuius: Quæ stella elucet circum caput maioris Septentrionis. Sæpius id nomen Helicæ soli, ob sideris magnitudinem tribuitur. Plinius: Booten, qui sequitur Septentriones. Hos vulgus etiam Plaustrum ab equorum rotarumque specie nominat. Stellam extremam, quæ in Cynosuræ cauda est, nautæ polum nuncupant, quòd proxima sit Axi. Abest tamen à vertice vero quatuor propè partibus, sic vt Axis

cum termino caudæ efficiat triangulum. *Bootes* sidus est quod *Helicen* siue maiorem *Vrsam* sequitur: alio nomine *Arctophylax* dictus, & custos *Erimanthidos vrsæ*. *Arcturus* stella magna inter *Bootæ* pedes est: hanc *ursæ* caudam dicere posses si etiam caudati essent *ursi*, unde & vocis ratio sumta. *Virgilius*: Sub ipsum *Arcturum* tenui sat erit suspendere sulco, hoc est, sub *Arcturi* exortum matutinum. *Lucidum* sidus *leno Heniochi* humero insidens *Capra* nuncupatur *Olenia*, ab *Oleno* *Arcadiæ* vrbe, vbi ipsam esse nutritam arbitrantur. *Ouid.* Nascitur *Oleniæ* sidus pluuiiale *Capellæ*. *Hædi* duæ stellæ in *Aurigæ* vel *Erichthonij* manu sinistra sunt, de quorum exortu plerique scripsere. Circa *Cicnum* alatus equus, quem *Pegasus* vocant. hunc *Ouidius* è sanguine, qui ab exciso *Medusæ* capite defluxit, genitum esse ait in *Fastis*: Creditur hic *cæsæ* grauido ceruice *Medusæ* sanguine respersis profluuisse comis. Eundem & volucrem fuisse idem testatur: Huic supra nubes & subter sidera lapso *Cælum* pro terra, pro pede penna fuit. ipsumque inter sidera relatum esse refert: iamque indignanti noua frena receperat ore, Quum leuis *Aonias* ungula fecit aquas. Nunc fruitur *Cœlo* quod pennis ante petebat; Et nitidis stellis quinque decemque micat. *Pleiades*, stellæ septem in dorso *Tauri*, septimam tamen vix cernimus. De his *Germanicus Cæsar* in *Arati* interpretatione: Septem traduntur numero, sed

ro, sed carpitur vna deficiente oculo distinguer
 re corpora parua. Nomen habent ἀπὸ τοῦ
 πλῆμ, hoc est, nauigando, quod ortu suo
 nauigationis tempus ostendant. hæ verno tem
 pore exoriuntur, & Autumno occidunt. vo
 cantur & Atlantides, quòd septem Atlantis
 filix sint, inter quas & Maia Mercurij mater.
 Virgilius: Multi ante occasum Maiæ cœpère.
 Virgilix quoque vocitatz sunt, quòd vere
 oriantur. Pleiades ergo, Atlantides aut Ver
 gilix septem stellæ in Tauri dorso sunt. Hy
 ades stellæ quinque in signi eiusdem capite,
 ita dictæ, quòd non sine pluuia exoriantur.
 easdem Plinius Succulas vocat his verbis:
 Qualiter in Succulis sentimus accidere, quas
 Græci ob id pluuio nomine Hyadas appellant.
 De vtroque sidere atque alijs modo dictis Ho
 merusetiam in Iliade scripsit. Stellæ Arctoxæ
 grè occidunt, Austrinxæ grè oriuntur. Sub pedi
 bus leporem habet Orion; appellatus ita quòd
 ex vrina Iouis, Neptuni, & Mercurij sit genitus.
 Sirius ingens sidus est in ore maioris Canis; vn
 de & canicula vulgo dici consuevit. cernitur in
 speculo etiam medio die imposito aquis contra
 Solem. Hæc stella cùm horis matutinis exori
 tur, Solis calorem mirè adauget. Eo tempore
 Etesix ad dierum quadraginta spacium spirare
 dicuntur, vt flatus æstum vtrumque leniat. ideo
 à siccitate nomen dedere. Quidam falsò putant,
 eandem stellam Caniculam & Canem maio
 rem dici, decepti fortasse nominum similitu
 dine.

dine. Varro in lib. de Agricultura scripsit à sol-
stitio ad Caniculam decs quadraginta esse. vbi
certum est eum de Sirio, non de Cane maiore
loqui. Procyon siue Anticanis, Canis minor est,
sic nominatus quòd ante Sirium oriatur. Cic.
Anticanem Procyon Graio qui nomine fertur.
Canopus sidus est in summo Argus gubernacu-
lo. Hic errorem insignem apud Plinium ac Pro-
clum, qui lectorem remorari solet, ostende-
mus. Plinij verba hæc sunt: Canopus, à Rhodo
absconditur, magisquæ Alexandrinæ. Proclus
circa finem libri quem de Sphæra scripsit, Ca-
nopum in Rhodo ægrè conspicit ait, & Alexan-
driæ non cerni. Quamuis vtrunque doctiores
fuisse constat, quàm vt tam humili in re errasse
censeantur. sed vel Mathematici cuiusdam au-
toritatem secuti sunt, quemadmodum Solinus
circa operis initium de Horoscopo Romano, v-
bi Veneris sidus Soli fuisse aduersum ait: vel ipsi
negotio non satis perspecto, & cognitione gra-
uiore impediti, hæc prodidere. Error manife-
stus est: nam sidera omnia Austrina, inter quæ
Canopum numerant, commodus Alexandriæ,
quàm in Rhodo insula cernuntur; Alexandria
namque in Austrum magis quàm Rhodos pro-
cedit. Nemo tamen leuitate tanta sit, vt autores
illæc ignorasse existimet, maiora non igno-
rauerunt. in Plinio certè multa le-
guntur, quæ castigantium in-
scitia atque audacia de-
prauata sunt.

DE TRIPLICI COELESTIVM

siderum ortu & occasu.

SIDERVM horum poëta exortum triplicem fecerunt: Matutinum, quem Græci *χοσμιχόν* vocant, quando sidus manè cum Sole oritur. de quo Virg. Candidus auratis aperit cùm Candidus annum Taurus. & aduerso cedens Canis occidit astro. Vespertinum siue *σχευιχόν*, cùm stella vesperi Sole occidente exoritur, velut apud Onidium videre est: Quatuor autumnos Pleias orta facit. vbi per quatuor Virgiliarum reditus annos totidem intelligit. Et heliacum quando *ἡλιεργον* post Solis transitum tantò ab eo spacio abest vt cerni possit. De hoc ortu Virgilius: Cnosiaque ardentis decedat stella Coronæ. Triplicem quoque occasum cognominibus ijsdem describunt. Matutinum, cùm stella Solis ortu occidunt. Virg. Ante tibi Epæ Atlantides abscondantur. Debita quàm sulcis committas semina. Iterum: Multi ante occasum Maiæ cœpère: sed illos expectata seges vanis elusit aristis. Vespertinum quando vesperi cum Sole abeunt, quemadmodum tempore Verno Atlantides. Denique Heliacum, cùm propter Solis accessum sidus videri desinit. hoc modo Arietis signum circa Vernal æquinoctium occidit: Libræ autumnò: Canceri solstitio: bruma Capricorni. Nam omnia signa, quæ simul oriuntur, etiam simul occidunt, propter horizontis obliquitatem.

ASTRVM, SIGNVM, SIDVS.
Stella.

QUON *ἄστρον* Græci, nos sidus & signum vocamus. nihilque est aliud astrum, sidus vel signum, quàm animalium aliarumque rerum in Cœlo effigies, ex pluribus constans stellis. Stella singularis est. Ad eundem modum Græci: *ἄστρον ἄστρον διαφέρει, ὁ μὲν ἄστρον ἑστῶς, τὸ δὲ ἄστρον ἐκ πολλῶν συνέστηκεν*. Vt, Astræa, Scorpio, Heliæ, Argo propriè astra, signa, aut sidera dicenda. At Arcturus, Hœdi, Sirius, Canopus & Planeta stellæ, non sidera vocantur. verùm sermonis ornatiōis & tēdij leuandi causa, veteres crebro, licet minus propriè, sideris nomen pro stella posuere.

QV ID SIT STELLARVM
longitudo, latitudo, & declinatio.

STELLARVM tum fixarum, tum errantium longitudo earum ab Arietis initio distantia est. Vt partium quinquaginta duarum interuallum, Vergiliarum longitudo dicitur: ex enim seculo nostro in Tauri parte vigesima secunda sunt. Latitudo à zodiaci medio discessus est. Hic duplex, Arctous Austrinusque. Declinatio stellarum, distantia ab Aequatore. hæc quoque duplex: Austrina, & Arctoa. Terrarum verò aut vrbium longitudo, earum distantia est
à For-

à Fortunatis insulis. Latitudo est distantia loci ab Aequinoctio seu Aequatore, vel Axis ab Horizonte. Vt Capræ polum Arctoum spectantis longitudinem esse dicimus partium circiter septuaginta: latitudinem tricenum. declinationem quinquaginta. Et Crateris esse longitudinem partium centum septuaginta: vnde viginti latitudinem: declinationem quindecim. Smyrnæ longitudo gradibus septem & quinquaginta constat: latitudo triginta sex.

DE STELLIS ERRATICIS.

HÆC in vniuersum de planetis obseruanda: Saturni stella *φαιών* nuncupatur, vt Cicero autor est: Iouis *ραέων*. Martem ab ardore *πυρόεντα* dicunt, Graduum fauit, & Quirinum cum tranquillus est. Inde Romani, quod gens Martia ac bellicosa esset, Quirites dicti. vel vt alijs placet, nomen à Romulo acceperunt, qui itidem Quirinus vocitatus est ab Hasta, quæ Sabinorum lingua quæris nominabatur, qua crebrò utebatur. Medium nomen Lucanus circa primi finem vsurpat: Quid tantum (inquit) Gradue paras? Veneris stella à Græcis *ροσφόρος* & *εσπερος*, à nostris Lucifer ac Vesper vel Vesperugo nuncupatur. Plautus: Neque Vesperugo, neque Vergiliæ occidunt. Mercurius, *εἰλβων* & Cyllenius. Posteriore eodem loco Lucanus vsus est: motu-

que celer Cyllenius hæsit. Prius à radiando siue
coruscando sumptum. Platonici Planetas me-
tallis comparant: tribuunt enim Soli aurum,
Lunæ argentum, Saturno plumbum, Ioui
 $\chi\alpha\lambda\kappa\epsilon\rho$, Marti ferrum, Veneri $\delta\epsilon\acute{\eta}\chi\alpha\lambda\kappa\epsilon\rho$,
Mercurio stannum. At enim qui passim de me-
tallorum Metamorphosi scribunt, plumbum
Saturnum nuncupant, stannum Iouem, ferrum
Martem, aurum Solem, æs Venerem, viuum ar-
gentum Mercurium, argentum Lunam. Arabes
Soli cerebrum & cor ascribunt, Lunæ stoma-
chum, Saturno splenem, Ioui hepar, Marti san-
guinem, Veneri renes ac genitale semen. Mercu-
rio linguam & os. Color Saturno candidus, Io-
ui clarus, quod inter stellæ superioris rigorem
ardoremque inferioris medius feratur: Marti
igneus, Lucifero candens, Vesperis resurgens,
Mercurio radians, vnde & $\sigma\acute{\iota}\nu\beta\omicron\rho\tau\alpha$ appella-
uerunt: Lunæ blandus, Soli cum oritur ardens,
postea radians. Denique Saturni Martisque stel-
la perniciosæ dicuntur: Iouis ac Veneris, saluta-
res: naturæ utriusque Sol, Mercurius, Luna. Se-
ptem homini numera à planetis totidem tribui
seu roborari videntur: contemplationis acu-
men gubernandi potestas, animi robur, claritas
sensuum, amoris ardor, interpretandi subtili-
tas, foecunditas generandi. Contemplationis
domum Saturnus ministrat: imperandi poten-
tiam Iupiter: magnitudinem animi Mars: Sol
sensuum opinionisque claritatem; amorem Ve-
nus inspirat: pronunciandi & interpretandi so-
ler-

tertiam Mercurius adiuuat: generationis officium, Luna. Tres in Mundo globi sunt omnibus gentibus conspicui, Sol, Luna, Terra. Sol distinguit tempora, Luna ducit aquas, Terra continet mortaliū genus.

DE MOTV PLANETARVM.

STELLAE errantes quotidie cum Mundo vertuntur ab Ortū in Occasum, præter quem motum alium habent aduersum huic per duodecim signa, quem Saturnus perficit annis triginta, Iupiter annis duodecim, Mars duobus: Sol, Venus, Mercurius singulis, Luna mense. Quo pacto eędem stelle in diuersas Mundi plagas ferantur, quomodo Solis sidus cursum peragat quotidie ab Ortū in Occasum, & quotannis ab Occasu in exortum, hac similitudine poterit demonstrari: Si in rota inter axem & circuitum formicę septem per totidem circulos moueantur à dextra manu per superiorem partem ad manum sinistram, voluaturque rota à leuo latere in dexterum, necesse erit eas contra rotę versationem incedere, & illam, quę proximum centrum habuerit, ocyus motum absolue- re: quęque extremum orbem rotę peraget, etiam si æquę celeriter ambulet, propter magnitudinem circuli multò tardius perficere cursum. Communis autorum sententia est stellas orbibus infixas esse, & non nisi cum illis verti, quam nec probare nec refutare quispiam temerè a- u- fit. Etenim cum aer ille per quem Sol incedit, te-

maior esse appareat, quàm iste qui infra Lunam est. mirum videatur sic stellam in orbe fixam esse, vt nodus est in ligno: mirum item Solis, Lunæ, Veneris sidera moueri non posse, nisi vnâ cum orbe in quo hærent. Fortasse non absurdum foret dicere, stellas ita circumire Mundum, vt nos per terram circumfusum secantes æra incedimus. Cæterum siue planetæ soli, siue cum orbibus moueantur, quando vtrunque incertum est, haud magno conatu seu temporis dispendio indagandum fuerit. Id vnum constat, & Solem & Lunam incredibili celeritate intra quatuor & viginti horas ambire Terram: ac motu contrario Solem anno, Lunam mense signorum zonam percurrere, quod oculis nostris fieri videmus. Orbes cum Mundo in Occasum volui credibilius forsan erit; eosdem cum stellis in exortum, dubium magis. Duos solis motus hunc in modum Ouidius docet:

*Ardua prima via est, & qua vix manè recentes
Exiunt: æquique media est, liq̃issima Cælo,
Vnde Mare & terras ipsi mihi sepe videre
Fit timor, & p̃uicla trepidat formidine pectus.
Plurima prociua via est, & egent moderamine recto,
Tent etiam quæ mihi subit, hæc excipit vndis
Ne frax in præcepti Thetidis sit ipsa vereri.*

Mox de altero:

*Nitor in aduersum, nec me qui cætera vincit
Inpetus, & rapida contrarius euehor Orbi.*

Hic videmus Solem non retro ire, sed constanti incellu aduersus orbis extremi celeritatem niti.

Hoc

Hoc loco poëta motus duos descripsit, quorum prior quotidie perficitur, posterior anni spatio, hoc est, dierum trecentum sexaginta quinque & quadrantis vnus. Sol dictus est quod solus Orbem illustret, solus omnia videat, & solus ab omnibus videatur. Hanc lucem ideo nubila magna temporis intercapedine condunt, ne sideris pulcherrimi, quemadmodum & rerum aliarum, ex vsu assiduo fatietas sit. In Sole tria cernuntur; radius singulis oculis propius: lumen per aëra fusum ac omnibus commune: & lux quæ lumini præest, atque in stella ipsa conspiciatur. Solem medio spatio inter Coelum Terramque ferri, Ouidij versus memoriæ prodiderunt: Altius egressus Coelestia signa cremabis, Inferius terras; medio tutissimus ibis. Voluit namque rerum parens Deus ignem hunc non inter sidera, elementorumve mutabilem materiam, sed per aëra inanem, vbi nihil adurere possit, vagari. Stellæ tamen aliquot vtrinque vicinæ quandoque vruntur, vnde & exultas consuetudo appellat. Sol ab Oriente in Occidentem celerimè rapitur alterutro æquinoctio: tardissimè, solstitio brumæque. Quanto enim stellæ polis viciniore sunt, tanto tardius Mundi circuitu feruntur. Circa axem enim & motus & circulos æquidistantes assiduè minui necesse est: & stellas Arctoas vix aut tardè moueri. Manifestum est ergo, quo Saturni, Iouis, Solisque sidera verticibus propiora sunt, eò segnius ipsa in oras occiduas decurrere.

DE VMBRA TERRAE.

TERRAE umbra semper à Sole diametro distat. illo enim oriente ipsa occidit, & occidente exoritur, media nocte in Austro est, meridie verò antichthonum hemisphaerium implet. Aestate humilis, hyeme sublimis, & Solis altitudinem imitatur conuersis anni temporibus. Quoniam Louanij solstitio partibus ferè quindecim ab horizonte abest, sicut medio die in Capricorno Sol: bruma tribus atque sexaginta: æquinoctio utroque triginta nouem. Eadem Sol lustrante Cancrī signum, hoc est, supremam absida, produktion: breuior hyeme circa brumalem circulum, vbi sidus terræ proximum est. Hæc obseruatio ad defectuum moras pertinet. siquidem æstius mensibus acutione umbra Lunam occultari, bruma contractiore sentimus. Terræ umbra perpetuo circuitu corpora animantium sternit, componitque ad quietem Solis sidus, umbra terræ & centrum arcus Coelestis eodem motu circumaguntur.

DIFFERENTIA INTER SOLEM

ac Lunam, eorumque magnitudo.

MAXIMARVM Mundi partium Solis Lunæque sphaeras exactius contemplantur, eorumque discrimen propius intuebimur. Sub Sole omni momento meridies atque æstas est. ille vbique prandentes cernit, medius

medioſve dies à noctium opacitate dimetiente
 d. ſtans: aſſidue contuerur rōdes flores, & re-
 rum pulchritudinem amœnitatemque, comites
 ſemper duos habens Venerem ac Cyllenium.
 Contra Luna ſola per tristes tenebras fertur, pa-
 uidaſque vmbraſ: nihil iſta niſi ignauos ſomnos
 conſpicit; nullos aſpicit in agris homines. vt et-
 iam mortales omnes periſſe miretur. Ille pocu-
 la & conuiuia cernit, & quicquid in Orbe pul-
 chrum eſt: hæc niue teſtos montes & horridam
 naturæ faciem. Illi rerum imperium, Cœli, Ter-
 ræ, ſtellarumque regimen Deorum cura dedit:
 huic nihil præter menſtruos curſus, labores, at-
 que etiam corporis interitus. Illi color aureus,
 argenteus Lunæ. Ille diurnus, Luna nocturna.
 Huc ſpectat vt eorum Terræque magnitudinem
 videamus. Hæc tricies nouies Lunæ *σφαίρα*
 continet, Sol amplior terra centies, ſexagies ſe-
 xies. quod admirationi non erit, ſi glōbi capaci-
 tatem ex diametri longitudine quæſieris. Conti-
 net enim Solis dimetiens Terræ dimetientem
 quinquies & ſemiſſem. Eſtque proportio dia-
 metri Solis ad terræ dimetientem, quæ eſt nume-
 ri vndecim ad duo quintupla ſequi: altera. Solis
 autem Cubus mille tercentum vnam & triginta
 partes tales continet, cuiuſmodi Terræ cubus o-
 ctonas complectitur. Cubus enim numeri vnde-
 cim, eſt mille tercentum vnum & triginta. Cu-
 bus verò binarij, qui eſt Terræ, octo. Subducto
 quoties id fieri poteſt, minore cubo, qui eſt Ter-
 ræ, à maiore qui eſt Solis, cognoscitur cubi ad
 cubum

cubum proportio, & quanto Sol maior terra sit. Inuenimus ergo centies sexagies sexies octo, in milletercentum vno & triginta. Terræ diametros Lunæ dimetientem complectitur ter & duas eius diametri portiones quintas. Estque ea proportio dimetientis Terræ ad Lunæ diametrum, quæ est septendecim ad quinquetripla super bipartiens quintas. Cubus numeri septendecim, quater mille nongenta tredecim. Cubus numeri quinque, & centum viginti quinque. maiore cubo per minorem distributo reperimus numerum centum viginti quinque tricies nouies in quater mille nongentis tredecim. Thales Milesius aiebat Solis septingentesimam partem Lunæ globo esse comparandam. Terram esse minore Sole, vel hoc argumento est, quod tam rarò Luna in eius umbram incidat. Si enim ad eò esset vasta ad Orbem totum, vt apparet, vix vnquam Luna lumen haberet, nisi omninò propinqua Soli. Hunc esse immensum sic Plinius demonstrat. quòd Idam montem latitudine exsuperet, dextra leuaque largè amplectens. Et quia æquinoctio vtroque omnibus sub Aequatoris orbe habitantibus simul cernatur in finientis vertice. Item quia circa Aestiuum circulum habitantium iisdem æquinoctiorum diebus, meridie, Septentriones umbræ spectent, ortu verò Occasum. Et quòd Luna deficiente terræ umbra in mucronem desinat. Ob duas causas Sol maior apparet hyeme quàm æstate, quòd
bruma

bruma nobis propior sit: & quòd per aëra nubilosum hyeme cernatur.

DE AEQUATORE.

CIRCULORVM alij maiores, qui Mundum in partes æquales secant, vel quibus idem cum Mundo centrum est: alij minores qui orbem in partes inæquales diuidunt. Est & alia in παραλλήλῃς siue æquidistantes, obliquos & per Axem ductos distinctio, de qua alibi. Maiores septem à Græcis traduntur: Aequator, Signifer, *κελεύει* duo, *δρῖζων*, Meridianus, Læteus. Aequator quem & Aequinoctialem appellant, est cuius partes omnes æquo spatio ab utroque polo distant. Ita duabus de causis nominatur: quòd sub eo, in quacunque Coeli parte Sol fuerit, semper Aequinoctium sit: & quo Sole meante sub illo, dies noctesque pares in omnibus Terræ oris sint. Qua de re Vergilij versus: *Libra die somni que pares ubi fecerit horas. Et medium luci atque vinbris iam diuidet orbem, Exercet viri tauros.* Hoc ideo fit, quòd gentium omnium finitores, inter parallelas Aequatorem suum in partes æquales diuidant, tropicos verò in portiones impares.

QVARE SVB AEQUATORE BIS

Aestas, quare solstitia, & duæ vmbræ.

GENTES Arctoræ æstatem in tropico solstitiali habent, Austrinx in hyberno, & quibus latitudo nulla est, in Aequatore. Verùm quia circulum æstiuum Canceri sidus solùm contingit, æstatem in regione nostra habere

habere consueuerunt, cùm Sol in Cancro fuerit. Et quoniam orbem Brumalem tantùm Capricorni signum describit, plagis Austrinis æstas solùm erit, cùm Sol in Capricorni sidere fuerit. Atque Aequatorem signa duo tenent, Aries ac Libra, quæ in media Mundi parte altissima sunt, & per vtrunque Horizontis recti polum, id est, capitis verticem, & punctum huic aduersum feruntur. Proinde cùm in Arietis principio Sol fuerit, Aestatem habebunt, quando nobis æquinoctium erit, Solisq; globus illis consistere videbitur. Vnde si in eo signo solstitium ijs esse dicimus, ita appellatum, quòd Sol in reditu, cùm altius scandere nequit, videatur stare. In Librà quoque initio & æstatem & solstitium gentibus ijsdem esse. in æstiuo autem tropico, ac hyberno brumam atque Solis stationem. Itaque sub Aequatore bis æstum, totiesq; brumam & solstitia quatuor haberi manifestum est. Duas quoque in eo Cœlo vmbras cerni, dextram ac sinistram, hoc est, Arctoam Austrinamq; Sole enim meante per Cancri sidus, vmbras iaci contingit, quæ in Austros procurrunt, has vocamus sinistras. Per Capricorni, pergentes ad Arctos, quæ appellantur dextræ. Aequinoctio vtraque planè nullas haberi. Hæc vmbrarum in medio Mundi ratio est, sed Meridianas intelligi velim. Matutinas enim vespertinasq; quas plerique tradidere, & aliarum diei partium vmbras, cum oris alijs communes habent. nec quenquam ad eò stupidum reperiri puto, qui manè eas in Occasum,

casum, vesperi in exortum iaci ignoret.

*QUOMODO DIFFERANT SOLIS
& Luna defectiones.*

TRIBVS modis defectus distant: Primùm quòd in Lunę defectu extinguitur lumen: in Solis duntaxat occultatur. vnde fit vt Lunę defectus vniuerso Orbis appareat hemisphærio: Solis autem illis, inter quos & ipsum Luna interponitur. Deinde Lunę defectio omnibus eodem momento videtur: Solis verò minimè. Etenim prius Eois, post Occiduis plagis Sol aufertur, quanquam Luna sub Solis globo graditur ab Occidente in Orientem. Postremò, quòd Lunę defectus tempore omnibus æquo duret: Solis, quoniam maior alijs, alijs minor portio tegitur, nequaquam.

DE ZODIACI SIONIS.

DIVIDITVR Signifer in signa duodecim: quorum Aries, Taurus, Gemini Verno tempori ascribuntur: Cancer, Leo, Virgo, Aestati: Libra, Scorpio, Sagittarius Autumno: Capricornus, Aquarius & Pisces Hyemi. Taurus ab Ouidio auersus nominatur, quòd eo modo per aëra incedat: Per tamen auersi gradieris cornua Tauri. Virgo ab Arato Astræa: à Vergilio Erigone: Qua locus Erigonem inter chelasque sequentes Panditur. Scorpionem duo occupare signa veteres dixere, & Libram priorem altri eius partem esse. Ouidius: Est locus in geminos

minos ubi brachia concavat arcus, Scorpium, & cauda flexilique vtrunque lacertis, Porrigit in spacium signorum membra duorum. Signorum nomina aliquando per duodecim Signiferi partibus æqualibus accipiuntur, ut cum Solem esse dicimus in tertia seu quarta parte Tauri. Interdum pro picturis siue simulacris quæ in ipsis collocantur, quorum aliqua minorem zodiaci partem occupant, ut Pisces, Aries, Gemini: aliqua maiorem, ut Leo & Virgo. Ea de causa Virgilius in his versibus: Anne nouum tardis fidus te mensibus addas, Qua locus Erigonem inter chelasque sequentes Panditur; Leonem & Virginem menses tardos, id est, signa longa nuncupat. Arietis fidus, cum in ipso Luna est, capiti assignatur: Tauri collo: Geminorum humeris, brachijs, manibus: Cancræ, pectori, stomacho, pulmmoni: Leonis, dorso ac lateribus: Virginis, ventri, visceribusque: Libræ lumbis, Scorpionis pudendis: Sagittarij coxis: Capricorni genibus: cruribus Aquarij: Piscium pedibus. Eadem quoque stellarum errantium domus sunt: Leo Solis, Cancer Lunæ, Gemini ac Virgo Mercurij, Taurus & Libra Veneris, Aries ac Scorpium Martis: Iouis Pisces & Sagittarius: Capricornus cum Aquario Saturni. Nam ut veteres tradidere: initio Mundi Sol in Leonis signo erat: Luna in Cancro: Saturnus in Capricorno: Iupiter in Sagittario: Mars in Scorpione: Venus in Libra: Mercurius in Virgine.

DIERV M AC NOCTIV M LONGITV-
do bifariam deprehendi poteſt.

DV O B V S modis diurna nocturna긑ue ſpatia inueniri poſſe haud dubium eſt: ſi-
gnorum ortu. & parallelorum ſeſtione.
Singulis diebus noctibuſ긑ue ſigna ſex zodiaci o-
riri, atque occidere ſcimus. Proinde ſi partes di-
urnæ tardè emergant, longiora dierum ſpacia
eſſe: ſi celeriter, breuiora neceſſe eſt. Nam, auto-
re Plinio, quæ recta in exortu ſuo conſurgunt ſi-
gna, longiore tractu tenent lucem: quæ verò ob-
liqua, ocyore tranſeunt ſpacio. Quapropter ſol-
ſtitio dies longiſſimos haberi apparet, quòd eo
tempore Solem ſequantur omnia ſydera, quæ in
obliquo orbe tardè incedunt: bruma breuiſſi-
mos, quòd citò orientur, inſequantur긑ue eum
reliqua. Aequatoris ergo partes omnes, quæ cum
ſignis ſex Solem ſequentibus orientur colligen-
dæ, numeruſ긑ue totus in portiones quindecim
distribuendus, ad hunc modum: Solſtitio à Solis
ortu ad eius occaſum ſidera ſex orientur: Can-
cer, Leo, Virgo, Libra, Scorpio, Sagittarius, cum-
긑ue ijs Mundi ſeu Aequatoris partes bis centum
triginta ſeptem ac munita quadraginta ſex: qui
numerus ferè ſex atque decem horas efficit. Ae-
quinoctio vtroque cum ſignis diurnis noctur-
niſ긑ue partes 180. emergunt: quæ æquà die-
rum noctium긑ue ſpatia complectuntur. Bru-
ma eo modo horarum octo diem eſſe compe-
ries. Eadem ex circulis ſic deprehendas: Sol
anno 365. parallellos ſiue æquidistantes orbes

depingit, interque tropicos centum octoginta duos. Horum arcus qui supra terram visuntur dierum horas continent; qui infra, noctium. Quocirca utroque tropico in horas viginti quatuor descripto, facile quot in circulis his horarum sectiones supra infraque finientem constant, videris. Ante tamen sphaerae axem ad latitudinis gradum attollas oportet. Cum ea quippe orbium horum in finitore dissectiono mutatur.

TERRAM IN MEDIO MVN-
di fixam esse.

EXPERIMENTIS haud dubijs constat in medio Mundi fixam esse terram. Ceterum quid ita globum fixerit, admiramur, ut ne semel quidem se moueat. Quod si fieret, qui circa Mundi axem versamur, gentesque Arctoae ab Vrsis duabus dicimur, sub Solis orbitam repente volueremur. Aethiopes contra ad zonas extremas descenderent. Forsitan terram parens natura quiescere iussit, ne repentina & aeris, & ætus, & rigoris commutatio mortalium genus quo nihil est fragilius, interimat. Miraculum longè maximum reor, tantum esse pectoris humani stuporem, ut neminem admiratio ista rapiat.

DE TERRAE ET AQVAE FORMA.

TERRAE forma non alia quàm Mundo est. Nam ab Aequinoctio ad Aquilonem euntes paulatim attolli polum vident, si-
dera

deraꝗue Austrina occultari, eò lo'ùm quòd spatia media intumescant. Discedentes verò ad Austrum, signa Austrina pari modo exurgere, Arctoꝗue deprimi conspiciunt. Inter Ortum atque Occalum non stellarum altitudo sed defectio formam indicat. quippe Lunę defectus alijs quarta hora, alijs quinta, siue sexta, cùm eodem omnibus tempore fiat, cernitur. Proinde quòd non vno momento vniuerso Orbi meridies sit, media nox, cæteræꝗue dierum horæ; id tumor efficit. quoniam Solem non simul omnes exorientem cernunt; sed prius Persæ, inde Græci & Itali, postremò Hispani. Vnde fit vt singulis horis omnes dierum horæ simul sint, sed in locis diuersis. Quando enim nobis est meridies, alijs hora prima est, alijs secunda, alijs tertia, quarta, media nox. Aquæ tumorem duæ docent rationes: altera, quòd nauigio abeunte signa in littore posita videantur descendere, & tandem occultari; quòdꝗue in Oceano nihil appareat præter aquam; cùm tamen editiores arbores, si plana ea esset, facilè cernerentur: altera, quòd guttæ ac minimæ partes globi protinus eam recipiant formam. Est enim natura homogenij corporis, vt partes cùm toto vim eandem habeant.

DE ZONIS.

ZONA E spatia sunt inter circulos minores comprehensa. Sunt autem quinque: frigida duæ sub Mundi verticibus, temperata totidem, & media torrida sub signifero. De his Ouidius:

*Vt quæ dua dextra Cælum totidemq; sinistra
 Parte secant zona, quinta est ardentior illis:
 Sic onus inclusum: numeto distinxit eodem
 Cura Dei, totidemq; plagæ tellure premuntur:
 Quarum quæ media est, non est habitabilis æstu.
 Nix tegit alta duas, totidem inter virasq; locauit.
 Temperiemq; dedit mista cum frigore flamma.*

Et Virgilius:

*Quinque tenent Cælum zona: quarum vna corusco
 Semper sole rubens, & torrida semper ab igni.
 Quam circum extrema dextra leuæq; trahuntur
 Cæruleæ glaciæ concretæ, atque imbribus atris.
 Has inter medianq; dua mortalibus agris
 Munere concessæ Diuûm, &c.*

DE CLIMATVM RATIONE.

CLIMA spatium est inter Austrum ac Septentriones notabilem exortus Solis mutationem continens. Veteres septem climata tradiderunt: in quorum primo est Meroë, in secundo Syene, in tertio Alexandria, in quarto Rhodos, in quinto Roma, in sexto Boristhenes, in septimo Rhiphi montes. Primi circa medium situm latitudo partium decem & sex: secundi viginti quatuor cum gradus vnus quadrante, tertij triginta & duodecim, quarti triginta sex cum viginti tribus minutis, quinti quadraginta vnus & trientis, sexti quadraginta quinque atque minutorum viginti trium, septimi quadraginta nouem dempto triente.

DE

DE AMPHISCIIS, PERISCIIS, HETEROSCIIS.

TERRAE totius incolas triplici umbrarum genere discernimus. Amphiscij vocantur, quibus meridiana umbra nunc ad Septentriones nunc ad Austrum procedit; quod fit in zona torrida. Sole enim meante per Cancrī sidus umbras illic Austrinas siue sinistras habent; bruma, dexterās vel Arctoas. Periscij sunt, quos Signiferi axis circuitu suo comprehendit: ita dicti quod illorum umbræ molarum modo circumagantur. Heteroscij verò nuncupantur, qui alteram solum umbram habent, Arctoam, vel Austrinam: quales eos, & Antichthones nostri. Ergo ἀμφίσκιοι in zona torrida dicuntur: περιέσκιοι in frigidis: ἑτερόσκιοι in temperatis. Hæc omnia satis indicat vocum compositio. Amphiscijs solstitia quatuor. Heteroscijs duo, periscijs vnum. Qui enim sub Arctis habitant Periscij, solstitium in Cancro habent. In Capricorno autem sicuti Sole carent, ita & eius statione. Simile de Austrinis iudicium.

QVĪD SINT ANTŌECI, PERIOECI,
Antichthones.

EST & alia quædam distinctio in Antæcos, Periæcos Antichthonas. Antæci sunt qui habitant in diuersis parallelis sub eodem meridiano æquo spatio distantes ab aliqua Aequatoris parte. Periæci qui sub vno parallelo & meridiano sunt in partibus oppositis. Antichthones seu Antipodes, qui Mundi diametro distant. Antæ-

cis eodem momento medius dies est mediaque nox: verum Austrinis æstas quando Arctois bruma est. Peræcis tempore eodem æstas atque hyems: sed meridies ac medias noctes contrarias habent. Antichthonibus idem horizon & meridianus, reliqua omnia contraria. quando enim æstatem nos habemus, Austrinis gentibus bruma est: cum nos habemus medios dies, illis media nox est. Antæcis, Peræcis, Antichthonibus æqua latitudo est. Peræci etiam atque Antichthones partibus distant centum octoginta, Antæcis distantia varia est. Omnes Antæci, Peræci, Antichthones eosdem meridianos habent, sed finitores demptis antipodibus, diuerfos.

DE LOCORVM LATITVDINE
ac longitudine.

EODEM pertinent latitudo longitudoque. His enim & vrbes & montes & flumina discernimus. Latitudinem loci ab Aequatore, vel axis ab horizonte distantiam nominamus. Atque inuenitur latitudo loci cuiusvis hac ratione: Si altitudo Solis meridiana tempore æquinoctij subducatur à partibus nonaginta, relinquitur latitudo. Si Sol ad Aquilonem declinauerit, ab altitudine meridiana subtrahi debet eius declinatio, idque quod remanserit, auferri à nonaginta partibus. Verum si in signis Austrinis fuerit, altitudini adijci declinatio debet,

bet, numerusque collectus à circuli quadrante subtrahi.

QVOMODO EX ARCV DIVRNO

*stellarum, vrbiū latitudo repe-
riatur.*

STELLAE arcum diurnum vocant tem-
pus, quo ipsa supra horizonta fertur, vel
Aequatoris partem quæ oritur dum fidus
ab Oriente in Occidentem decurrit: ex quo vr-
bis latitudinem hac ratione inuenias: Obserua
quot horæ, siue Aequatoris partes prætereant
cum stella inter Ortum & Occasum. inde acci-
pe sphæram, atque in illius finitorem seu alueo
axem aut attolle aut deprime, donec ean-
dem stellæ in horizonte moram deprehenderis.
Tum facilè videas sic posita sphæra, quot meri-
diani partibus polus à finiente, vel vrbs ab Ae-
quatore absistat, nam distantia ea latitudo est.

DE PARALLELIS.

TRIPLICES hîc paralleli notantur. alij
enim latitudines definiunt, qui denis ple-
runque gradibus distant: alij dierum indi-
cant longitudinem. Alij & zonas quinque, &
metas Solis, & anni quatuor mutationes
continent, qui sunt Aequator, Tro-
pici duo, ac totidem Ar-
ctici circu-
li.

QVID LONGITVDO, ET BIFARIAM accipi nomen Occidentis.

LONGITVDO distantia vrbs ab Occidente est. Id breuius quidem dictum, sed ad hunc modum intelligi debet: distantiam esse meridiani loci alicuius à meridiano insularum Fortunatarum. Duplex est Occidens: alter totius Terræ, quem in insulis Fortunatis collocauerunt quod vbi Solis sidus eò peruenerit, non amplius sub se terras, sed aquas habeat: alter singularum urbium, quem vocamus partem finitoris, vbi Mundi pars aliqua occidit. Idem iudicium de Oriente,

QVID SIT APVD SCRIPTORES urbem distare tribus aut quatuor horis ab Occasu.

INTER Ortum & Occasum, hoc est, stationem Sinarum & Fortunatas insulas singulæ horæ quindecim partes continent. tot enim gradus eo tempore meridianum circulum prætereunt. Sic Ptolemæus Chaoniam ab Occidente horarum trium spacio, siue gradibus quadraginta quinque abesse ait. Inter Austrum verò & Septentriones horæ vocabulo diei longissimi notatur incrementum, quod circa Aequatorem gradus plures quàm alibi comprehendit. Proinde distare urbem duabus horis ab æquinoctio, Aequatore, vel mediq Mundi, est eam habere longissimum diem horarum quatuordecim: tribus, quindecim: sex octodecim: septem vndeuinginti.

ginti. Quibus verbis vti licebit in describenda latitudine & situ locorum, hoc modo: Duabus horis ab Occasu, tribus ab æquinoctio, id est, in ea vrbe esse scriptum librum vel epistolam, quæ ab Occidente abest partibus tricenis, & tribus horis ab Aequatore, vel vbi dies solstitio quindecim horas continet.

DE TRIPLICI ORIENTE

atque Occidente.

ANTEQUAM ventorum rationem agrediamur, dicendum quid exortus solstitialis, vernus, brumalis, quid itidem occasus æstiuus, æquinoctialis, hybernus. Citra Aequatorem finientis circulus plagis quatuor distinguitur, Aquilone, Meridie, Ortum & Occasu. Gentibus Austrinis, siue Antæcis meridie Sol Aquilonem spectat, nobis polum alterum: nobis leua manus ad Ortum vergit, illis ad Occasum. Porro quia non in eadem æstate, vere, ac bruma Sol exoritur, Orientem triplicem ponere possumus: solstitialem, vel æstiuum finitoris partem eam, vbi solstitio Sol exurgit. Vnum siue æquinoctialem, in qua oritur alterutro æquinoctio: & brumalem seu hybernum, qua bruma, aut die breuissimo oritur. simili forma de Occasu loquendum: nam æstiuus vel solstitialis dicitur *ἑσπέρου* & sectio, vbi occidi Sol in Cancris signo. Vernus aut æquinoctialis, qua Veris initio descendit. Brumalis aut hybernus, vbi bruma occidit.

BIFA-

BIFARIAM INVENIRI QVA-
tuor plagas Mundi.

QUATVOR Mundi plagasprehendunt
gnomone in circuli centro erecto ad an-
gulos æquales. Quotidie enim tum ante
meridiem, tum à meridiē sese umbra vel contra-
hit vel extendit ad circuitum circuli. Inter quos
contactus medius punctus Septentrionem indi-
cat. Idem quoque Cœlo nubiloso ex arborum
contactu in sylva cognoscunt. Quoniam corti-
ces spectantes Aquilonem duriores sunt ple-
runque, atque rimas altiores agunt. Ob id Colu-
melia arbores priusquam transferantur, rubri-
ca notandas præcipit, vt eadem Cœli partes a-
spiciant: ne aut insolitus calor pristinum dissol-
uat rigorem; aut mollitiem Austrinam Septen-
trionis horror lædat.

DE VENTIS COMMVNIBVS.

DVO ventorum genera: communes, & re-
pentini. Communes nuncupamus qui ex
certis spirant Mundi plagis. hi in formas
quatuor diducuntur: Arctioas, Austrinas, Eoas,
Occiduas. Arctoi tres sunt, quorum primus à
parte circuli Arctici spirat, quæ prospicit Occi-
dentem, Thraſcias dictus: secundus Septentrio
vel Aparctias à vertice: tertius Aquilo, vel Bo-
reas à dextro latere circuli eiusdem. Eoi toti-
dem, à solstitiali ortu Cæcias: à verno Subsola-
nus vel Apeliotes: Eurus aut Vulturnus à bru-
mali. Austrini Phœnicias vel Euronotus: Au-
ster

ſter vel Notus: & Libonotus. Occidui tres quoque: Lips vel Africus ab Occafu hyberno: ab æquinoctiali Zephyrus, aut Fauonius: ab æſtius Corus. vel Aegeſtes. Homerus quatuor duntaxat enumerat:

Ζὺν δ' εὐρύς ἔπετε, ζέφυρός τε, νότος τε δυσαῆς,
καὶ βορέης αἰβρηγενέτης μέγα κῦμα κολίνδωρ.

Communibus ventis addi poſſunt Prodromi atque Eteſiæ, quos etiam temporibus certis flare conſtat. Prodromi ſunt Aquilones, qui Caniculares dies præcedunt. Eteſiæ Aquilones dicuntur, qui Caniculæ ortu ad dierum quadraginta intercapedinem ſpirant. Ab annuo flatu inditum nomen. Eteſiæ noctu ſepiuntur, utpote cùm ſidus ſub terrâ fit.

NOMINVM ORIGO.

SEPTENTRIO nuncupatus eſt, quòd ſpiret à Septentrionibus. Aparctias, quòd ab Arctis aut vrſis. Aquilo à ſublimi volatu Aquilæ, quòd ex alto ſpiret. Boreas ἀπὸ τοῦ βοῶν, hoc eſt, ſonitu quem edit. Subſolanus quòd ſub Sole ſpiret. A peliotes, quòd à Sole. Vulturinus à vulturis volatu quoniam altè reſonat. Auſter quaſi hauſtér, ab hauriendis aquis, vel humida natura venti: ob eandem cauſam à

Græcis Notus dictus eſt. Lips, quòd ex Libya

veniat. Africus, quòd ex Africa. A-

pud veteres enim regio ea-

dem & Libya & A fri-

ca vocabatur.

NATV

NATVRA VENTORVM.

CAECIAS ad se nubes trahit. vnde Græcis prouerbiū : κακὰ ἐφ' ἑαυτὸν ἔλκωρ, *ὡς κακίας νεφῶ*, mala ad se trahens, vt Cæcias nubem. Zephyrus tempore verno spirat, ideo Virg. Vere nono gelidus canis cum montibus humor Liquitur & Zephyro putris se gleba resoluit, Depressio incipiat iam tunc mihi taurus aratro Ingemere. Huius flatu armenta quibusdam in locis concipiunt foetum, atque inde Zephyrus, hoc est, ζῶν φέρων appellatus. Virg. Ore omnes versæ in Zephyrum stant rupibus altis Exceptantque leues auras, & sæpe sine vllis Coniugijs vento grauidæ. Venti à Septentrione flantes frigidores & sicciores sunt, eò quòd veniant per montes, niues, & terras seu zonas frigidas, Sunt inde sicci, quòd per terras & Maria congelata spirent. Occidui Eois humidiores, quoniam in aduentu hi plus terræ habent, illi plus aquarum. Austrini à Sole veniunt, & Maria multa permeant, ideo & calidi & humidi.

DE VENTIS REPENTINIS.

REPENTINOS vocamus, qui neque è certa plaga aliqua, neque statis anni temporibus spirant, quique impetu suo evertunt tures, & nauigia frangunt. Sic appellati sunt, quòd repentè oriantur & repentè desinant. Horum quatuor genera: Procella, vel ecnephias, quan-

quando halitus erumpens latè dispergit nubem. Vortex, vel Typhon, cùm arctiori erumpit spatio, & impetu magno voluitur in circulum. vnde in agris crebro videmus arenas in orbem volitantes. Turbo nuncupatur, quando halitus erumpens nubem latè spargit, vt procella, sed minus altè. dictus à turbando quòd proxima quæque perturbet. Præster (vel Prester correctius) $\pi\rho\eta\varsigma\tau\epsilon\rho$, cùm idem flatus per aëra fertur ardens & accensus, ἀπὸ τοῦ $\pi\rho\eta\tau\epsilon\rho$ siue arden- do cognominatus.

SEQUITVR IAM BREVIS DECLARA-
tio mensurarum Geometricarum, Cosmogra-
phia studiosis apprime utilis ac ne-
cessaria.

VNVS grādus Aequatoris comprehendit miliaria Germanica quindecim. Vna minuta facit quartam partem miliarij Germanici. Quatuor igitur minutæ constituunt miliare Germanicum. In omnibus igitur ac singulis Geographorum libris attendas oportet quibus de miliaribus loquatur autor. Germani vtpurimum de communibus Germaniæ miliaribus agunt, quæ multiplicata per quaternarium, constituunt miliaria Italica. quamvis interdum quinque miliaria Italica vni miliario Germanico respondeant: tunc multiplicatio facienda est per quinarium. Duo miliaria Gallica faciunt miliare Germanicum. Hispanica autem miliaria respondent Germanicis.

DE STADIIS.

VNVS gradus Aequatoris complectitur quadraginta & octoginta stadia. Vna minuta habet stadia octo, quæ faciunt miliare Italicum quartam videlicet partem miliarij Germanici. Dux minutæ Aequatoris siue sedecim stadia. constituunt miliare Gallicum, & spondent dimidio miliari Germanico. Tres minutæ faciunt viginti quatuor stadia, tres nimirum quartas miliarij Germanici. Quatuor minutæ conficiunt triginta duo stadia, miliare videlicet Germanicum.

NUNC EXEMPLA ALIQVOT
videamus.

EMAVS spatium sexaginta stadiorum absuit à Ierosolymorum vrbe, quæ propemodum æquipollent duobus miliaribus Germanicis. Luc. 24. Sic Ioannes vndecimo capite à Bethania ad Ierosolymam numerat stadia quindecim, quæ respondent fermè dimidio miliari Germanico. Iosephus docet montem Oliuarum abfuisse quinque stadijs à Ierosolymorum vrbe; quæ adæquant fermè sextam partem miliaris Germanici. Idem Iosephus ambitum vrbis Ierosolymæ metitur stadijs triginta tribus; quæ æquipollent propemodum miliari Germanico. Triginta duo enim stadia constituunt miliare Germanicum. quidam scribunt de quatuor miliaribus, sed hoc intelligendum est de miliaribus Italicis. Strabo circumferentiam Babylonis meti-

metitur stadijs trecentis & octoginta, quæ constituant duodecim miliaria Germanica. Samaræ ambitus fuit stadiorum viginti, quæ faciunt duas quartas miliarij cum dimidia.

ROMANI MILIARIA PASSIBVS

metiebantur hoc modo.

DIGITVS habet quatuor grana hordei per latera contiguè disposita. Palmus habet quatuor digitos. Quatuor palmi faciunt pedem, cuius certa mensura & hodie extat. Quinque pedes constituebant passum Geometricum. Centum & viginti quinque passus æquipollebant stadio. Octo autem stadia siue passus mille faciebant miliare Italicum. Et duo miliaria Italica dederunt Leucam, miliare videlicet Gallicum. Huc pertinent versus quos lib. I. habes: Ex granis quatuor, &c.

SVBICIEMVS AVTEM ET ALIAM

tabulam mensurarum Geometricarum ex

Petro Apiano, & Gualthero H.

Riuo.

DIGITVS, ein Zwerpfinger / oder fleiner Zol / habet quatuor grana hordei, per latera contiguè disposita.

Pollex eines Daumens breyt / vncia autem, der grosser Zol / habet digitos tres.

Palmus minor, ein Handt breyt / faciebat digitos quatuor.

Dichas constituit duos palmos, ein halben Schuch.

G

Spitha

Spithama, palmus maior, paulò minor pedes, digitos habet duodecim. ein Span.

Pes, ein Schuh/ habet quatuor palmos minores, digitos nimirum sedecim.

Sesquipies æquipollebat sex palmis minoribus. anderthalben Schuh.

Cubitus quoque sex palmis minoribus constabat, ein Elle/ congruit cum sesquipede.

Gradus habet duos pedes. ein Tritt/ tres autem pedes constituunt duos cubitos, zwei Ellen

Passus simplex facit duos pedes cum dimidio, ein gemeiner Schritt.

Passus maior Geometricus quo vitur Cosmometria, habet quinque pedes, ein grosser Schritt/ huius generaliter in autoribus fit mentio. Stadium, ein Ross/lauff oder Feldweges/ æquipollebat centum & viginti quinque pedibus.

Octo stadia, siue mille passus Geometrici conficiunt miliare Italicum.

Duo millia passuum, quæ respondent sedecim stadijs, nominantur Leuca, miliare Gallicum. Quatuor millia passuum, vier tausent grosser Schritte/ respondent triginta duobus stadijs, & constituunt miliare Germanicum, ein Teutsche Meyl. Quinque millia passuum, siue stadia quadraginta, conficiunt miliare Germanicum magnum, ein Schweitzer oder Schwabische Meil.

Sanctus præterea Hieronymus in libello de locis Hebraicis scribit de miliaribus Italicis, quæ & lapides ab illo vocantur. numerarunt enim Romani miliaria Italica per erectos lapides:

des: & (vt supra dictum est) quatuor, interdum etiam quinque miliaria Italica constituebant vnum miliare Germanicum. Dicitur autem miliare & miliarium. Harum mensurarum si quis ocularem instructionem desiderat, consulat Europam Vopelianam, tabulam videlicet totius Europæ ac confinium terrarum descriptionem continentem, in qua veluti digitis demonstrantur ea quæ hîc auribus percepisti.

DE TEMPORE, ET EIVS
accidentibus.

HACTENVS de mensuris rerum ac locorum: iam & de Temporis mensura ac partibus pauca audiamus. Tempus propriè Mundi motusque interuallum, seu duratio nuncupatur. quoniam ante hoc tempus nullum fuit, nec post eosdem futurum est. Nonnulli certam dimensionem vocant, quæ ex Cœli conuersione colligitur: vel ex Cœli Solisque vertigine diductum spatium, quo rerum omnium agitationem vicissitudinemque metimur. Alij id imaginem æternitatis appellant. Huic affinis occasio, flos ipse temporis rebus agendis conferens. Differunt Tempus, Aeuum & Aeternitas. Tempus principium ac finem habet: vnde historici temporis initio Cœlum ac Terram condita esse memoriæ mandarunt. Aeuum, solum principium. Idcirco Iouem & Iunonem æuiternos ac æuintegros deos vocitabant; quòd geniti quidem essent, sed finem nunquam habituri.

Aeternitas & principio & fine caret. Temporis partes, quibus omnes penè nationes vtuntur, quatuor sunt: Annus, Mensis, Dies, Hora. Bientium, triennium, lustrum, seculum, ad annorum rationem: ad dierum septimana spectat.

DE ANNO MAGNO.

ANNVS à plerisque in formas tres diuiditur: magnum, solstitialem, & à reditu Lunæ Lunarem. Verùm quoniam postremus aliud nihil quàm mensis est, duo solùm annorum genera ponere possumus, magnum videlicet & vertentem. Vterque hîc explicabitur, & in partes ac genera alia distinguetur. Magnum annum spacium vocamus quo sidera omnia ad eundem redeunt locum. hic quadraginta nouem vertentium annorum millibus constat: de quo istiusmodi versùs in volumine quodam leguntur: An nouus Mundi redijt Platonis Annus: & quicquid fuerat peractis Omnibus Coeli spacijs refertur Ad rude corpus. Eius partes siue mutationes duæ sunt: Aestas, cùm incendio vel igne Mundi structura conflabit. Sunt qui id eo rerum mutationem hanc existere, atque omnia vel flammis vel aqua interire arbitrantur, vt alumnus terræ & innocens & nouus contingat: licet innocentiam eam spatio perbreui consuetudo inuertat. citò enim surrep unt vitia, & scelera sine præceptore discuntur. Bruma, quando diluuium, quem Græci κατακλυσμός appellat, orbem infestat. Quod natura euenire aiunt
exlon.

ex longa temporis huius intercapedine. Nam quemadmodum vulgares, siue vertentes anni hyemes ac æstates paruas habent: ita magnus ille annus ingentes. Igitur alterna vicissitudine Mundum tum ignescere, tum aquarum redundantia obrui ratio docet. Huc Ciceronis sententia spectare videtur, vbi ignium genera enumerat: additur & stellarum natura flammea, ideoque futurum existimant, vt quoniam humido vapore astra, vt pabulo foueantur, absuntis magis magisque humoribus, & augeſcente ſiccitate, Mundus olim ſit igne periturus.

DE ANNO VERTENTE.

VERTENS annus, tempus eſt dierum trecentum & ſexaginta quinque cum quarta diei parte, vel ſpatium quo Sol Signiferum ambit. Arcades & Chaldei interuallum eſſe trium menſium voluerunt. Quale ſpatium eſt ab æquinoctijs ad brumam vel ſolſtitium. Romulus verò intercapedinem vocabat ab hominis conceptione ad diem natalem. Ouidius I. Faſtor:

Tempora digereret cùm conditor vrbiſ, in anno

Conſtituit menſes quinque biſ eſſe ſuo.

Scilicet arma magis, quàm ſydera Romule noras,

Cur aq̃ ſinitimos vincere maior erat.

Eſt tamen & ratio Caſar quæ mouerat illum,

Errorẽq̃ ſuum quo tueatur habet.

Quod ſatis eſt vtero matris dum prodeat infans,

Hoc anno ſtatuit temporis eſſe ſatis.

Idem alio loco:

Annus erat decimum cum Luna receperat orbem

Hic numerus magno tunc in honore fuit.

Seu quia tot digiti, per quos numerare solemus,

Seu quia bis quino fœmina mense parit,

Seu quod ad vsq; decem numero crescente, venit:

Principium spatij sumitur inde nouis.

Annus hic à Martio initium habebat, constabat-
que diebus trecentis & quatuor. Vt sex quidem
mensēs Aprilis, Iunius, Sextilis, September, No-
uember, December tricenum essent dierum:
quatuor verò reliqui, Martius, Maius, Quintilis,
October tricenis & singulis perficerentur, Sed
secutus mox Numa Pompilius quinquaginta
dies addidit: vt in dies trecentos quinquaginta
quatuor annus extenderetur. Atque diebus ijs
quinquaginta à se additis, alios sex adiecit, abla-
tos à sex mensibus qui triginta dies habebant.
factosque dies sex & quinquaginta, in menses
duos ratione pari diuisit: & alterum Ianuarium
nuncupauit, primumque esse voluit, tanquam
bicipitis Dei mensem respicientem ac prospici-
entem transacti anni finem, & principium fu-
turi: alterum Februo Deo dicauit, quem præesse
lustrationibus ferunt. Post alias verò immuta-
tiones complures, Iulius Cæsar temporum in-
constantiam hanc in ordinem coëgit, attribuit-
que singulis annis dies trecentos sexaginta quin-
que, atque diei vnius quadrantem. Ouidius ter-
tio Fastorum;

Ire moras Solis quibus in sua signa rediret,

Traditur exactis disposuisse notis.

In decies senis ter centam & quinque diebus

Iunxit & è pleno tempora quinta die.

Ex his bissextus fit, quasi bis dies sextus. Etenim annis quaternis bis circa Februarij finem sexto Calendas Martias scribere consueverunt. Initium anni sumunt Romani à bruma: Athenienses à solstitio: à Veris æquinoctio Arabes & Damasceni: ab Autumni Asia. Partes anni quatuor: Ver, Autumnus, Aestas, Hyems. Veris tempore Sol in Ariete, Tauro, & Geminis est: autumno in Libra, Scorpione, Sagittario: æstate in Cancro, Leone, Virgine: hyeme in Capricorno Aquario, Piscibus. quoniam singulæ partes anni quadrantem, aut menses ternos aut quod idem est. signa tria continent. Mutationes verò dies singuli duataxat, siue potius momenta sunt. Hoc mutationes à partibus distant. Has Boëtius flatu ventorum, stellarumque ortu exprimit his verbis: Tua vis varium temperat annum, ut quas Boreæ spiritus aufert Reuehat mitis Zephyrus frondes. Quæque Arcturus semina vidit, Sirius altas vrat segetes. Dux sunt causæ quamobrem hyeme Solis calor remissior quàm æstate sit: altera quodocyus ille tum occidat, neque possit aer ob temporis angustiam calefcere: altera, quod radij oblique in Terram coniiciantur & minor sit reflexio. Quatuor itidem anni mutationes sunt: æquinoctium Vernum, æquinoctium autumnii, solstitium, bruma: quando

Sol ingreditur principium Arietis, Libræ, Cancri, Capricorni. Cæterum Plinius & Græci nonnulli in signorum eorundem partibus octauis hæc annorum momenta quatuor esse voluerunt. Temporibus his Arietis initium Sol attingit die decimo Martij. Verùm Ouidij seculo, sicut ex Fastis apparet, 15. Cal. April. Non tamen eodem die æquinoctium esse dicebant, sed 8. seu 7. Cal. April. Putabant enim æquinoctium esse non in prima sed octaua signi parte: & 15. Cal. April. Solem Arietem lustrare. postea verò ubi ad gradum octauum sidus peruenisset, dies noctesque pares esse. Vitruuius de Architectura lib. 9. Sol eùm Arietis signum init. & partem octauam peruagatur, perficit æquinoctium Vernum. Ex hac annorum in partes quatuor, & mutationes totidem diductione, manifestum est aliud æstatem & hyemem, aliud solstitium ac brumam esse.

IN QVAS PARTES ANNUM
reirustica scriptores diui-
dant.

VETERIBVS ijs maximè qui de agricultura scripsère, alia spatium idem diuidendi ratio fuit, vt ex Marci Varronis de re Rustica libris colligimus: fortasse quòd distinctio huiuscemodi illis ad rem eam fuerit commodior. Etenim cap. 28. annum vniuersum in partes octo diuidit; earumque initia in Coeli signis alijs quàm supra memorauimus, collocat.

Eius

Eius verba hæc: Dies primus Veris est in Aquario: æstatis in Tauro: autumnus in Leone; hyems in Scorpione. Quum vniuscuiusque horum quatuor signorum dies tertius & vicesimus, quatuor temporum sit primus, efficitur vt Ver dies habeat vnum & nonaginta: æstas nonaginta quatuor: autumnus nonaginta duos: hyems octoginta octo. Qua diuisione redacta ad dies ciuiles nostros, qui nunc sunt primi Verni temporis, extant ad 7. Id. Februarij: æstiu ad 7. Id. Maij: autumnales ad 3. Id. sextilis: hyberni ad 3. Id. Nouembris. Idem: A Fauonio ad æquinoctium Verum dies quadraginta duo. Hinc ad Vergiliarum exortum dies quadraginta quatuor. Ab hoc ad solstitium dies quadraginta nouem. inde ad Caniculæ signum dies viginti nouem. deinde ad æquinoctium autumnale dies sexaginta septem. Exinde ad Vergiliarum occasum dies triginta duo. ab hoc ad brumam dies quinquaginta septem. inde ad Fauonium dies quadraginta quinque. hæctenus Varro. Hoc loco Veris initium in Aquario posuit: æstatis in Tauro: autumnus in Leone: hyems in Scorpione: cum eadem hæc nos in primis Arietis, Cancræ, Libræ, ac Capricorni esse partibus dicamus. Cæterum eam rerum rusticarum præceptionibus accommodauit, annumque rectius quam nos videtur diuisisse. nos enim solstitium æstatis initium vocamus, & brumam hyemis principium, cum vtrumque vtriusque medium sit. Adde quod vulgari sermone annum totum in partes duas, æstatem & hyemem

ſapenumerò ſecamus: quę partitio quoque multum ab Aſtronomica ſeſtione diſcrepat.

DE ANNIS CLIMACTERICIS.

EX vertentibus colliguntur anni ſcanſiles, ſiue κλιμακτηρικοί, ita dicti, quòd è ſeptenarijs numeris aut nouenarijs gradatim ſint collecti. De quibus verba hæc in libro quodam leguntur: Mortuus eſt annum agens circiter quartum & quinquageſimum: quem quia è ſexto nouenario conficitur ſcanſilem vocant annum, mala generi mortalium minitantem. Climactericorum annorum genera duo ſunt; Εβδομακτικοί qui numeris ſeptenarijs conficiuntur: cuiuſmodi à natali die annus ſeptimus, decimus quartus, vigeliſmus primus. Εννεακτικοί quos nouenarij componunt numeri: qualis eſt nonus, decimoſoſtaus, vigeliſmuſſeptimus. Annis hebdomaticis, enneaticisquę immunere nobis aut morbos aut pericula opinantur. Tempora ipſa κλιμακτιας vocant, & annos inde climactericos. Inter omnes pernicioſiſſimus eſt ſexageſimus tertius quoniàm ex utroq; numero conſtat. De quo D. Auguſti ad C. nepotem ſuum epiſtola apud Gellium: Aue mi Cai meus ocellus iucundiſſimas, quem ſemper medius ſidius deſiderio quum à me abes. ſed præcipuè diebus talibus qualis eſt hodiernus, oculi mei requirunt meum Caium: quem ubicunque hoc die fuiſti, ſpero latum & beneualentem celebrari quartum & ſexageſimum nata-

lema

lem meum: nam vt vides $\kappa\lambda\iota\mu\alpha\kappa\lambda\acute{\iota}\eta\gamma\alpha$ communem seniorum omnium tertium & sexagesimum annum euasimus.

DE MENSIVM RATIONE.

MENSIS duplex est, naturalis & ciuilis. Naturalem in mensem Solis, & mensem Lunæ diuidunt. Prior tempus est quo Sol duodecimam Cœli partem lustrat: posterior, spatium inter duos Solis Lunæque coitus, vel quo Luna tredecim ferè signa percurrit. Ciuilis mensis est numerus quidam dierum, quem vnaquæque ciuitas consuevit obseruare. vt Martius. qui apud Romanos diebus vno & triginta constat, apud Albanos triginta sex. Menses ciuiles duodecim sunt: Ianuarius appellatus sic à Iano, quem bifrontem depingunt, voluit namque Numa. Pompilius primum anni mensem Dei bicipitis similitudinem habere, simulque prospicere & anni sequentis initium, & transacti finem. Dies huius quintus atque vigesimus, si serenus fuerit. frugum portendi aiunt fertilitatem. Si nix cadat vel pluuia, caritatem rerum. si existant nebulæ, animalium multorum interitum: si venti, arma.

Februarius nomen à verbo prisco Februo, quod est lustrare vel purgare, accepit. per duodecim enim Februarij dies perpetuos populus omnis intentus erat sacrificijs, & cæreis, & facibus circa sepulchra accensis. pro impetranda mortuorum animabus quiete. Quæcunque purgamenti causa in sacrificijs adhibebantur, Februa nominari

nari solebant. Plinius: vulgata priscis temporibus opinio obtinuit, februa esse omnia, quibus delerentur peccata, aut manes animabus defunctorum placidi redderentur.

Martius, quem Romulus primum esse voluit, dicauitque genitori suo Marti, & ab eo Martium appellauit.

Aprilis secundus mensis quasi aphrilis vocatus est, à spuma quam Græci ἀφρὸν vocant, vnde orta Venus putabatur. Vt quemadmodum primus mensis à patre Romuli Marte, ita secundus ab Aenæ matre vnde Romulus originem duxit, Veneris nomen vsurparet. & ij menses annum auspicarentur, à quibus Romani nominis origo processisset. alij tamen ab aperiendo malunt deduci, quòd terram hactenus per frigora clausam, floribus ac graminibus aperiat.

Maius à maioribus dictus est, quibus consecratus erat, quòd consilio & autoritate Remp. administrarent. alij à Maia Mercurij matre nuncupatum asserunt, quòd tum Pleiades prodeant.

Iunius à iunioribus, qui rem armis gerebant. postquam enim Romulus populum Romanum in maiores minoresque diuisit, vt pars altera consilio, altera armis Remp. tueretur, in honorem partis vtriusque, superiorem Maium, hunc Iunium nuncupauit. alij à Iunone dictum credunt.

Iulius ante Quintilis appellatus, quòd à primo mense Martio quietis esset. sed postea in honorem Iulij Cæsaris dictatoris M. Antonio Mar-

ci filio consule legem ferente, Iulius nominatus est: quòd hoc mense ad 4. Id. Quint. Iulius procreatus fuisset.

Augustus antea Sextilis dictus, donec honori Augusti ex senatusconsulto consecratus est. cuius hæc verba fuerunt: Quum Imperator Cæsar Augustus mense Sextili & primum consulatum inierit, & triumphos tres in urbem intulerit, & ex Ianiculo legiones deductæ, secutæque sint eius auspicia ac fidem, & Aegyptus in potestatem populi Romani redacta est, finisque bellis ciuilibus impositus sit. atque ob has causas mensis iste Imperio felicissimus sit ac fuerit, placere Senatui, vt hic mensis Augustus appelletur.

September, October, Nouember, December, ob sequentium principum tyrannidem nomina prisca seruauerunt. September, quòd à Martio septimus sit, dicitur. October, quia octauus. Nouember, quòd nonus. December, quoniam decimus. Mensium quatuor, qui Februarium sequuntur, alij rationes (vt ante monuimus) alias tradidere. Martium à Marte quidem appellatum esse, non quòd Romuli pater fuerit, sed quia gens Latina armis ac bello semper claruerit. Aprilē ab aperiendo, quòd terræ meatus tunc aperiantur. Maium à Maia, quoniam eo mense tam Romæ quàm antea in Latio, res diuina Maiæ & Mercurio facta fuerit. Iunium à Iunone, quòd tempore illo Iunoni honores maximi habebantur. Ianuarius Iunoni sacer erat, Februarius Neptuno, Martius Minervæ, Aprilis Veneri, Maius Apol-

Apollini, Iunius Mercurio, Iulius Ioui. Augustus Cereri, September Vulcano, October Marti, Nouember Dianæ, December Vestæ. Quot mensium quibus diebus constet, vulgati isti versiculi docent: Triginta Aprilis, Iunius, Septemque, Nouemque: Vno plus reliqui, viginti Februus octo. Attici menses ad Lunæ cursum computantur, ideoque nostris mensibus non respondent; sed partem Iunij primus mensis occupat. & primus est qui solstitio æstiuo proximus est. Sunt autem hi: ἑκατομβαιῶν, ab hecatombis Iouis. Μεταγαιτνῶν, à Metagitnijs Apollinis sacris. βοηδρομιῶν à Boëdromijs sacris, de quibus Plutarchus in Theseo. Μαιμακτηριῶν à Mæmacta Iouis appellatione. Πυανεψιῶν à pyanis fabis in Apollinis sacris. Ανθεστηριῶν, quod cāpi floribus priuati sint. Ποσειδεῶν, à Neptuni & Palladis certamine. Γαμηλιῶν, à Iunone quæ nuptijs præest. Ελαφβολιῶν, à venatione. Μυνυχιῶν à Munychijs Dianæ sacris, de quibus Plutarchus in Theseo. θαργηλιῶν, quod terra caleseat; θαργήλια quoque Apollinis sacra sunt. Σκίρροφοριῶν, à Sciris vmbraculis. Εκατομβαιῶν igitur opponi potest Iunio: μεταγαιτνῶν Iulio: βοηδρομιῶν Augusto: μαιμακτηριῶν Septembri: πυανεψιῶν Octobri: ανθεστηριῶν Nouembri: ποσειδεῶν Decembri: γαμηλιῶν Ianuario: ελαφβολιῶν Febuario: μυνυχιῶν Martio: θαργηλιῶν Aprili: σκίρροφοριῶν Maio.

Maio. Aristoteles de piscibus ait: Ἰῶς πλείους
 τίλει ἐν τρισὶ μηνσὶ, μὲν ὑχιῶνι, θαργῆλιῶνι, σκερῶ-
 ροριῶνι, quod Plinius transtulit, Aprili, Maio
 Iunio.

QVID SINT CALENDÆ, NONÆ, IDVS.

MENSIS cuiusque portiones, seu dierum
 formę tres: Calendæ. Nonę, Idus. Calen-
 dæ dicuntur ἀπὸ τοῦ καλεῖν, quod his
 diebus calentur, siue recitentur eius mensis No-
 nę à Pontificibus. Pontifex enim calata vel vo-
 cata in capitolium plebe, quot dies à Calendis
 ad Nonas superessent, pronunciabat. Mos hic e-
 rat antequam Fasti à Cn. Flauio inuitis patribus,
 in omnium notitiam prodierant. Nonę, quia ab
 his ad Idus semper nouem sint. Idus quod Nonas
 à Calendis diuidant. Iduare Hetruscum vocabu-
 lum diuidere est. Theodorus Gaza alias vocum
 rationes è Plutarcho reddit in libello περὶ
 μεινῶν. De Calendis, Idibus, Nonis Ouidius
 primo Fastorum:

Vendicat Ansonias Iunonis cura Calendas,

Idibus alba Ioui grandior agna cadit;

Nonarum tutela Deo caret, omnibus istis

Ne fallare caue, proximus ater erit.

QVID DIES CIVILIS AC NATVRALIS.

RECENTIORES diem in naturalem, ac
 artificialem diuidunt: vt prior tempus
 horarum 24. sit: alter spatium ab ortu So-
 lis vsque ad Occasum. Veteres autem ratione
 cōmutata in ciuilem ac naturalem. Ciuilis dies
 inuer-

interuallum est quo Mundus circumagitur, vel horarum viginti quatuor. cuius initium Astro-
nomi à meridie sumunt: Græci à Solis exortu,
Romani à media nocte, Iudæi ab occasu. idcirco
etiam Veneris die & typicum pascha & verum
celebrasse Christum dicimus. Et quoniam lex e-
rat id fieri horis nocturnis debere, bis lucem
dies ille, & toties tenebras habuit. Gellius: Que-
ri solitum est, qui noctis hora tertia, quartave,
siue qua alia nati sunt, vter dies natalis haberi
appellariq; debeat, isne quæ nox ea cōsecuta est,
an qui dies noctē cōsecutus est. M. Varro in librū
rerum humanarum, quem de diebus scripsit,
Homines (inquit) quia media nocte ad prox-
imam mediam noctem in his hōris 24. nati sunt,
vna die nati dicuntur. Quibus verbis ita videtur
dierum obseruationem diuississe, vt qui post So-
lis occasum ante mediam noctem natus sit, is ei
dies natalis sit, à quotidie ea nox coeperit. Con-
tra verò qui in sex horis posterioribus nascatur,
eo die videri natum, qui post eam noctem di-
luxerit. Athenienses autem aliter obseruare i-
dem Varro in eodem libro scripsit, eosque à So-
lis occasu ad Solem iterum occidentem, omne
id medium tempus vnum diem esse dicere. Ba-
bylonis porrò aliter: à Sole enim exorto, ad ex-
ortum eiusdem incipientem, totum id spatium
vnius diei nomine appellare. hætenus Gellius.
Naturalis dies, spatium inter Solis exortum &
occasum est. Hic quanto ab æquinoctio longius
abscesseris, tantò bruma breuior, & solstitio
longior fit.

QVAM

abscesseris, tãtò bruma breuior, & solstitio longior fit.

*QVAMOBREM DIES AB AEQVINO-
ctio celerius crescant, quàm à bruma vel
ante solstitium.*

CIRCA Aequatorem celerius crescunt solis signorumque dnclinationes, quæ causa efficit vt Vere & Autumno ocys augeſcant dierum, noctiumve spatia: tardius verò solstitio, ac bruma.

*DE PARTIBVS DIEI CIVILIS,
ſeu naturalis.*

DECEM diei partes ſunt quibus paſſim vtimur. Media nox, cùm Sol in circulo meridiano eſt infra horizonta. Gallicinium ſiue Gallicantus. Horat.

Sub Gall cantum conſultor vbi oſtia pulſat.

Diluculum quaſi parua diei lux: vel Aurora, ab auri colore ſic vocitata, q̃ ab igne Solis, velut ab auro aër aureſcit: aut crepuſculum matutinũ, quod tẽpus eſt ante ortum Solis inter tenebras & lucem. Manè cùm Solis ſidus exoritur. Perſius. Iam clarum manè fenestras intrat. Deinde antemeridieũ tempus. Poſt meridies, quaſi medius dies. Pomeridianũ tempus. Occaſus Solis: qui inter orientem & occidentem, Auſtrum & Aquilonem variatur aſſiduè: meridiei diſſimilis, quem latitudo eundem ſeruat. Veſper, aut veſperatinum tempus, ſiue crepuſculum veſperatinum, quando Heſperi ſtella videri incipit. Sa-

H

luſtius:

lustius: Et iam dies vesper aderat. Intempesta nox, spatium est inter Vesperuginem & Luciferum, cum tempus agendi nullum est. Salust. Nocte intempesta cum paucis in Manliana castra profectus est. Idem: Rursus intempesta nocte coniurationis principes cōuocat. Idem tempus concubiū vocant, quod ferè omnes tum cubent. Et nomine alio conticinium, quoniam omnia tunc silent.

DE NOCTIVM QVATVOR
vigilijs.

AD dierum ordinem noctis descriptio pertinet, quæ nihil aliud nisi terræ vmbra est: eoque aliquando pro vmbra terræ accipitur. Lucan: - nec terra celsior vlla Nox cadit in Cœlum, Lunæq; meatibus obstat. Quoniam militibus longum errat per noctem totam excubias agere, in vigilijs eam quatuor diuiserunt: quarum prima à noctis principio, vsque ad initium quartæ horæ inæqualis produci-
tur. Plinius secundi libri 70. capite: Canopus in Arabia Nouembri mense prima vigilia occultus. secūda se ostendit. Hoc tempus a primam facem appellant, quæ est noctis siue tenebrarum initium, sic nuncupatum, quod tum primū vti face incipiant. Gellius: Sed cum iam prima fax noctis, & densiores esse tenebræ cepissent, discessimus. Verū inter voces istas id discriminis esse apparet, quod prima fax tum spatio breuiore con-

re constet, tum primæ vigiliæ pars sit ac exordium. Tamen sæpenuerò idem vtriusque vocabuli vsus est. Dicimus enim stellas circa vigiliam primam, siue primam facem prodire atque occultari. Secunda vigilia à fine tertiæ horæ ad mediam noctem durat. Tertia inde ad nonæ horæ terminum. Quarta ad auroram vel ortum Solis. Cicero in epistolis: Quum puer tuus ad me secunda ferè vigilia venisset.

DIERV M GENERA.

DIVISIO dicta in partes fuit. Est & alia dierum in formas seu genera, quibus Romani uti solent, diductio. Festi dicuntur qui ad Deorum cultum instituti sunt. Huc pertinent feriarum species duæ: Repentinæ quæ non seruantur statis anni temporibus, has princeps quandoque ob victoriam, uxorem ductam, vel causam similem inducit: & Solennes, quæ diebus certis seruari consueuerunt, aut in honorem Dei vel diui alicuius, aut in principis laudem, aut in ciuitatum honorem, aut ob publicam utilitatem, veluti messis seu vindemiæ gratia. Feriæ aliæ sine festo erant, ut Nundinæ: aliæ cum festo, quemadmodum Saturnalia. Erant præterea propriæ familiarum feriæ, sicut feriæ Claudiarum, ac Aemiliarum: & hominum singulorum, ut natalium dierum.

Profesti, qui integri totiſque negotijs dantur. hos Horatius ſolidos vocat: Nec partem ſolido demere de die. Faſti quando prætoribus verba omnia ſine piaculo licebat fari. Neſaſti, quibus prætori verba hæc. Do, Dico, Addico, fari non licebat. Ouidius in Faſtis:

Ille neſaſtus erit, per quem tria verba ſilentur.

Faſtus erit, per quem lege licebit agi.

Comitiales, quibus comitia habebantur. Præliares, quando fas erat hoſtē bello laceſſere. Inter-ciſi, qui dijs hominibuſq; cōmunes erant, id eſt, partim feſti, partim profeſti, cuiuſmodi apud Europæos animarum dies. Et medici dies decretorios nominant ſeptimum, decimumquartum, vigefimum, vigefimumſeptimum: quòd illis ferè diebus morborum initia Lunæ, Sidus à ſignis tribus atque ſex coitu excepto videat. Et Indictinos, quartum, vndecimum, decimumſeptimū, vigefimumquartum. De quibus apud Hippocratem inuenies.

H O R A E A E Q V A L E S A C

erraticæ.

H O R A R V M ſpecies duas fecerunt, æquales & inæquales. Priore genere vtuntur, qui à meridie ſiue media nocte: poſteriore, qui vel à Solis ortu, vel ab occaſu earum numerum auſpiciantur. Aequalis hora, ſiue Aequinoctialis vigefima quarta diei pars eſt, vel tempus quo Mundi ſemuncia exoritur. namque horis ſingulis quindecim æquinoctialis partes meri-

meridianum, aut finientis circulum prætereunt. Hæc ergo quindecim Aequatoris partes siue quindecies sexaginta circulorum minuta complectitur, temporis verò duntaxat sexaginta. Quatuor temporis, aut horarum minutis, vnus Aequatoris gradus oritur, aut sexaginta circuli eiusdem minuta. Inæqualis aut erratica temporis pars duodecima appellatur, quod inter Solis ortum & occasum est, vel inter occasum & exortum. Horas impares eò nominant, quòd diurnæ inæquales nocturnis, & brumales æstiuis sint. Iam ad Geographiam propius accedamus.

DECLARATIO SIVE EXPLICATIO
nominum quorundam appellatiuorum, in Cosmo-
graphicis enarrationibus frequentissimorum,
ita vt verè totius Geographiæ subiectum
dici possint.

TO T I V S certè Geographiæ subiectum est Mundus, id est, vniuersitas aquarum, & omnis terra aquis non operta, quæ duo corpora vnā absoluunt superficiem ab hominibus habitatam. Non intelligimus autem Geographum agere de Mundo & suis partibus, quatenus corpora sunt naturalia, quod sanè ad naturalem philosophum spectat; sed potius pertractare de superficie terræ & aquæ, quatenus variè à viuentibus habitat, & quatenus referatur ad circulos Cœlestis sphaeræ: quoniam Geographus vniuersum describit Mundum, seu potius partem eius cognitā ac habitatā, declarando

namque dicimus Oceanus Indicus, Oc. Occidentalis, Oc. Virginus, Oc. Atlanticus, Aethiopicus, &c. non autem Mare Occidentale, Virginium, &c. Rectè dicimus Oceanus Germanicus, & Mare Balticum; itemque Oceanus Hispanicus, & Mare Mediterraneum: non autem, Oceanus Balticus, Hadriaticus, Mediterraneus, Euxinus, &c. Siquidem omne id Mare dici potest, in quod vel ex Oceano vel alio Mari (quod scilicet propius Oceano sit) non nisi per fretum deueniri potest. vnde etiam Mediterraneum illud, quod magnitudine ac nobilitate sua reliqua Mundi Maria antecellat, κατ' ἐξ ὅλης per totam fermè interiorem Europam Mare appellatur. Hac etiam in reparum prudenter insignis ille Buchananus scripsit Psal. 136. Qui rubri Oceani torpètes diffidit vndas. nulla certè metri necessitate adactus cùm facilè ipsi dicere fuisset: Quique Maris rubri torpentes &c. huius autem discriminis rationem copiosorem cognosces ex appendice Geographiæ nostræ Germanicæ, quæ proximis nundinis Autumnalibus Deo volente in lucem prodibit, in qua nullis foliorum numeris aut limitibus inclusi. prolixius de omnibus Mundi rebus disserere licebit; cùm hîc intra Epitomes terminos contineri cogamur.

Littus est illa terræ pars quæ ab aquis tangitur, & fluctibus aquarum pulsatur.

Sinus est littus curuum ad sinus similitudinem, quod quasi brachijs partem Oceani aut cuiusvis maris fluminisve recipit. differt

sinus à Mari, quòd ingressus sinuum amplior sit ipso sinu, vt in tabulis monstrat sinus Aquitanicus & reliquorum figura: in Mari autem tanquã in portu amplo ac spatiofo lateas, ex quo in Oceanum, seu in quod ex Oceano aditus nullus nisi per fretum pateat, vt in Balticum peruenire ex Oceano Germanico non potes nisi per fretum Danicum ex Oceano Occidentali in Mare Mediterraneum, nisi per fretum Herculeum: ex Mediterraneo illi vniuersali in Euxinum, non nisi per fretum Hellespontum: ex ponto Euxino in Mæotiden, nisi per Tauricæ Chersonesus fretum, &c.

Fretum est Maris brachium angustum inter duas terras, per quod tanquam per portam ex altero pelago in alterum permeari potest. sic vocatum ab vndarum fremitu, & significat mare suapte natura mobile, vt est Fretum Gaditanum inter Hispaniam & Africam.

Portus est Maris, Oceani, aut cuiusuis etiam magni fluminis, conclusus: seu paruum Mare vel à natura vel ab hominibus factum, tantæ profunditatis, vt quoduis altum nauigium tutò recipere possit; vbi scilicet naues & triremes hyemæ stationem faciunt, tanquam in loco tuto.

Insula est terræ pars quæ vndique aquis alluitur, vt Sicilia, Creta, Sardinia, in Mediterraneo; Islandia, Britannia, Hibernia, in Oceano; Zeelandia in Mari Baltico; Insula Scythica in Danubio; Palatium in Rheno. &c. Si tamen originem vocabuli respiciamus (nimirum quasi *IN SALO*
sc: po-

sc: posita terra) propriè Insula dicenda esset quæ vel in Oceano vel in falso Mari locata esset, non autem quæ in fluuijs aut dulcibus lacubus.

Peninsula vocatur quasi penè insula, quæ non ab omni parte aquis circumdatur, sed iugo aliquo, seu brachio Continenti siue terræ solidæ annectitur. Græci autem hanc Chersonesum vocant. suntque Peninsulæ Peloponnesus quæ Achaïæ coniuncta est; Taurica Chersonesus quæ Tartariæ; Cimbrica Chersonesus quæ Germaniæ. &c.

Isthmus est arcta terria inter duos aquarum finis, vt est Corinthiacus, quo Peloponnesus Græciæ coniungitur.

Promontorium dicitur montanum, quod conspicua altitudine in Mare prominet. quamuis hodie frequenter etiam pro quouis brachio vel ramo terræ (vt sic loquar) in Mare protenso accipiat.

Caput, appellatio in tabulis hodie frequentissima, in hoc saltem à promontorio differens, quod promontorium longius in Mare protendatur: Caput autem maioris cuiusdam terræ aut angulus aut quasi tuber sit. omniumque hodie famosissimum est illud Bonæ Spei caput in Australibus Africæ finibus. Et notandum, quod semper duo seu Capita seu Promontoria sibi propius opposita necessario fretum efficiant.

Continens seu Continuum dicitur omnis terra solida siue firma, quæ nec insula, nec peninsula, nec isthmus est; sed tota sibi constat & coheret.

H 5

Regio,

Regio, est terræ pars quæ à Rege vel Principe suo regitur. & omnes olim prouinciæ priusquã in Romanorum potestatem peruenerant & in prouincias redactæ fuerant, à suis regebantur vel Regibus vel Principibus. Vt plurimum tamẽ hodie regionis & prouinciæ vocabula confunduntur, & sine discrimine accipiuntur.

Vrbs congregatio est plurium domorum illustrium spectabiliorumve, quæ muris cincta validis, reliqua oppida amplitudine ac magnificentia duplo triplove excedit. Oppidum dicebatur olim omnis vrbs præter Romam, quæ sola per excellentiã vrbs vocabatur. postmodo tamẽ etiam apud veterum quã plurimos intelligebantur vrbes maiora insignioraque oppida, vt Carthago, Corinthus, Athenæ, Numantia. &c. Christianorum quidã hodie vrbes accipiunt eas quæ proprium habent Episcopum vel Archiepiscopum, vel Patriarcham: reliqua verò oppida ipsis dicuntur. Urbium porò alię ipsis sunt metropolitane, quæ ceu parentes alias ex se vrbes generant. Sunt tamen qui metropolim urbem eam vocent, quæ primaria est ipsius regionis vel prouinciæ. Alię verò sunt Colonie, quæ in hunc modum à maioribus ciuitatibus cõditæ sunt, quãdo scilicet ab illis mittuntur coloni ad eas inhabitandas. Emporium est vrbs, vel oppidum nundinarium, ad quod gentes ex multis terræ partibus negotiationis causa confluunt. Vicus intra oppidum vel urbem intelligitur via domorum seriẽ complectens. sed extra oppidum vel urbem vicus idem est quod pagus. Pagus

Pagus aggregatum est rusticarum domorum quæ nullis mœnibus clausæ sunt. Castellū est parvus vicus muro circumdatus. Villa propriè intelligitur domus extra urbem. rarius pro pago accipitur. Ciuitas propriè est collecta ciuium multitudo & societas, moribus, legibus, & institutis gubernata plerumque etiam pro oppido & vrbe accipitur. Tugurium est rustica habitatio tecta ex vlna palustri.

Mons est tumor terræ altissimus, ab eminendo dictus, & ferè omnes habent sua particularia nomina.

Collis, est minor mons, & quasi monticulus.

Vallis, est planities terræ omni ex parte à montibus collibusve conclusa.

Conuallis, est planities terræ omni ex parte à montibus collibusve conclusa: sic dicta, teste Varrone, quasi cauata vallis.

Campus, est amplum magnumque terræ planæ spatium.

Ager, significat partem quandam ipsius territorij vrbis, quæ priuatim ab aliquo possidetur. quandoque verò capitur pro ipsomet vrbis territorio.

Territorium est terræ spatium circa urbem, vel oppidum, ad ipsum pertinens, quod colonis relinquatur.

Fons est, vbi aqua è terra scaturit.

Fluuus, Flumen, Amnis: aqua est continuè decurrens, & perennis, quæ ab aliquo fonte vel lacu emanat.

Tor-

ea, Sardinia, Sicilia, Sarmatia Europæa, Taurica chersonesus, Dacia, Myſiæ duæ ſuperior & inferior, Thracia, Chersonesus, Macedonia, Epirus, Achaia, Peloponnesus, Eubœa, & Creta quam nunc appellamus Candiam. In Africa quæ Libya olim dicebatur, Mauritania, Numidia, Africa propriè dicta. in qua Carthago è regione Siciliæ, Cyrenaica, Aethiopia.

Aphricam vocant quaſi ſine horrore aut frigore; eſt enim *φρίκη* horror, quem ex frigore contrahimus. In hac Nilus flumen, cuius ortum Quidius eò latere exiſtimat, quòd incēſo à Phaëtonte terrarum orbe caput contraxerit atq; occultarit. In Aſia: Pontus, Bithynia, Phrygia, Lycia, Galatia, Paphlagonia, Pamphylia, Cappadocia, Armenia minor, Cilicia, Sarmatia Aſiatica, Colchis, Iberia, Albania, Armenia maior, Cyprus, Syria, Phœnicia, Palæſtina, Iudæa, Arabia, Meſopotamia, ita dicta, quòd Tigris & Euphrates incluſerint eam, quodque inter duo flumina conſtituta ſit, Babyloniam, Aſſyriam, Mediam, Perſiam, Parthiam, Carmaniam, Margianam, Baſctrianam, Scythiam Ariam, Arachofiam, Gedroſiam, Indiam, Taprobana.

VRBIVM ATQVE REGIONVM

nomina mutata.

BOEOTIA ante appellata fuit Aonia, unde & Muſæ Aonides dicuntur. Aegyptus Aëria dicta erat. Creta itidem Aëria nomine eodem. Attica *ἀττική*. Corynthus Ephyre. Macedonia *ἡμαθία*. qua voce Lucanus uſus eſt

est in operis exordio: Bella per Emathios plus
quàm ciuilia campos, lusq; datum sceleri canimus
&c. Thessalia ἀμύνει, quod nomen in
Sagittarij signo Ouidius vsurpat: Per tamen a-
uersi gradieris cornua Tauri, Aemoniolque ar-
cus, violentique ora Leonis. & in Ep. Heroid. ad
Protesilaum: Aemonis Aemonio Laodamia vi-
ro. Tyrus Asiæ vrbs olim Sarra vocitata est.

*DIVISIO GLOBI TERRESTRIS IN
partes suas secundum quas hodie cog-
nitus est.*

SUPERIORI diuisione vsus etiam est Hori-
terus noster. licet enim non ignorauerit
(quò enim velocissima fama non peruenit)
insulam nouam in Occidente nuper immensæ
magnitudinis inuentam fuisse; tamen cùm nihil
adhuc, aut certè parum admodum de eius situ ac
natura conscriptum aut diuulgatum fuisset: præ-
sentia ac perspecta & nulli non cognita percur-
rere breuiter maluit, quàm incertis rumoribus
nitens rem tum temporis valdè dubiam Cosmo-
graphiæ suæ compendio inserere, & liquet ex
verbis eius sub finem libri tertij vbi ait: Est etiã
vltèrius non visa prioribus annis Insula, diues
opum, cultuque immanis agresti, Quam lucri
studium, rerumque cupido nouarum Prima sub
extremo conspexit Sole cadente, Illa tamen va-
leantiam nunc propiora sequuntur. &c.

Tribus igitur supradictis partibus quarta nu-
per adita est, nimirum America, intra annos cen-

tum adinuenta, ipsiſſque antiquis prorsus ignota. quæ tamen, ſi magnitudinem ſpectes duabus aliarum portionibus æquari poteſt. Ex recentioribus quidam vniuerſum Orbem in partes duas ſecant, in Veterem ſeu Antiquum Orbem quam Terram Ptolemaicam vocant, & in Nouũ Orbem, quam Terram Atlanticam vocant. Antiquus Orbis eſt qui Ptolemæo, Straboni, Plinio, Melæ, & alijs priſcis fuit cognitus: Nouus verò qui recentioribus temporibus à naucleris Regum Portugalliæ, Hiſpaniæ, Galliæ, ac Britanniæ detectus eſt. Congruentior tamen forma vniuerſus Orbis tam cognitus quàm incognitus in ſeptem principales partes diuidi poteſt, quarũ primæ tres ſunt Europa, Africa, Aſia, antiquæ ſcilicet Orbis partes: quarta eſt Noui Orbis pars Septentrionalis (quam in Enchiridio noſtro Geographico nuper edito vbique Americam nuncupauimus, quod idem in maiori iſto Germanico volumine obſeruatum animaduertetis) Sanuto Atlantica Septentrionalis vocata. hæc continens eſt ampliſſima, in qua ſunt prouinciæ: Eſt otillant, Terra laboratoris, Terra de Baccalaos, Noua Francia, Norumbega, Florida, Noua Hiſpania, & aliæ. Quinta eſt Noui Orbis pars Auſtralis ſiue Meridionalis, quæ peninſula eſt, ſed tam ſpatioſa vt toti Africæ magnitudine ſua nihil concedat: hæc Sanuto Atlantica Meridionalis dicitur, & ab America noſtra Iſthmo diſcernitur. Prouincias autem ſiue regiones continet: Breſiliam, Tiſnadam, Caribanam, Paſuanã,

Peruuiam, ac plures alias, hanc autem Noui Orbis partem breuitati studentes Peruuiam ubiq; vocauimus, à nobiliori scilicet in ea prouincia, sicut & Asia à nobiliori sui parte (quam alio nomine Natoliam hodie vocant, & discretionis causa etiam Asiam minorem, & propriè Asiam) generaliter Asiæ nomen retinet: quod in Africæ appellatione etiam fieri supra diximus.

Sexta pars est Terra Australis, seu continens Australis recenter detecta, cuius quidem littora penitus circumlustrata iam aliquoties fuere, interius tamen nondum cognita est. in hac Regio est Psittacorum, Terra del Fulgo è regione Freti Magellanici Beac prouincia aurifera cum Lucach & Maletur regnis, inter maiorem & minorem lauam posita, & aliæ incognitę regiones. Vltima verò pars est Terra Borealis, quæ omnium minima est, ac penè incognita, & in quatuor insulas distributa, quæ dispositæ sunt circa polum ipsum Arcticum. nam sub ipso tradunt scriptores esse rupem nigram & altissimam 33. circiter Leucarum ambitu, & circum hanc illas esse insulas, inter quas Oceanus 19. ostijs erumpens, quatuor euripos facit, quibus indefinenter sub Septentrionem fertur, atque ibi in viscera terræ absorbetur, Ex his Euripis vnus quem facit Oceanus Scythicus, quinque habet ostia, nec vnquā propter celerem fluxum, sui que angustiam congelatur. alter verò est euripus è regione insulæ Groenlandiæ, quæ tribus ingreditur ostijs, & quotannis ad tres circiter menses congelatus manet.

manet. latitudo eius est 37. leucarum. Inter hos autem duos euripos iacet insula supra Lappiam & Biarmiam, quam Pygmæi inhabitât, quatuor ad summum pedes longi. Refert autem Anglus quidam Oxoniensis hos quatuor euripos tanto impetu ad interiorem voraginem rapi, vt naues eos semel ingressæ nullo vento retroagi possint, neque ibi vnquam tantum esse ventum vt molâ frumentariam circumuoluere sufficiat: quæ etiam Giraldus Cambrensis in suo de mirabilibus Hiberniæ libello affirmat. Atq; hæc de Globi terrestris partibus, quæ licet Continua vbiq; appellentur, reuera tamen nihil aliud quàm immensæ sunt insulæ, siquidem omnes vndiquaque aquis Oceani circumdantur: Continua tamen seu Continentes eas appellamus respectu reliquarum insularum, quæ vt quantitate Continuis hisce æquiparari minimè possunt, ita innumerales penè sunt diuersis & formis & quantitatibus. Vt autem Lector aliqua relatione topographica recreari possit, nec Epitomen hanc tantquam nudum Indicem percurrisse opus habeat, paucarum earumque præcipuarum vniuersalem descriptionem terrarum adiiciemus.

A F R I C A E V N I V E R S A L I S
descriptio.

PARS terræ habitata in Meridiem vergens, quam nos Africam, Græci Libyam vncant, vna est ex tribus Orbis partibus veteribus cognitis, quanquam nec extoto explorata ipsis
I fue-

fuerit; tum quia in mediterraneis ob vastissimas
solitudines impermeabilis videbatur, in quibus
arenosa sunt inuolucra, quibus à vento agitatae
gentes periclitantur: tum etiam quia immensæ
ac periculosa fuit navigationis, ac proinde à
paucis olim circumnavigata; inter quos præci-
pui fuere Hanno Carthaginensis ad explorandâ
eam à suis missus, & Eudoxus quidam Ptolemæ-
um Latyrum Regem Alexandria profugiens.
His tamen proximè elapsis temporibus pluries
à Lusitanis circumnavigata est ac satis diligen-
ter lustrata, præsertim iuxta littus ab Herculeo
freto ad fauces fermè Arabici sinus. Primus au-
tem qui Caput Bonæ Spei prætergressus, Africâ
à Meridie incognitam præternavigauit, fuit Vas-
co de Gama anno 1497. qui hinc ad Calecutum
Indiæ peruenit, & viam ad Orientales Indias a-
peruit. Dicta autè fuit lingua Arabica IFRIC-
CHIA, à verbo Faruca, quod Latinis diuidere
est; cum hæc à reliquis terræ partibus separata
sit: ab Europa quidem Mediterraneo Mari, & ab
Asia Mari rubro; aliqui tamen Arabiam ei iun-
gentes (quò scilicet triangularis reddatur) Mari
Persico eam ab Asia separant: quam determina-
tionem nos in Germanico nostro volumine se-
quentes, rationem eius ibidem adiunximus. Sūt
etiam qui velint sic dici ab Ifrico Arabiæ Felicis
Rege, quem primum omnium hanc terram in-
coluisse aiunt. sed Festus eam à Græco vocabulo
φρίκη appellatam vult, vt suprâ diximus. A
Græcis Λιόνα dicta, quòd à Libe Mauritaniæ Re-
ge ο-

ge olim perdomita fuerit. In sacris literis Chamaesia ab Arabibus, & Aethiopibus Alkebulam, & ab Indis Befecath vocatur.

Magnitudinē suā duplo Europam excedit: tametsi habitatorium illius vix partem habeat mediam, nec tam commodæ habitationis. inhabitabilis enim magna ex parte est ob aquarum inopiam, & solum eius plerisque in locis incultum, & aut sterilibus arenis, & inani pulvere seu cinere obductum, aut Solis ardoribus cuncta exurentis obnoxium. denique venefici generis animalium & bestiarum tantus prouentus, ut alicubi ægrè, alicubi nullo pacto præ infestissimis illis ager, tametsi fertilis, coli aut habitari queat. Vnde vniuersa hæc regio magis vasta est quàm frequens: sed ubi colitur, eximie fertilis est, ac frequentior est illi cultus, præsertim Borealior pars quæ Europam spectat, ubi olim inhabitata prorsus fuit. vniuersa item ora maritima inter Caput Bonæ Spei & Caput Nigrum multas continet planities, colles, valles, ac frugifera loca & amœna. vnde isthic perpetuo Ver apparet, & alibi etiam fertilis multum est. Aequinoctialis circulus mediam penè Africam secat, quæ non tantum vtrumque Tropicum attingit, sed vltra eos gradibus penè decem expanditur. Montes habet quamplurimos, quorum princeps Atlas est, qui immanibus & suprâ quàm credi facile possit altis iugis, è media arenarum vanitate cōsurgens extollitur, ut potè supra nubes.

Flumina habet: Nilum. Nigrum, Gambram. quorū quoduis innumeros in se minores recipit, & magnitudine Danubium nostrum longè superat. Elephantes producit innumeros, Leones etiam quā alibi immaniores. Locustarum in Aethiopia tanta colluies vt grandinum, instar latissimos agros obumbrent. Dactylorum ac palmarum alicubi tantus prouentus. vt syluam Heraciniam densitate & amplitudine superare sua videantur.

ASIAE VNIVERSALITER
descripta.

TOTIVS Mundi nobilissima portio, ceterarumque partium maxima & vastissima est Asia, quæ Africam & Europam coniungas si non excedere, æquiparare tamen magnitudine sua facilè potest: præsertim hac nostra ætate, qua tota ad Ortum & Septentrionem lustrata est; vbi sunt Chinesium & Tartarorum Imperia, non adnumeratis tamen insulis ad ipsam spectantibus, quæ in vnum collectæ Europam excedunt. Hoc autem nomine nuncupata olim fuit ab Asia Oceani & Thetys filia, Iapeti vxore & Promethei matre: siue vt alij volunt, ab Asio Manzi Lybi filio. In sacris verò codicibus Semia hæc ipsa Mundi pars appellatur. Iacet autem propemodum tota in Septentrionali Orbis plaga ab Aequatore vsque ad gr. 80. latitudinis Borealis, exceptis tamen insulis ad Asiam pertinentibus, quarum aliquot ultra Aequatorem porri-

porriguntur : Vnde maxima diuersitas per totam Asiam in magnitudine dierum artificialium conspicitur. Nam in ultimo eius parallelo, qui non longè ab Aequinoctiali per extremam Malaccæ Regni oram ducitur, longissima æstatis dies est horarum penè 12. circa medium Asiæ parallelum est horarum quindecim, & in eius Borealissimo parallelo perpetua lux æstatis quatuor ferè integris mensibus perdurat. At secundum longitudinem extenditur à Meridiano gr. 52. vsque ad Meridianum ductum per grad. 196. sed si Mercatoris descriptionem sequamur, Occidentalissimus eius Meridianus transit per gr. 57. iuxta extremam Asiæ minoris (vulgo Natoliæ) Occidentalem oram; & Orientalissimus transit per gr. 178.

Hæc autem tribus partibus percingitur vastissimo Oceano, qui ab Oriente vocatur Orientalis seu Eous: à Meridie Indicus: & à Septentrione Scythicus: ab Occidua verò parte Mari Mediterraneo ac ponto Euxino: Tanai autem fluuius magna ex parte ab Europa scinditur. Asia namque in extremitate sui Septentrionali ad Occasum per dorsum quod inter paludem Mæotim & Sarmaticum Oceanum excurrit, Europæ coniungitur, supra Tanais nimirum fontes: vtriusque autem terminus est ipse Tanais fluuius. Præterea Asiam ipsam Taurus mons mediam quodammodo cinguli in modo diuidit, ab Occidente in Orientem longissimo tractu excurrent, vnamque eius partem ad Aquilonem relinquens quam Græci Internam vocarunt: alteram vero ad

Meridiem, quæ Græcis exterior Asia est. Tauri autem montis latitudo plerisque in locis stadiorum est trium millium, id est, miliarium Italicorum 375. longitudo autem eius tanta est quanta ipsius Asiæ, utpote stadiorum circiter 45000. hoc est, miliarium It. 5625. ab ora nempe Rhodiensi usque ad extremas Chinæ partes. Idem mōs in nomina ac partes multas diuiditur, quarum aliæ maiores, aliæ minores ambitus comprehendunt. Potitur Asia incomparabili aëris clementia. tam est opima ac fertilis, agrorum vbertate, fructuum varietate & pastionis magnitudine, ut faciliè omnibus terris antecellat. mittet enim balsamum, thus, myrrham, cassiam, cinnamomum, garyophillum, pipér, crocum, ligna odorifera, resinam suauissimi odoris, muscum, & alia aromata. auro item optimo ac pretiosis lapidibus omnis generis abundat. Alit præterea elephantes innumeros, camelos, tigres, & alia complura tum domestica & māsuetata, tum syluestria ac fera animalium genera. Memorabiles eius fluuij sunt: Ganges, Indus, Tigris, Euphrates, Rha seu Volga, & alij permulti. Credidit antiquitas multa fabulosa de hac Orbis parte, quæ recentiorum peregrinantibus falsa esse comperta sunt. In hac Orbis parte primus homo conditus est, peccatum in Mundum peruēnit, primum latrocinium commissum, sanctissima ac pulcherrima Mundi vrbs extitit, totiusq; Orbis conditor ac redemptor perfidè necatus est.

EVROPAE VNIVERSALIS

descriptio.

EVROPA omnium Terræ partium quamuis minima, reliquis tamen cūm hominū frequentia, tum etiam fertilitate, si non superior, certè æqualis & cum optimis comparanda, vtpotè populosissima & cultissima. Sine etiam terræ excellentiam metiri placeat, vel ex sua, ad animalium & imprimis hominum vitam sustentandam ac fouendam commoditate, certè modis omnibus principatum tenere videbitur Europa; quippè cum felix prouentu rerū omniū & ad vitā sustentandam, & contra morbos tutandā. herbas ferēs medicas omnis, fructuum variorum lautissimorumq; gaudēs abundantia, viniq; ac frumenti copia: tum & ea quæ delicatiorem quoque vitam iuuant abundè suppeditans, vt nil eorū quod desiderari possit humanis vsibus ab alijs petendum sit. nisi quis gemmarum aut aromatum nihil in ea nasci obijciat: neque tamē is negabit, compensari rerum earum penuriam, aliarum non minus vtilium, tum quibus harum vice rectè vti liceat, copia & abundantia. Aëre Cœloque vtplurimum fruitur temperato & clementi, vtpote sub zona temperata posita. Verū sit magis felix vel India vel Africa, prouentu rerum ad delicatiorem vitam desideratarū; non tamen ideo terræ istæ videbuntur huic præferendæ.

si modò non metienda videtur terrarum excellentia, vtensilium in eis copia; sed vtentium (propter quos illa creata sunt) frequentia. Est Asia magna, vastaqué, habitatores pauci: Africa quauis multò minor, Europam tamen duplo & amplius excedit: habitatorum verò huius illa vix habet partem mediani; ita vt verius à terra hi, quàm ab his terra habeatur. Hæc igitur Europa, parua quidem, cultissima tamen & populosissima, quæ in parte sola etiam totam seu Asiam seu Africam excedit, nitens, totaqué habitata, præterquam in exigua parte, quæ ob frigoris iniuriam vix aut ægrè habitari potest: populos gignēs pugnaces, fortesqué agrorum & vrbiū cultores, legibus benè constitutas Respublicas tenēs. fructuum optimorum feracissima, metalla etiam seu minæralia habens omnia, pecudum initium ditissima, cū & ferarum non minus vtilium alet copiam, nociuarumqué raritatem iacet. Incolæ ingenio semper acri, animoque forti sunt & fuerunt, vt sæpius his animi & corporis dotibus totum Imperio suo Mundum subdiderint: & fatale ipsis esse videatur reliquis terræ partibus imperare; vt ex fortissimè Alexandri Magnis rebus gestis apparet, imprimis tamen Romanorum. Atque hodierno etiam tempore videmus, longissimè remotas terras à plerisque nostratibus Regibus ac Principibus teneri & gubernari. Hanc autem Europam hodie vulgò Imperium Romanum; frequentius autem (quod etiam latius patet) Christianismum seu Christi-

ana-

anatum, siue orbem Christianum vocitare sole-
mus, quamuis plurimis in locis penitus extirpa-
ta sit fides Christiana. Quod ad magnitudinem
eius, habet tota hæc pars in longitudine, quæ
computatur à Maritimis Lusitaniæ, vtpotè ab V-
lissibona Constantinopolim ad extrema vsque
Græciæ, miliaria Germanica circiter sexcenta,
ac totidem ferè in latitudine, vbi est latissima,
vtpote ab insula Sicilia in Schricfinniam vsque,
extremitatem totius Continui istius Europæ Bo-
realis. Vnde nomen hoc suum Europa traxerit,
quisve eius autor extiterit, parum inter scripto-
res constabat: nisi quod dicamus ab Europa Age-
noris Phœnicum Regis filia nomen terram hæc
accepisse; nec antè, sicut cæteras, nomen habuif-
se. Eam autem Iupiter in Taurum conuersus a-
stutia quadam raptam per Mare natando in Cre-
tam abduxit, vbi tutus amore eius potiretur. Hac
de re vide Ouidium in Metamorphosi sua, & in
5. Fastorum libro.

GERMANIA VNIVERSALITER.

OMNIVM in Europa Regnorum maximū
ac florentissimum est Germania, homi-
num diues, & populis immensis frequēs,
quæ si cum reliquis conferatur regionibus, mi-
nimum fuci, plurimum antiquæ sinceritatis ac
idei, & rusticæ, vt dici solet, veritatis obtinet.
Tacitus inquit: Foenus agitare, & in vsuras exten-
dere, ignotum, eò quod minimè auari, fraudu-
lenti, ac subdoli essent, rerum nuda ac simplici

permutatione utebantur, merces dabant, merces recipiebant. contēti sua sorte, utpote apud quos plus valebant boni mores, quàm alibi bonæ leges. Sermo gentis longè lateque fusus sua tamen idiomata habet. Hanc olim Germaniam idem Tacitus informem terris aiebat esse, asperam Cēlo tristem cultu aspectuque ac in vniuersum syluis horridam, aut paludibus infœcundam, humidiores quàm Gallias, ventosiores quàm Noricum ac Pannoniam aspicit: Frugiferarum arborum ac omnis culturæ impatiētem, sterilem, pecorum tamen fœcundam, sed plerumque improcerorum, auro atque argento immunem, & propterea vilem despectamque ab omnibus. Hodie regio est adedò amœna, pulcherrimis vrbibus, castris, pagis ac villis ita exculta, ut non Italia, non Gallia, non Hispania ipsa cedat. Cœlum satis clemens habet, agrorum camporumque fertilitatem optandam: sunt & colles aprici, nemora opaca, frumentorum abundantia, viniferi montes. mille hic iam hortorum ac villarum delicia; nulla viridaria pomaria, nullæ confectiones, nulla tempe, nulla vineta desiderantur. Solum ipsum hordeo, tritico, siligine, farre, milio, auena, atque omni frumentorum, leguminum, obsoniorum genere ferax, campi vberes prata læta. Sunt clarissimi amnes, mineræ salis plurimæ; thermæ salubres, aquas calentes passim producente natura. Non argenti, iam non auri, non margaritarum tandem hic incognitus vsus est, Vniuersa & Gallia, & Hispania, & Italia

argen-

argentum ex Germano negotiatore omne habuit, priusquam ad Indias nauigatio aperta foret. Metallorum ita omne genus habet, ut nec auro sit priuata, quorum iam inuestigatis minis hoc infeliciores sunt, quod miseros in terræ viscera iam auri sitis intruferit. Hic nulla non literarum cognitio, legumve disciplina, nulla non bonarum artium studia florent. Videat igitur hic Tacitus noster, quam sæpe bona materia cesset sine artifice. Quid? quod præclarissimorum ingeniorum sit feracissima? quid enim solertius unquam aut utilius inueniri potuit typographia, & postmodo chalcographia seu tabulorum ænearum exuratio & excusio? quamuis nec obrectatoribus ars ista humanissima careat, quorum inertiae expediuisset si sepulta perpetuo latuisset. quod inuentum gloriosius & aduersus Christiani nominis hostem, barbarorumque incursiones utilius instrumento isto iaculatorio quam bombardam vulgò vocamus? quanquam rerum optimarum magnus etiam abusus esse possit. Nonne & amoenum illud (quamuis leue & inane) tympanum militare, quem trummulū vocamus, ut innumera alia omittam. Porro vix est in Europa terra alia quæ maioribus fluminibus irrigetur quam hæc: è quibus vndecim numerantur præcipua nauigabilium; horum primum est Danubius, ad cuius ostia Ouidius olim exulans, pronunciare de eo non verebatur: Cedere Danubius se tibi Nile negat. inde Rhenus, Nicer vel Neccharus, Moenus, Mosella, Mosæ,

Mosa, Scaldis, Amesis, Albis, Visaris seu Visurgis, Suevus, Viadrus, Vistula, quæ omnia pluribus concomitata minoribus fluuijs, quorum enumerandi locus hic non est, partim in Euxinum, partim in Mare Balticum, partim in Oceanum Germanicum exonerantur. Montes verò nominatissimi sunt Rolbergus, Mons Ifidis, Melibocus, Pinifer. Hefsus, Ostbergus, Suevus, Pauonis, Reticus, Seno, Sprulius, Vocetius, Vosagus. Sylvarum sunt plurimæ, duæ tamen præcipuæ, Hercynia nimirum & Martiana. Publica Germaniæ Gymnasia sunt: Basilea, Colonia, Dillingia, Moguntia Marpurgum, Lipsia, Ingolstadtum, Heydelberga, Grypswaldia, Friburgum Brisgoæ, Francofurtum ad Oderam, Erphordia, Praga. Rostochium, Mōs regius, Treueri, Tubinga, Vienna Austriæ, Vratisslauiæ, VVirtēberga, Herbipolis vulgò VVurtzburg. Quantas insuper laudes mereatur ordinatio de institutis Electoribus, res ipsa testatur. hac enim ordinatione duravit Imperium supra sexcentos iam continuos annos in Germania. minus namque insidiosæ & clanculariæ conspirationes Papæ cum Italis aut Gallis succedunt, qui à Germanis Imperij celsitudinem sæpenumerò aliò transferre conati sunt. & habet plus præsidij Imperator à pluribus Principibus quorum consensu electus est: minusque concertationis oriri potest propter Electionem, primariorum Principum votis consentientibus. Firmior enim ac diuturnior sperari potest, si ad plures Principes relegata sit Imperij Maiestas, quàm

si in

in vnus alicuius sanguinis successione haret.

ANTIQUISSIMA AC CELEBRATISSIMA Italia.

CONSENTIUNT in hoc veteres scriptores, Ianum, qui & Ogyges, eo tempore venisse in Italiam, quando Mundus adhuc fuit aureus, & omnes iusti. Ipse docuit homines plantare vinum & frumentum, & de eis facere oblationes, atque temperatè inde viuere: fuit namque Ianus sacerdos & vir religiosus, doctus, philosophus: imò & Theologus: fuit inquam pater deorum ac hominum, caput & rector totius primi generis humani, à quo suo quo magni & lati Orbis pendebat custodia. Egressus est Ianus iste post diluvium ex Aram, ea quæ postea Armenia, in Italiam, condiditque in ea ciuitatē, quam de suo nomine Ianuam appellauit, quæ postea corruptè Ienua & porro Genua nuncupata est. Sub eo recenti Mundo pura illa vixit ætas quæ aurea dicta est, annis ferè 250. post diluvium. Cum autem Hesperus in Ianiculum concessisset, ab eodem denominata est Hesperia, etiam si Macrobio placeat sic dictam quod Hespero stellæ sit subiecta. Fuit etiam aliquando à Camese Camefena, & à Saturno Saturnia dicta. Item ab Aegypto Osiride, qui & Iupiter cognominabatur, proprio tamen nomine Dionysius, dicta est quibusdam Taurina: adeptus enim fuit inclytam contra gigantes victoriam. Quin vete-

res non rarò Græco vocabulo, vel à bonitate vini quod ibi nascitur, vel ab Oenotrio Sabinorū Rege Oenotriam vocauēre. Tandem verò dicta est Italia ab Italo Siculorum Rege, qui agriculturam Italos docuit, & leges posuit. Proinde duo Maria quæ Italiam includunt, nempè Adriaticum à ciuitate Adria, quæ & Atria dicta, cuius situs non longè abest ab ora Padi, fuit quæ olim ciuitas magnâ & ampla, vbi nunc ager Ferrariensis iacet, cuius vestigia adhuc parua quædam extant: à qua non solum Mare Adriaticum, sed & Athesis præter labens fluuius Atrianus vocatus fuit, etiam si Strabo urbem potius à fluuio denominatam fuisse dicat. Tyrrhenum verò Mare à viro Græci nominis Tyrrheno nomen accepit, qui ex Lydia in Italiam veniens certam oram terræ de suo nomine Tyrrheniam vocauit. Id autè haud diu post excidium Troianum factum scribunt. Ob insignem igitur fertilitatem qua Italia est prædita, illico post diluuium habitationi est assignata, culta, & castellis adornata, atque frequenti habitatore repleta, qui & diuersis eius locis & successoribus suis nomina reliquerunt; tametsi quidam temporum successu propter translationes aut aduentum aliorum populorū quoque mutati sint è sedibus suis. Porrò hæ numerantur principales partes & regiones Italiæ: Istria, Gallia togata, Liguria, Tuscia, Vmbria, Latium, Campania, Apulia, Calabria, & Græcia magna. progressu tamen temporis alia atque alia nomina partitiones quæ succreuerunt. Aelia-

nus

mus de Italia hæc scribit: Incoluerunt Italiani plurimi homines, & vix est terra in qua plures fuerunt coloni quàm in Italia, idque propter summam & eximiam eius fertilitatem, dispositionem Marium, portuumque commoditatem. superauit etiam mansuetudo incolarum omnium nationum incolas, & numeratæ sunt olim in ea 1166. ciuitates. Nostra verò tempestate multa oppida subuersa sunt, iacentque in ruderibus. multi que duces quos nacta est 359. annos, nullam ei attulerunt vtilitatem, nec defensa est ab ijs. notantur etiam quidam Rectores de tyrannide, nempe qui occuparunt patrimonium Sancti Petri in iacturam Sedis Apostolicæ. Hæc Aelianus. Utque omnia paucis comprehendamus, Guilhelmi Kyriandri verba subiiciemus: Italiam (inquit) videre & cognoscere inprimis est operæ pretium: nam si varias Imperatorum formas; si benè, melius, atque optimè constitutas Resp. si leges diuersas. si præclaros homines & ingenia, disciplinarum etiam & artium omnium alumnos; si morum non modò optimorum sed etiam pessimorum exempla; si corruptelas, montium asperrima iuga, conditiones agrorum varias, facultates omnium rerum quæ Terra continet inexplicabiles, si portus nobilissimos, & littora multorum Marium vndis circumfusa, ciuitates pulcherrimas, ædificia magnificentissima, nouarum urbium res florentissimas, veterum miserandas reliquias, totius antiquitatis vestigia, virtutum cunctarum trophæa, vitiorum omnium monumenta, naturæ operum varietatem infinitam;

breui.

breuiter, quicquid excogitari queat, si desideres, in Italia ni sit, extra Italiam haud quærendum crediderim. Haftenus Kyriander. Fluminibus rigatur plurimis ac penè innumerabilibus, quorum præcipua sunt Tyberis, Padus, Arnus, Vulturinus, Lofatus, Iesernus, Sanguicus, Piscarus, Druentus, &c. Mons Italiæ totius præcipuus est Apenninus, quem sic dictum ferunt ab Api prisco duce, qui totam Italiam deuicit. perpetuum huius montis iugum instar est Italiæ dorsi, quod elatum Italiam diuidit, & per mediam regionem sensim incedens, tandem in duo cornua deducitur, alteroque Siculum, altero Ionium Mare respicit. Sylvarum præterea: thermarum, ac minuararum copiam regio tota exhibet.

GALLIÆ REGNUM.

CVM Galliæ appellatio perampla sit, & sub ipsa non tantum Franciæ Regnum, sed bona etiam Italiæ ac Germaniæ pars comprehendatur; hoc loco de ea tantum Galliæ parte pauca dicemus, quæ propriè regnum Franciæ vocatur. Longè autem ante Christi tempora & priusquam Romani Galliam suo dominio subegissent, præfuerunt Galliæ multi priuati, reges & principes, qui non magni fuerunt nominis, utpote Lugdus, Allobrox, Belgius, Trebeta, & alij plurimi, vnde priuatæ regiones suas mutuarunt denominationes; fuitque tunc & aliquot annis post Christum natum ea regio Gallia, & non Francia nuncupata. Affecuti sunt autem

tem Romani dominium in ea ferè centum annis ante Christi natiuitatem, retinueruntque illud propè quingentis annis. Interea autem temporis dum Sicambri, qui postea Franci dicti sũt; quique ostia Rheni & circumiacentem agrum possidebant, indies crescerent & roborarentur viribus, cœperunt excurrere in finitimam Galliæ regionem, occupare arces & oppida, atque exturbare Romanos, vt etiam anno Christi 420. Pharamundus vigesimus quartus Francorum Rex, primus fuit in Gallia Francigenarum Rex: atque sub eius filio Clodio, atque nepote Mero-ueo Sicambri ferè totam adepti fuerint Galliã, relictisque prioribus mansionibus, quas circiter 870 annis tenuerant, migrarunt in Galliam, potiti eius dominio. Didicerunt quoque Gallorum linguam, quam Romani introduxerant, & conformes fecerunt se moribus eorum, sicut & alij Franci, qui à fratribus suis secedentes, & pagum Moeni, vbi Herbipolis est hodie, occupantes, Germanorum linguam ac mores didicere. Pharamundus verò (*Pharamundi* Germanicè) vnam nimiter à suis electus in Regem, transtulit sedem suam à Francia Orientali (quæ hodie Franconia discriminis causa appellari solet) in Franciam Occidentalem. posuitque legem quam Salicam vocant, ne Regni successio in colum transferretur, hoc est, ne mulieres Regni hæredes fieri permitterentur. Hunc secuti sunt reliqui Reges in hodiernum vsque diem. Porro quod ad Nobilitatem siue Equestrem ordinem in Francia atti-

net, is maximis hodie fruitur commoditatibus ac priuilegijs, eoque fit vt magno quodam affectu Regem complectantur, vt vitam quoque proprius ac patriæ salute profundant. neque enim vllum pendunt tributum, & armatis licet ipsis esse quocunque loco, multa que habent vitæ præsidia, sic vt non sit opus illiberalem aut quæstuariam aliquam artem exercere. Quod ad fertilitatem regionis huius, ab antiquis temporibus semper culta, tam in vrbibus & oppidis quam agris, hortis, & pratis: nullusque à tempore Christi in tota Gallia angulus incultus fuit, præter lacus & nemora quæ culturam non admittunt. Præcipuè autem loca Mediterraneo Mari propinqua miræ sunt fertilitatis, vt etiam ibi cupressi & rosmarina passim per campos crescant sua sponte, sine omni humana sollicitudine, haud secus quam in hisce partibus crescunt Iuniperi. Mala punica, granata, & citrones nullibi frequentiora sunt quàm in Prouincia. Deinde quàm nobile in illis partibus crescat vinum, imò per totam Galliam, quæ tot irrigatur & foecundatur amnibus, dici non potest. Quàm ferax sit ager Parisianus, poteris hinc colligere: cum vice quadam Rex Ludouicus XI. scire vellet quot armatos viros Lutetia producere posset in agrum, numerati sunt septuaginta millia virorum procedentium ad militiam. vbi igitur multus est populus, necesse est vt foecundum habeant agrum vnde eis sufficiens suppetat victus. Cum permultas easque amplissimas habeat vrbes Francia, omnium

innium tamen maxima est Lutetia Parisiorum, cuius encomium elegantissimo carmine descripsit Eustachius Knobelsdorff Prutenus, quod hic subijcere prolixum nimis foret. Architreminus tamen Poëta luculenter his panegyricis versibus de ea scribit:

*Exoritur tandem locus, altera regia Phæbi,
Parrhisius. Cyrræa viris, Chrysæa metallis:
Græca libris, Inda studijs, Romana poetis,
Attica philosophis, Mundi rosa, Balsamus Orbis,
Sidonis ornatus, sua mensis, & sua potu,
Dives agris, fecunda mero, mansueta colonis,
Messe ferax, inoperta rubis, nemorosa racemis,
Plena feris, fortis domino, pia Regibus, aura
Dulcis, amœna situ, bona qualibet, omne venustum,
Omne bonum, si sola bonis fortuna faueret.*

De Normandia quoque scribitur, quod præter Metropolitanam & alias sex præcipuas ciuitates habet 94. minora oppida, vicos quoque & castella sine numero. Habet Rex Galliaë Rothomagi in metropolitana Normandiaë ciuitate Senatum doctissimum, virosque prudentissimos, qui toti prouinciæ ius dicunt. sunt etiam in ea vrbe potentes mercatores, ob quorum traiectiones & mercaturas nomen vrbis longè lateque apud multas gentes est cognitum. Habet autem hæc regio copiam piscium & pecorum atque frumenti. sed & pomiferarum arborum tanta est in ea multitudo, vt ex pomis potum faciant, aut pro magna parte in alias deferant terras.

In summa, abundant omnibus rebus ad vitam humanam necessarijs, præter vinum quod ibi non crescit.

POTENTISSIMVM HISPANIAE

regnum.

REGNUM hoc magnificentissimum vndique alluitur Oceani ac Mediterranei Maris fluctibus, excerpta ea parte qua Galliam contingit, vbi altissimis montibus quos Pyrenæos vocant, separatur à Gallia. Appellantur autem montes illi Pyrenæi, à crebris fulminum ignibus, vel quòd syluæ in Pyrenæo frequentes, & habitationes iniecto à pastoribus igne prisca temporis flagrauerunt, durante autem incendio aliquot diebus, ex montium concoctione coeperunt descendere stellicidia argenti liquefacti: & cum habitatores illorum locorum vsum argenti non haberent, contemnerentque metallum illud superuenientes mercatores è Phoenicia, emerunt vilibus mercibus magnam vim argenti.

Diuisa fuit olim Hispania in tres prouincias: Beticam quæ hodie est Granata: Lusitaniam, Castiliam. Nauarram, & Galliciam. fuitque (si Iosepho & Beroso credimus) Tubal Noë nepos primus Rex Beticæ, extruxitque in ea regione ciuitatem quam à se denominauit Tubal. hic operam dedit rei pecuariæ, sicut omnes primi patres pecoribus alendis studuerunt, quæ & victum & amictum homini ministrant. Hinc quoque putant maiorem Hispaniæ partem appellatam

Tar-

Tarraconem, quæ cùm Hebraica vox sit, Latinè boum possessionem significat. Successit Tubalo in regno Iberus, à quo fluuius quidam Iber est appellatus, & adiacens regio Geltiberia: Betus à quo Betica: Hispanus, seu vt aliqui malunt, Hispalus, à quo omnis terra deinde Hispania denominata est: Hesperus, à quo eadem terra Hesperia dicta: Lusus, à quo Lusitania. Posteaquam verò Romani Hispaniam sibi subiugassent, in duas diuisa est prouincias, Beticam & Tarraconensem, durauitque partitio illa vsque ad tempora Attilæ, tunc rursus alia administratione Hispania est gubernata. Nouissimè sub Sarracenis discriminata est in quinque regna, Galliciam, Nauarram, Castiliam siue Legionem, Cataloniam, cui & Arragonia annexa est, Portugalliam, & Granatim. Porro Gallicia non diu proprium & distinctum mansit regnum, sed amisso legitimo hærede, incorporata est Tarraconensi. Alij adhuc plura numerant regna, Valentix, Toteti, Algarbiorum, Murcia, & Cordubæ. Nostro tempore, omnia hæc regna in vnum contracta sunt, præter Portugalliam quæ proprium habet Regem. Habet Hispania septem Archiepiscopatus, quorum sedes sunt in Tarracone, Cæsaraugusta, Toletum, Còpostella, Bracara, Vlyssibona, & Granata. Alij nouem ponunt, sub quibus tamen sunt plurimæ Episcopales ciuitates. Modico intervallo distant Granata & Mauritania. ibi namque ingreditur Oceanus per magnas angustias in Mare Mediterraneum, vbi & duo montes eriguntur,

tur, vnus in Mauritania qui Abila vocatur, & alter in Hispania cui nomen est Calpe:& hi à quibusdam vocantur Columnæ Herculis; putantq; olim vnum fuisse montem siue saxum perpetuo iugo coniunctum, quod Hercules suo robore perfregerit, intromiseritq; Oceanum in ipsam terram. alij insulam Gades asserunt fuisse Herculis columnas. alij in Gadibus fuisse templum Herculis, in quo positæ fuerunt duæ anteq columnæ, altitudine octo cubitorum, in quibus signatus fuit sumptus pro ædificio illius templi factus; & nauib; Herculi sua persoluebant vota: fuitque locus ille secundum veterum opinionem finis Mundi, nec ausi fuerunt Hercules aut vlli alij naues in Oceanum deducere citra vitæ periculum. Est autem Gades insula parua, habetque tam pingua pascua, vt nullum ferum à lacte legregent, sed cogantur affundere aquam, cum lac in caseum coagulare volunt. Multis quidem in locis Hispania inculta iacet idque ob saxum fundum, vel ob solitudines squalentes, aut alias ob causas, quamuis multò quàm Africa sit fertilior. Suppetat autem Hispania multis in locis abundè ea quibus homo opus habet, vt sunt frumentum, vinum fructus, olenum pecora, linum, ferrum & metalla, mel, cæra, piscosæ aquæ, & similia. Non coquunt salem, sed effodiunt e terra. Non fatigatur terra tot ventis vt Gallia, nec inficitur aër pestiferis paludibus ac nebulis. Aurum, argentum, & ferrum bonum ac probabile nullibi in tanta copia vt in Hispania est inuen-

uentum. reperta namque olim in Hispania sunt fragmenta auri depurati magnitudine dimidiæ libræ. Est & semper Hispania equorum pernecitate commendata, quos leuis armaturæ equites tibijs contractis pulchrè obequitant. Nomen magnum ab aliquot annis bellica fortitudine Hispani sunt adepti, plurimis ab hoste partis victorijs, vt qui laborum, sitis, ac famis in acie sunt tolerantissimi & in stratagematibus cautissimi, leui corpore, vt facilè hostem fugiant ac sequantur. Oceani nauigationibus ad incompertas regiones toto Orbe sunt clarissimi. Habentur etiam Hispani in religionis ritibus supra omnes mortales superstitiosi, per Regis solium, & vitæ eius gentilicio more iurant, & osculo manuum in salutationibus supplicant. Porro de moribus & ritibus antiquorum Hispanorum Strabo & Possidonius mira scribunt.

HUNGARICI REGNI, AC TRANSYLVANIAE principatus (vulgò Septem Castrorum) descriptio.

HUNGARIA olim Pannonia inferior appellata, eiusque incolæ Pannonες vocati fuere. hi quidem à Gothis expulsi; post Gothos autem Hunni ex Scythia oriundi eam possederunt. Inde Longobardi; illisque repulsis Hunni denuò occuparunt, atque in hodiernum vsque diem possidentes, Hungariam de suo nomine dixerunt.

Danubius, qui & Ister, Regnum hoc secundum longitudinem perfluit, in duasque diuidit partes: quarum hæc Australis, Hungaria infradanubiana dicitur; sicut illa Septentrionalis Hungaria supradanubiana. In hac sita est Buda Regni metropolis ac sedes Regia priusquam à Turcis caperetur. Situs eius amœnissimus, aëre iucundo, agrisque fertilibus sic ditata, vt propter hæc & propter regia quibus ornata est ædificia, omniumque rerum quæ ad necessitatē vel ad splendorem requiruntur abundantiam, nulli in tota Europa cedat. Hanc Alba Regalis sequitur, Regum coronatione ac sepulturis celebris, Strigonium Archiepiscopatus dignitate gaudet. Stridon diui Hieronymi patria est. Prope Zeuerinū in Danubij ripa, Orientem versus, pontis Traiani apparent vestigia. super hunc enim fluuium Traianus Nerva pontem miri operis in Mœsia construxit, opus sanè mirandum & memorabile: viginti stant ex quadrato lapide pilæ, quarum altitudo 150. pedum præter fundamenta habetur: latitudo 60 pedes continet. distant autem inter se 170. pedibus, ac fornicibus coniunguntur, impensa ingens & vix credibilis. Sed illud mirari conuenit, quā ratione, & quibus viribus, quove artificio in illa gurgitū altitudine tamq; præcipiti flumio singulæ colūnx extrui valuerint, tantarum molium fundamenta stabiliri, vada præterea limosa erant, neq; amnis aliò verti poterat. quanta verò altitudo sit aquæ, & quā latè pateat amnis, vix enarrauerim. diffunditur per

ea loca spatiosus, atque interim imbrium mole concitatus, ripas longius summouet: alibi verò duplo atque interim triplo, priore sui parte maior aut restagnat, aut defluit. qua verò ætatur, vorticosus ac ferox ædificia & pontes non patitur: & rursus liberatus angustijs in pelagi formam totus expanditur: iterumque cogens, quasi retentus profundior & rapidus fertur. arduum igitur & maximè laboriosum fuerit in ea fluminis parte pontem ædificare. Post aliquot tempora structuras & fornices huius pontis quantæ super aquam eminebant, iterum demoliri iussit Hadrianus Imperator. qua tamen animi magnitudine vel generositate, ipse viderit. Pilæ etiamnum extant, ceu in ostentationem potentia & Cæsaris opum fabricatæ: simul etiam vt posteris testatum maneret, nihil esse quod hominum manu, & opibus Romani Imperij effici non potuerit.

Omnes ferè totius Europæ regiones Hungaria superat, & virorum fortitudine & magnanimitate, animalium foecunditate, soli pinguedine, minararum copia, metallorum varietate, æris salubritate, ac locorum opportunitate. Vinū adeò generosum producit, vt alicubi Maluatico æquiparari possit. Ferinæ tanta abundantia, vt venationes & aucupia cuius licita sint: lepores siquidem, cerui, phasiani, perdices etiam rusticorum ac plebeiorem familiaris est cibus, qui apud nos in delicijs habentur. pomorum præterea varietate abundat. Boum ouiumque tantam

producit copiam, vt vniuersæ pene Lombardiæ ad victum sufficiat. Solam urbem Viennam quotannis circa 80000. boum transeunt, qui inde in diuersas Germaniæ regiones abiguntur. Quàm sit pisculenta, ijs qui nunquam viderunt non fit verisimile: Tibiscus fluuius, vulgò Teissa, in pro- uerbio, ex duabus partibus aquæ, tertia autem piscium constare videtur. tantam enim quotannis eorum copiam largitur, vt intra regionis limites distribui aut vendi omnes nequeant. Incolæ Scythica vtuntur lingua, quæ à circumiacentibus populis planè diuersa est.

TRANSYLVANIA, Septem Castra, Germanicè *Sibenburgen*, à Saxonibus ita appellata; qui septem quoque castra in ea constituerunt; circū- quaque altissimis ac densissimis syluis ac montibus tanquam mœnibus cincta, ita vt aditus in eā, atque regressus cuius difficilimus pateat, nisi per angustias quasdam fluuijs ac riuulis exitum præbentes; vtpotè Alutha fluuius, ad quem munitissimum castrum Rotenthurn (quasi rubra turris) situm est ad vias tutandas & custodiendas. ad eundem modum arx Brosch ad Mariscum fluuium, tanquam propugnaculum positum est. Vrbes in ea præcipuæ sunt: Cibirium Germ. Hermanstat, ampla ac munita, paludibus multis circumsepta, vt captu difficilis sit: Corona Germanicè *Cronstatt*, propter excellentiam secunda, similiter ad viam qua egressus è regione patet, locata; vbi itidem ad viatorum tutelam arx bene muni-

nita Turciffest posita, ibique frequens est Græcorum mercatorum negotiatio. est autem Corona hæc patria poëtæ nostri Honteri. Sunt præterea Schlesburgum, Medovvifa, Nofa, Zeugma vel Clausenbourgum, Millenbachium, Vveiffenburgum, Germanicis suis nominibus insignitæ: cum aliâs (pluribus siquidem linguis regio ista vtitur) Hungarica linguæ peculiare habeant appellationem. Regio hæc Transylvania admodum est populosa, maxima ex parte Saxonum colonia, ut lingua ipsorum testatur, cum Saxoniarum linguæ proprietatem magis obseruet quam reliquorum Germanorum; non enim Was & Das, sed Wat & Dat Saxonica dialectu proferrunt: ita & regio hæc inter diuersarum linguarum terras ac gentes sita, Germanicè magis quam Hungaricè loquatur (sicut & Bohemia vndique Germanis cincta Sclauonico tamen vtitur idiomate) maximaque ex parte montibus, fluuijs. ciuitatibus, Germanica indita sunt nomina. Montibus quoque auri minæris refertis diues est terra hæc, quanquam nec argenti, æris cyprij, ferri, salisque inopia laboret. Vini etiam sat producit, rubei albiq̃ue, quod tamen præstantia ab Hungarico superatur. Adhæc animalium & frumentorum prouentu felix est. Equos gignit syluestres, cursu velocissimos, quorum ad terram vsque dependentes sunt ceruicum crines. Boues etiam syluestres, ceruicum curuatura ac magnitudine præstantes; vros etiam procreat.

Qua Septentrionem regio spectat, territorium quoddam continet Siculorum, cuius incolæ viri sunt militares, nullum vel nobilitatis vel rusticitatis (vt sic loquar) discrimen habentes; sed omnes eiusdem gradus ac dignitatis æstimati; nulli, sicut & Heluetij, domino subiecti. Tria habent loca, quas Sedes appellant, Kiedy videlicet, Orbay, & Scepsy. in his si quid de Repub.

illis tractandum occurrit, conuentus suos habent; in ijsque Hungarica, non autem Germanica vtuntur lingua,

RVDIMENTORVM COSMOGRAPHICORVM finis.



LECTO.

LECTORI.



Vandoquidem admodum sibi
 cognatæ circumstantiæ sunt
 τοπὸς καὶ χρόνος, id est, locus &
 tempus: atque illud subiectum
 sit Cosmographiæ, hoc verò Chronogra-
 phiæ: visum fuit in studiosorum adolescen-
 tum gratiam Epitomen hanc Chronico-
 rum libello huic adiungere; ut si iam præ-
 cipuum Orbis terrarum situm obiter didi-
 cissent, breuiter etiam quid à prima eius
 Creatione vsq; in præsentem annum me-
 moratu dignissimum in eo concepisset, per-
 spectum haberent: perinde, utilitatem ne
 aliquam an verò fructum ex ea capturi
 essent, saltem alterutro horum commodare
 ipsis potuerimus. Quas enim meas ali-
 quando ferias & recreationes fuisse me-
 mini, easdem & reliquorum scholarium
 futuras augurabar. Boni igitur hac
 nostra qualiacunque πείρα
 consulant.

CHRO.

CHRONICI

VNIVERSALIS

EPITOME.



Alinitio (vt sacræ tradunt literæ) Deus omnipotens & æternus creauit Cœlos Terras, Aquas, & omnia quæ in ijs sunt. idque pro beneplacito suo perfecit omne intra sex dierum spatium. Sexto autem die, cùm iam tota vniuersitas ad finem perducta esset, etiam hominem ex limo terræ creauit, possessorem videlicet & rectorem omnium rerum quæ vel terra vel aqua produceret: ei que adiutorium Euam adiunxit, conditam nimirum ex costa ipsius viri Adami. atque hi seminarium sunt totius generis humani.

15. Cain primogenitus primorum parentum nascitur.

30. Abel frater Caini nascitur: qui pastor ouium factus sacrificia Deo grata offert. Cain inuidia erpa fratrem accensus ipsum occidit.

Fraterno prima maduerunt sanguine terra.

130. Seth filius Adami nascitur, qui primus Cœli cursum obseruasse perhibetur, primusque literarum Hebraicarum inuentor.

930. Adam ætatis suæ anno nongentesimo trigésimo ex hac vita migrat, corpusque eius in agrum Hebron delatum ac terræ mandatum est.

988. Enoch moritur.

1059. Lamech cum iam esset centum duorum & octoginta annorum, Noham gignit.

1656. Diluvium totum terrarum Orbem inundans, genus humanum cunctorumque animalium submersit, præterquam eos quos Archa Noë servarat.

1790. Nimroth turrim istam excelsam totius penè Orientis auxilio extruit. quò scilicet se suosque ab inundationis periculo in posterum tutos reddat. Deus vanitatem ipsorum ridens, linguarum diuersitatem immittit; quæ eos ab incesto desistere cogit, exinde locus ille Babel nuncupatus, quod confusionem sonat.

1796. Nimroth in Persiâ se dimittit; filiû genuit Belum, qui clarus postmodo Astronomus factus. atque is est cui post obitum primus ab Aegyptijs cultus diuinus est tributus. Ascanes filius Gomeri versus Septentrionem sedes suas quærit. ab hoc Germani originem suam traxere.

1947. Ninus Assyriorum Rex primam auspicatur Monarchiam.

1949. Abraham pater fidelium nascitur, Tharen habens genitorem.

Hoc tempore verus Dei cultus exolescere cœpit in regnò Babylonico; & proficiscitur Thare pater Abrahami & Lothi ex Chaldæa in Mesopotamiam cum utroque filio suo. vocat autem Scriptura hanc idololatriam ignem Chaldaicû, Vr Chaldæorum; quod ignem Cælestem imitantem ad sacrificia idolorum eo abusi sint.

2006. Noa moritur.

2026. Abram in Aegyptum proficiscitur.

2034. Ismael nascitur.

2047. Circumcisio Abrahamo & omnibus eius posteris à Deo iniungitur.

Zoroastres Bactrianorum Rex floret, Astronomus peritissimus, ac primus Magiæ inuentor: in hora natiuitatis suæ non eiulasse, more communium infantium, sed risisse perhibetur. Tanaus primus Scytharum rex. Orus Apollo apud Aegyptios leges bonas condit, quas olim ab Abrahamo edoctus ipse erat. Togarma qui & Magog, vnde Turci suam ducunt originem. Sambetha, quæ Sibylla Erithræa, floruit.

2048. Sodomæ & Gomorræ cælitus euertuntur. Isaac filius Abrahami nascitur. Defuncto Nino, & relicto paruulo filio, Semiramis mater pueri post obitum regis ipsa imperio præfuit. verebatur enim in tam nouo regno, & non subditis adhuc omnibus sua sponte, ne ob iuuenilem ætatem pueri populus ad defectionem properaret. Itaque ne ipsa propter muliebre sexû contemneretur, vsa est virili habitu, simulauitq; se regium filium esse. excelluit factis planè heroicis, & imperij fines regionibus adiectis & munitionibus adauxit. Imperauit feliciter & magna cum laude annis quadraginta duobus. Urbem Babylonem sumptuosis ædificijs, fossis, mœnibus circumductis firmiorem reddidit. Defuncta regina matre, Ninias filius in magna tranquillitate regnauit: & fuit hoc modo apud Assy-

rios

rios fastigium orbis & monarchia multo tempore.

2085. Moritur Zara vxor Abrahami, piarum matronarum exemplum.

2192. Moritur Abraham. Mannus & Hermion principes antiquorum Germanorum florere.

2238. Iacob filius Isaac filij Abraham, cum liberis & tota familia in Aegyptum se conferunt, vbi à Pharaone Rege liberaliter excepti, Iosephi Administratoris Curæ commendantur.

Cres filius Demogorgonis primus Cretensium Rex. Cambriuius, Vandalus, Teutonus, Germanorum Reges ac principes.

2255. Moritur Iacob in Aegypto.

2309. Moritur Ioseph Iacobi filius. Ingeuō Germanorum princeps floret. Tithoës & Pelofucus fundatores & extructores Aegyptici labyrinthi in Heliopoli, vnde exemplar sumpsit eius quem in Creta fecit Dædalus. Memphis hodie Alcair, totius Aegypti metropolis, & bona pyramidum pars in Aegypto extruuntur ab Epapho qui & Pharaon dictus erat.

2371. Aaro summus sacerdos nascitur.

2373. Nascitur Moses frater Aaronis.

2453. Corinthus ædificatur. Exitus Israel de Aegypto. Decalogus Mosi per manus Dei traditur.

2462. Quinque libri Mosi conscribuntur.

Cecrops primus Atheniensium Rex, cuius etiam vrbis fundator extitit. Minos Cretensium Rex Leges condit, & moribus populos suos bonis

L

imbuat.

imbuit. Dædalus & filius eius Iacarus celebres.

2493. Moriuntur Moses & Aaron, in terrâ promissionis non ingressi vti sperabant.

2500. Magedon alius Ofyridis nouum in Aemathia regnum auspicatur.

2550. Læstrigones gigantes in Italia potentes.

2600. Allobroges populi oriuntur. Iael Sisaræ caput clauo transfigit.

2730. Iosua supremus belli dux apud Israëlitas floret.

2747. Moritur Iosua anno ætatis suæ centesimo decimo. Cadmus Thebas urbem Bæotiæ condit. Semele filia eius à Ioue compressa Bacchum parit. Idem Cadmus Græcarum etiam literarum inuentor fuisse traditur: quam tamen artem literariam à Iudæis accepit.

2756. Priamus Troianorum Rex floruit.

2769. Hæctor filius Priami, Græcorum terror.

2770. Fortiter pro patria pugnās multos Græcorum letho dat.

2776. Tandem ab Achille insidijs petitus occiditur. Qui non multo post à Paride Hæctoris fratre contra fidem datam telo petitus interijt.

2779. Troia post decennalem obsidionem tandem quocunque modo capta à Græcis funditus evertitur.

2784. Aeneas profugus in Italiam deuenit.

2785.

2785. Lauiniam filiam Latini Regis Latinorum in Italia Aeneas sibi vxorem ducit.

2786. Lauinium vrbs ab Aenēa condita.

2787. Latinorum Rex Aeneas post mortem soceri sui Latini constituitur.

2790. Ascanius Aenēæ filius post mortem patris Latinorum sceptrum capessit. Pylades & Orestes nobile amicorum par, exules circumuagantur.

Circe maga celebratissima, multorum heroum bona ingenia fascinat ac corrumpit.

Pelops peninsulam istam Græciæ, quæ postmodum ipse de nomine Peloponnesus, hodie vulgò Morea dicta, gubernat. Pan Deus Arcadiæ, numen pastorum, primus fistularum inuentor. Gedeon in sacris literis celebris, natus ex stirpe Manasses.

2691. Simson Israelitarum Iudex floret.

2814. Alba longa vrbs Latinorum extruitur.

2827. Samuel Propheta Dei in sacris literis celebris.

2882. Saulus iuuenis egregius, Israëliitarū Rex propheta vngitur.

2891. Dauid in locum Sauli Regis à Samuele eligitur.

2931. Salomon Dauidis filius, cognomento sapiens, Regi parenti succedit. templum Deo ædificat.

2960. Atlas Arcas Mauritanix Rex floret, Arronomus insignis, vnde & Cœlum à poëtis

gestasse fingitur. Acolus Rex Siciliae, nauigatoriæ artis expertissimus, ventis sua imposuit nomina; vnde & Ventorum præfectus à Dijs ordinatus fingitur.

3000. Elias propheta à Deo in Cælum raptus.

3001. Capys in Italia Capuam urbem condit.

Dido Phœnissa fratris sui Pygmalionis insidias fugiens in Africam cum appulisset, Carthaginē urbem condit.

3049. Iosaphat Israëlitarum rex. Albula Italiae fluuius postquam Tyberinus in eo submersus perierat, Tybris deinde nomen retinuit.

3109. Auentinus mons in urbe Roma celebris, ab Auentino Syluio Latinorum Rege decimo tertio nomen suum traxit.

3146. Procas Rex Auentino succedit.

3150. Ionas propheta floret.

3169. Amulius vltimus Albanorum Rex.

3188. Homerus toto Orbe celebris, floruit.

3195. Romulus & Remus nati.

3213. Vrbs Roma ab eisdem conditur.

3214. Remus à fratre suo Romulo leuem ob causam necatus. præsagium futuri belli ciuilis inter Cæsarem & Pompeium. de quo & versus ille Lucani:

Fraterno primi maduerunt sanguine muri.

3215. Romulus primus uoui huius Regni moderator, omnia ordine bono & iustitia administrat.

3251. Numa Pompilius Sabinus, vir sapiens & pacificus Romulo in Regno Romano succedit.

3255. Croton vrbs Italiae, patria robusti istius Milonis, à Miscelo conditur.

3260. Tarentum ædificatur.

3284. Habacuc propheta à Deo missus.

3288. Hesiodus poëta Græcus floruit: parochus fuit apud Heliconem montē, vbi ingens & celebre templum erat. scripta eius magna ex parte conaciones sunt de bonis moribus: continēt quoque veluti iustum & perpetuum Calendarium institutum ad cursum Solis & obseruationē illorum astrorum quæ anni discrimina ostendūt: libellus dignus est qui proponatur etiā edificandus pueris.

3295. Tullus Hostilius vir primū pacificus, tertius Romanorum Rex: strenuus deinde ac bellicosus factus ob vicinorum sociorum temerariam defectionem.

3299. Pugna in tres Horatios & tres Curiatios in qua mira Dei prouidentia vnus Horatiorum adhuc superstēs, Curiatios singulos solus interimit.

3302. Hostilius Albam euertit, ciues in Romanam ciuitatem adsciscit. Imperatorem eorum Metium qui foederis initoruptor fuerat digno supplicio afficit. dare enim voluit in eo panem do insigne documentum hominibus, quomodo proditores puniri oporteat.

3304. Fidena vrbs ab Hostilio capitur. Ieremias propheta celebris.

3325. Bon Tuscorum Rex, Bononiensis vrbs conditor.

3326. Ancus Martius Hostilio in Regno succedit.
3350. Terquinius Priscus Anci Martij in Regno Romano successor.
3352. Iudith Holoferni Imperatori militum, caput suum aufert.
3357. Hierosolymæ captæ & vastatæ: Iudæi Babylonem captiui abducti.
3363. Daniel propheta floruit.
3388. Seruius Tullus Tarquinio Prisco succedit.
3432. Tarquinius Superbus post malitiosè occisum Regem Seruium, vi Regnum capessit.
3444. Haggai & Zacharias prophetæ florent. Cyrus Persarum Rex nascitur, cuius pater Persarum princeps ex posteris Sem oriundus, mater autem è Regio Medorum Stemmata. Et scribit Herodotus, Astyagi Regi Medorum per somniū visum fuisse ex utero filię suæ vitem enasci, quæ propagatione sua totam Asiam obumbraret. conceptum hinc omen est, potentissimum quendam principem eam parituram esse. itaque cum iam nasceretur Cyrus infans, timuit Astyages, ne Regnum suum à Medis ad Persas aliquando transferretur. quamobrem præfecto aulae suæ Harpago præcipit vt exponat infantem enecandum. Cæterum cum perimendum curaret infantem Harpagus, mirabili sanè fato seruatus est. Infans pastori traditur in montem deportandus, vt ibi fame intereat. iussusque pastor est non deserere donec perierit, & renūciare istud ipsum Harpago, vt veritatem facti posset referre Regi, & curare pro dignitate regij generis sepeliendū puerum

rum. Sed quid fit? Sub idem fortè tempus quo in domum suam hunc infantem adfert pastor, mortuam prolem pepererat vxor eius: quæ vbi ex marito suo audisset exponendum hunc infantem, quem præter elegantiam formæ, regiam etiam alacritatem quandam præ se ferre agnouit; suadet ac rogat maritum vt suum hunc mortuum in viuentis illius locum supponat, sibi quæ eum tradidit pro suo educandum. monet etiam, ne eadem in regiam sobolem committat, præsertim cum ab hoc puero nihil periculi regno possit imminere, cum pro pastoris filio educatus sit habendus. adhuc & regie voluntati satisfactum esse, si audiat pro certo, puerum mortuum defunctum esse. Acquiescit pastor vxoris consilio, renunciat Harpago, puerum mortuum esse. Ille missis aliquot qui videant, curat puerum sepeliri, atque hæc omnia Regi pro certo indicantur. Interim apud pastorem alitur Cyrus: & cum paulatim succreuisset, statim regia indoles & alacritas apparuit in puero. nam magno honore & amicitia prosecuti sunt eum reliqui pueri coæquales. quin & puerorum more regnum instituit inter pueros: & si quis peccasset, hunc castigare solebat serio. Verum accidit per hanc occasionem, quod vbi nobilem quendam puerum ob peccatum verberasset fortassè durius, accusatus est apud pueri parentes, qui deinde querelam ad Regem detulerunt. Rex accersito puero atque interrogato, admiratus est grauiorem in eo constantiam & prudentiam in respon-

dendo,quàm pro pueri ætate.Percussus illicò animo , reputauit sibi tempus quo pepererat sua filia,& peruestigatis omnibus circumstantijs ætatis, temporis educationis, agnouit ex filia suū nepotem esse, quem exponendum mandauerat olim.Cognitum iam retinuit apud se aliquamdiu in aula:& cum ob singularem probitatis indolem quæ relucebat in puero, nihil sibi iam amplius timeret Astyages,remisit eum in Persiā ad parentes suos. Interim tamen ob admissum dolum grauitè infensus Rex est Harpago,quòd non perfecerat,mandatum regium in occidendo olim puero. Iubet Harpagi minorem puerū in aulam adduci: quod cū fecisset Harpagus,iussit Rex mactatum & deinde coctum Harpago nescienti edendum apponi. Cæterum cū iam satur esset,præcepit Astyages amputatum caput pedes,& manus pueri indicari coram Harpago, vt videret proprij se sui filij|carnes comedisse. Harpagus viso capite agnouit factum Regis,atq; adeò vnde eius esset occasio: sed suppresso omni dolore,pro consuetudine sua, solita Regem obseruantia & timore coluit: dissimulans interim grauissimè se aliquando per occasionem, hanc Regis tyrannidem vlturum. Ex eo enim nunquā desijt Harpagus Medorum primores ac magnates ad defectionem ad Persas sollicitare. & vt Cyrum Regem substituerent:quin & Cyro quoque hoc ipsum indicauit, hortando eum vt Regnum inuadat,neque tyrannidem inultam manere sinat,qua vsus sit Rex in vtrumque. Atque vt lateat
insti-

institutum, in lepore exeuterato epistolam occultat, eamque fido nuncio tradit ferendam Cyro in Persiam: nihilque nunciari iussit per nuncium, nisi ut Rex Cyrus ipse lepore detraheret pellem. Cyrus repertis literis & cognito consilio Harpagi, exercitum continuo parat, & proficiscitur aduersus Medos. Contra verò Astyages ad resistendum hosti copias educi iubet, quibus Harpagum Imperatorem præficit. sed is ubi ventum est ad pugnam, & se & totum exercitum suum ultro dedit Cyro. Itaque amisso Medorum regno, victus est Astyages. Cæterum seruauit eum Cyrus, & pro regia dignitate tractari iussit. Atque ita ob Regis tyrannidem Regnum Medorum ad Persas est translatum. Hanc historiam epitomes terminos prætergressus totam inserere placuit, tanquam singulare aliquod diuinæ prouidentiae, & tyrannidis ultionis exemplum.

3455. Lucretia vi doloque à Tarquinij Regis filio compressa, in testimonium innocentiae suae, ipsa sibi manus violentas infert. exemplum Christianis non imitandum.

3457. Brutus primus urbis Consul, fortiter pro patria occumbit.

3458. Horatius Cocles in ponte hostibus viriliter resistit, quo certamine etiam urbem ab incursu eorum liberat.

3459. Mutius miles Romanus Porfenniam Regem petens, Administratorem eius dum perimit propriam manum tanquam officio suo male functam in conspectu Regis exurit, Rex obsidio

ne desistit. Tarquinius itaque Rex Romanorum ob Tyrannidem, & maximè violentiam filij sui in Lucretiam commissam, vrbe pulsus, cum nullam ipsi Persenna opem amplius ferret, cum tota stirpe sua in exilio vitam finire cogitur.

3464. Cyrus secundam iam Monarchiam auspicatus, Iudæos omnes in patriam terram liberos demittit.

3478. Vrbis Roma à Coriolano graui obsidione cincta, intercessione matris Veturiæ liberatur.

3489. Trecenti sex viri Romani, qui omnes ex vna Fabiorum gente erant, vno die pro patria dimicantes pereunt.

3510. Templum Hierosolymitanum olim à Babyloniorum Rege destructum, beneficio Cyri à Iudæis denuò restauratur.

3516. Seditio magna Romæ exoritur propter Decemvirosum iniquam tyrannidem.

3690. Architas Mæchanicus insignis Tarenti floret. Sophocles poëta tragicus apud Græcos famosus. Socrates veneno necatur, vir innocentissimus.

3700. Milo Crotoniata athleta ille robustus, Thrasibulus, Conon, Lysander, Alcibiades, Themistocles apud Græcos celebres. Tertia monarchia ab Alexandro Magno inchoatur.

3701. Initium belli Punici.

3715. Poeni Marcum Regulum immani supplicio enecant.

3749. Flaminius Consul cum omnibus copijs suis ad lacum Trasimenum fusus.
3750. Quadraginta millia Romanorum ab Hannibale cæsi.
3759. Hasdrubal à Romanis cæsus ac deletus, magno cum Hannibalis detrimento.
3774. Iudas Macchabæus vir militaris apud Iudæos floret.
3791. Apelles pictor insignis, similiter & Leusippus artifex celeberrimus hoc tempore florent.
3816. P. Terentius Afer Comicorum Latinorū facile princeps Romæ viget. Nobilissimæ ac toto Gibe celebratæ vrbes Carthago & Corinthus à Romanis delentur.
3836. Romæ lege cautum erat ne quisquam vitam degeret cælebem. M. T. Cicero Arpinas nascitur cōsulibus Cepione & Quinto Serrano.
3880. Crispus Salustius magnus Ciceronis æmulus in Sabinorum Amiternis nascitur.
3903. Coniuratio Catilinæ à Cicerone consule deleta.
3909. In exilium pellitur Cicero.
3910. Magna cum gratulatione totius vrbis reuocatur.
3917. Bellum ciuile inter Cæsarem & Pompeium nratur, ex leuibus admodum causis; imò ex sola inuidia non tam Pompeij quam hominum priuatorum in Cæsarem, qui eas prouincias affectabant quas habuit Cæsar. Occasio autem belli sic cæpit: Cæsar cum in Gallia esset opta-

adhuc pacis sanciendæ conditiones non detrectaret Iulius, imò sponte etiam offerret: tamen non desijt respondere Pompeius, non recepturū se pacis leges, priusquam videret amputatum Iulij caput adferri. Id verò cū audisset Cæsar, vehementer est commotus. Et si enim iustiorē causam videbatur habere Pompeius, maiori tamen humanitate vti debuisset in tam præclarum ducem, qui pacis fœdera offerebat, & hoc solū quærebat vt tutus esset & sine periculi metu. Itaque cū vidisset Cæsar, ex necessitate sumendū esse consilium, inuasit Pompeium & prostravit eum. Pompeius in Aegyptum profugit, vbi à iuniorē Rege Aegypti, cuius ipatrem ipse in Regnum restituerat, per insidias occisus est. Postea Cæsar occupavit Asiam & Africam pariter, adeo vt in summa potentia totum Romanum Imperium solus teneret. Tanta hæc immutatio Reipub. Romanæ & calamitas ex leuissima occasione initium cepit. nam hoc bellum & superioris & inferioris ordinis hominibus luctuosum fuit. habent enim historiæ ferè 200. millia hominū cæsa esse in hoc bello ciuili.

3918. Quartam itaque & vltimam Orbis Monarchiam Cæsar inchoat. regnavit autem in pace non amplius mensibus quinque: & intra id tempus in toto Imperio Romano Annum iuxta Solis cursum curavit ordinari. adduxit etiam ex Aegypto Mathematicum insignem, & primus autor fuit vt disciplinæ Mathematicæ in Italia colerentur.

3922. Idibus Martijs à Cassio & Bruto, eorum-
que complicitibus in Senatu viginti quatuor vul-
neribus confossus Cæsar exspiravit. Interfecto-
res autem hi omnes, licet Pompeij partes se-
cuti fuissent, post partam victoriam à Cæsare ni-
hilominus in gratiam recepti, pristina libertati
restituiebantur; retinere autem Cæsar Dictaturā
sibi maluit, vt ab omni dolo & perfidia tutior
esse posset.

3923. P. Ovidius Naso Sulmoni in Pelignis Ita-
lia territorio nascitur, omnium poëtarum inge-
niosissimus, ita vt ingenio perierit Naso poeta
suo. Cicero ab Antonio interficitur.

3933. Filius Ciceronis Oratoris Consul desig-
natus.

3935. Antonius ab Octauio Augusto cæsus, fu-
gæ consulit. Cleopatra ne in Romanorum per-
ueniat manus, serpentum morfu seipsam ene-
cat. Pomponius Atticus vir doctissimus, Cice-
roni amicissimus, obit.

3947. Doctissimus poëtarum Virgilius mori-
tur, cuius ossa Neapoli condita requiescunt.

Lollius magno militum apparatu contra Saxo-
nes missus, cum omnibus copijs in Germania cē-
ditur. DOMINVS NOSTER IESVS CHRI-
STVS TOTIVS MVNDI CONDITOR
AC FVTVRVS REDEM TOR vigesimo quin-
to Decembris die nascitur in ciuitate Bethlehē,
ex yirgine cui nomen erat Maria, ex stirpe Dau-
dis regis.

ANNI

ANNI POST CHRISTVM
natum.

1. Octauo ætatis suæ die, id est, Calendis Ianuarijs Iesus secundum ritum Legis circumciditur.
2. Herodes infantulos omnes Bethlemiticos, & in omnibus eorum finibus per satellites suos occidi procurat, quotquot eorum essent bimuli aut minores, iuxta tempus quod exactè cognouerat ex magis.
11. Essæorum secta hoc tempore admodum apud Iudæos celebris existerat.
12. Quintilius Varus ab Harminio cæsus, Duce Saxoniz & principe Cheruscorum. præsidia enim Romanorum Coloniz collocata in VVestphaliam & Saxoniam impetum fecerunt: erantque Cherusci Hercyniæ Sylvæ incolæ, ab ea parte quæ infrà circa Visurgim ad urbem Bremam vsque tendit. Hermannus autem (qui in historijs Harminius dicitur) præter expectationem oppressit Romanos, & fudit eorum circa 21. millia: præterea ingentes copias sociorum pop. Romani, qui tum militiam cum Germanis exercebāt. Quintilius Varus Dux Romani exercitus sibi gladio mortem consciuit. De pugna commissa exactè Tacitus scripsit, nimirum inter Lupiam & Amisiam fluuios: hoc est, sub Cassella oppido, non longè ab urbe VVestphaliz Paterborna. sic enim inquit Tacitus: Quantumque Amisiam & Lupiam amnes inter, vastatum haud procul Teutoburgiensi saltu, in quo reliquæ Vari legio-

legionumque insepultæ dicebantur. Porro ea strages non minorem metum atque terrorem inculsit pop. Romano, quàm cum Cimbri Italiã depopulabantur. etenim timebant Romani ne Harminius armata manu Imperium Romanum inuaderet & Romam vsque perueniret. Augustus periculi magnitudine adeo angebatur vt mandaret omnes vbique in armis esse. Lachrymans etiam & magno eiulatu sæpe clamasse, fertur: Quintili redde legiones.

17. Claudius Tiberius Cæsar Augusto succedit. Titus Liuius historicus vita fungitur. Ioannes Euangelista à Christo vocatus.

22. Ovidius Naso miserè in exilio moritur.

26. Pilatus Iudææ præficitur.

30. Christus in Iordane baptizatur, atque inde prædicandi Euangelij munus aggreditur.

31. Lucanus poëta Cordubæ in Hispania nascitur.

32. Ioannes Baptista ab Herode capitur & porro capite truncatur.

33. aut 34. Christus per inuidiam & odium Sacerdotum capitur, & Pilato præfidi crucifigendus traditur. varijs itaque prius tormentis agitatus, tandem in Cruce vitam finit. cui morti etiã si subducere se facilè potuisset, innocenter tamen eam perpeti maluit, vt nos à seверо Dei iudicio quod omnes manebat, hac ratione eximeret. Tertia autem die à mortuis resurgit. post dies autẽ quadraginta in Coelum, vnde prius venerat, ascendit; mandatum Apostolis suis relinquens vt
per

per vniuersum Orbem Euangelium illud prædicent: id quod auspiciantur statim à die Pentecostes, quando Spiritum sanctum è Coelo acceperunt.

35. Stephanus diaconus Ecclesiæ, lapidibus à Iudæis obruitur. eodem anno Paulus ad fidem conuertitur.

38. C. Caligula Imperator Romanorum quartus eligitur.

55. Mero priuignus Claudij Cæsaris sextus Ro. Imperator eligitur. his primis quatuor aut quinque Imperij sui annis honestam egit vitam: postea verò omni flagitiorum genere se contaminat. deficientibus igitur ab eo præfectis suis cum quæreretur à Senatu ad supplicium, fugiens se ipsum interficit.

67. Sanctus Marcus Alexandria præsul in carcere vitam finit, succedente sibi Aniano.

74. Titus Vespasiani Imp. filius, postquam urbem Hierosolymitanam mense Aprili cum Pascha celebraretur, obsidione cinxisset, mense Septembri eam capit, diripit atque exurit. Interea autem temporis tanta calamitas fuit in vrbe præfame, seditionibus, & intestinis cædibus, quanta nunquam vlla in ciuitate fuisse legitur.

81. Prædictus Titus vndecimus Rom. Imperator eligitur, vir omni heroicarum virtutum genere præditus. Sub hoc Imperatore S. Lucas in Aithynia moritur. S. Bartholomæus in India, Matthias in Iudæa, Andreas in Scythia, Matthæus in Aethiopia, Thomas in Bragmania coronam

martyrij pro magistro suo nanciscuntur.

Ebionitæ à quodam Ebione facundo viro orti, Christum ex viro & muliere purum hominẽ natum docent: legem Mosaicam necessario seruandam esse statuunt.

83. Domitianus Rom. Imp. eligitur.

S. Ioannes in Patmon insulam relegatus Apocalypsin videt.

98. Nerva Rom. Imp. electus adoptauit Troianum, qui tum in Germania duxerat apud Colonienfes.

99. Traianus Rom. Imp. electus, probitate addè spectata fuit, vt postea semper quoties Imperator designaretur, publicis votis optari solet, vt foelicitate Augustum, & probitate Traianum adæquaret. Nunquam amplius patuit Ro. Imperium atque Traiani temporibus; & præter exempla Cæsarum reliquorum, vnus latissimæ Orientales regiones occupauit.

100. Martialis poëta festiuus, Plinius, similiter & Silius Italicus poeta floruerunt.

Ioannes Apostolus qui pulsus erat à Domitiano, Ephesum redijt ex Patmo insula.

Terræmotus quatuor vrbes Asiæ, tres Galatię, & duas Græciæ subuertit.

Philo Iudæus Alexandrinus, illustris habetur.

S. Simo consobrinus Iesu præsul Hierosolymitanus. anno ætatis suæ 120. martyr fit.

119. Aelius Adrianus Rom. Imp. electus: adoptatus olim à Traiano, princeps magnæ prudentiæ, & Astronomiæ peritissimus. indoctos literarum

rum professores exauctorauit, sed suis beneficijs aluit interim ne egerent, & eruditos ac vtilis ad docendum in locum eorum suffecit.

Ptolemæus insignis Mathematicus, & Phauorinus philosophus florent.

Eos subsecuti Suetonius, Aulus Gellius, & Plutarchus Cheroneus.

Xistus Papa instituit, ne sacra vasa à prophanis attingerentur: ne Episcopi à Pontifice vocati reciperentur à suis, nisi literas secū ferrent pontificias.

140. Antoninus Imper. adoptatus ab Adriano Cæsar eligitur. vir tantæ modestiæ, vt vnum ciuem seruare laudabilius semper duxerit, quàm mille hostes interimere.

Aegesippus historiam Ecclesiasticam conscripsit. Nec dum Christiani conuenire, & publicitus religionis controuersias componere ausi fuerunt.

163. Alcibiades dum solo pane & aqua viuere volebat, ab Attalo martyre castigatus, ad viam redijt, creaturisq; Dei vsus est.

194. Aelius Pertinax 19. Imp. iam septuagenarius creatus, bene regnauit menses sex. cōfossus est à Iuliano, qui Cælareum nomen à militibus erit. Didius Iulianus 20. Imp. regnauit menses septē. Iuris doctissimus fuit. occisus est à Seuerō.

195. Seuerus 25. Imp. sublato Pescennio Nigro, Imperium occupat: & varijs periculis collapsū Imperium restāurat. His temporibus Crigenes fuit, qui Alexandriæ sacras literas professus est:

cu'us libri postea reiecti sunt, quòd disputationes inutiles, & allegorias superuacaneas inuexerit. Postea receptum est vulgò philosophiam Platonis sacris literis immiscere; vnde plurima incommoda in Ecclesiam irrepserunt. 213. Antoninus Bassianus Caracalla 22. Cæsar, fratrem Germanum suum Getam in sinu matris occidit: nouerçæ suæ coniugio copulatus est. Postulauit à Papiniano Iurisconsulto, vt parricidium in fratrem admissum excusaret: ad quod responsum à Papiniano est, Non tam facile esse defendere parricidium, atque perpetrare. quam obrem ab Imperatore interfectus.

220. Opilius Macrinus 23. Imp. vnà cum filio Diadumeno regnauit non amplius vnum annũ, menses duos. vterque obtruncatus periit.

221. Marcus Aurelius Antoninus Heliogabalus 22. Imp. regnauit annos quatuor. nullam de se nisi fœdissimæ bestiæ memoriam relinquens.

225. Alexander Seuerus 25. Imp. regnauit annos 13. clementissimè. in rebus omnibus vnus Vlpiani Iurisconsulti vtens consilio. Tertullianus Apher illustris habetur. Origenes Alexandrinæ Ecclesiæ doctõr, & successor Clementis constituitur.

237. Maximinus 26. Imp. regnauit an. 3. cùm iuuenis esset, in Thracia pater fuerat, postea militiam secutus est: & ob inusitatam magnitudinem corporis, quam cum singulari audacia coniunctam habuit, cò sensim progressus est, vt Cæsar ab exercitu sine omni autoritate Senatus electus

Etus sit. Ammonius philosophus pius Alexandrie floret.

241. Gordianus iam octogenarius 27. Imperator: regnavit vñ cum filijs annos sex. hoc Gordiano Imperatore facto, tantæ magnitudinis Eclipse Solis contigit. vt interea dum duraret, luminibus incensis vti necesse fuerit. quin etiam terræ motus fuerunt, quibus perierunt & vrbes nonnullæ.

247. Philippus 28. Cæsar, regnavit annos 5. genere Arabs erant, & multis annis exercitui præerat.

252. T. Decius 29. Imp. interfectis Philippis regnavit annos 2. Fabianum Pontificem, & Cyprianum in Africa, multosque alios sanctos viros mortē affecit.

271. Flavius Claudius occiso Galieno Mediolani Imperator 32. eligitur. Sub hoc S. Laurentius diaconus, Claudius, Seuerus. Crescentius, Hippolytus, & Romanus martyribus adduntur.

310. Constantinus cognomine Magnus, Constantij filius, cum Maxentio & Maximino Cæsar quadagesimus. restituit in quietem & tranquillitatem pristinum imperium. nam cum crudeliter tyrannidem exercuisset Romæ Maxentius, victus Constantino in Tybri fluuio submersus est inter fugiendum. Effecit vt Nicænum Conciliū cogeretur, vt hoc modo suis temporibus Ecclesiæ statum tranquillum redderet. præterea & eleemosynas & beneficia contulit ad doctrinæ Evangelicæ & ministrorum Ecclesiæ conserua-

tionem. Constantinopolis vrbs ab hoc Cæsare edificata, & ab eo nomen habet: cum antea eodē in loco vrbs mercimoniorum frequentia insignis Bizantium diceretur. Constantinopolim postea Imperij sedes translata est. Hoc tempore vixit Arrius hæreticus: Professor erat in schola Alexandrina apud Aegyptios: doctrina eius in Concilio Nicæo damnata est.

S. Athanasius floruit.

Helena mater Constantini Magni Crucem Domini inuenit.

365. Iulianus Apostata à Constantio Cæsare adoptatus, Imperator 42. creatus. hic etiam scriptis editis fidem Christianam oppugnauit. aduersus ea Cyrillus scripsit diligenter: cuius liber etiamnum in oppido Phorzensi inter Ioannis Reuchlini monumenta reperitur. Respondit & Nazianzenus Iuliano, sed parum fortiter: nam non satis efficax erat ad eas calumnias diluendas, quibus in Euangelio confutando vsus est Iulianus.

395. Theodosius Cæsar 48. cum Arcadio & Honorio filijs imperat. genere Hispanus fuit, totūque Imperium pacatum reddidit à Germania vsque in Aegyptum.

398. Arcadius Theodosij filius 49. Cæsar, annis imperauit 13. S. Martinus Episcopus anno ætatis suæ 81. obiit, Episcopatus verò sui 26.

S. Augustinus ornamentum Ecclesiæ, Ambrosij discipulus, ordinatur Episcopus Hipponēsis. hic collegia doctorum virorum (quibus Monachi

chi succelsere instituit. Vigilantius Gallus præful Hispanus, sanctos venerandos esse negat: diuitias paupertati præferendas esse docet.

Ioannes Chryſoſtomus Episcopuſ Conſtanti-
nopolitanuſ doctiſſimuſ, illuſtriſ habetur.

411. Honoriuſ 50. Imperator.

Theophiluſ Alexandrinuſ cum alijs quibuſ-
dam Episcopis Conſtantinopoli ſynodum cele-
brant, Chryſoſtomum ſede deturbant, qui mori-
tur Cumanis Euxini ponti.

456. Venit ex Aphrica Romam Genſerichuſ
Vandaluſ, & ſœdiſſimè vaſtauit urbem.

460. Leo primuſ huiuſ nominis Oriētis Imp.
53. imperauit annos 16. Condita eſt hoc teinpo-
re Venetia in inſulis Maris Adriatici, quò optimi
quique ex Italia metu Attilæ confugerunt.

Prudentiuſ & Seduliuſ Chriſtiani poetę illu-
ſtreſ habentur. Odoacer cum Heruliſ & Tu-
ringiſ Italiam intrat, Imperatoreſ vincit, terram
occupat.

547. Totilaſ Gotthoruſ Rex bellicoſuſ ad
Placentiam Romanos vincit, omnia ſigna mili-
taria capit, Romam occupat, Brutioſ & Lucanoſ
ſubigit. Eruli Iſtrum incolenteſ Chriſtiani fi-
unt, accepta ob id ab Imperatore pecunia.

S. Brigitta Scotica multoruſ cœnobioruſ
fundatrix claret.

640. Rothariſ Longobardoruſ Rex in Aria-
nam ſectam prolapſuſ, in ſinguliſ ſuiſ ciuitati-
buſ Arianuſ & Catholicuſ Episcopuſ haberi
præcipit.

Anno Mundi 4590. Romæ 1382. Christi 630. Heraclij Imp. 15. Mahumetes in Arabia apud Agarenos qui hodie Saraceni dici volunt, prophetam se venditavit, & Regem pariter: idque ex hac occasione. Agareni in ingressu Arabiæ habitantes, semper prædationi & militiæ exercendæ dediti fuerunt. Iam verò concitati Persarum bellis stipendia meruerant sub Heraclio. & cum renunciatum esset per præfectos Cæsares, non expectandam amplius esse spem stipendiorum, seditionem mouerunt aduersus duces Romanos. Porro occasione huius tumultus publici, potentia Mahumetis crescere cœpit. Quando enim rectore carere non potuit vulgus facillè adhæreret Mahumeti, qui reliquos omnes & propter opû magnitudinem, & propter alias seculares virtutes facillè antecellebat. Cæterùm vt facilius in ynum aliquem & certum ordinem redigeret mores populi, statuit non modò in ciuilibus rebus certas leges condere: sed ad vnâ aliquam & nouam formam religionis animos vulgi alligare, quò rectiùs in officio omnes continentur, neque exoriri posset dissensionis alicuius occasio. videbat enim varias & dissentientes passim esse opiniones de Religionis doctrina. Vnde mutant hominum mentes, faciliùs Religionis formâ à Mahumete præscriptam arripiunt, in qua summa illa fidei capita de Christo prætermittebantur; idque propterea, ne fidei doctrina porro in ambiguas disputationes vocaretur: sed posita tantum in rationis captu, præciperet de ciuilitate mo-

te morum, & ratione rectè viuendi. Id verò plau-
sibile cùm multis esset, amplexi sunt doctrinam
eam permulti Iudæorum, Gentilium, Arriano-
rum, & Christianæ religionis apostatarum. at-
que ita homines dispari genere, dissimili lingua
alius alio more viuentes, incredibile est memo-
ratu quàm facilè coaluerint & creuerint poten-
tia ad fortiter Romanis resistendum. Primùm e-
nim coeperunt Arabiam & Syriæ partem subi-
gere; nam Damasci regia Mahumetis erat: postea
in Aegypto potentes facti sunt. Saraceni reg-
num dictum erat prius hoc regnum Mahumetis
nam etsi erat Agarenius natione, tamen non sine
magna causa mutauit nomen hoc; quòd promif-
sio in Scripturis ad Abrahamæ filios ex Sara prog-
natos pertinebat, & non ad Agar, ex qua nati e-
rant Agareni. Cæterùm cùm prætexeret Mahu-
metes populum suum Deo 'gratum esse, atque
ad eò ad quem pertineret benedictionis promif-
sio, vt dominarentur in toto Orbe (carnaliter e-
nim interpretabatur omnes promissiones Scri-
pturarum) immutato vocabulo de industria po-
pulum suum Saracenos appellauit. Sunt autem
hi Saraceni potentes non in Asia solùm sed in
Africa quoque facti: inde & in Hispaniam pro-
fecti, eius quoque magnam partem diu tenuerunt.
Italiam etiam sæpè per incurSIONem in-
gressi sunt.

657. Vitalianus Papa, natione Campanus Eu-
genio succedit. is musicus insignis templis can-
tum instrumentalem, figuralem, & organa in-

roduxit. Rex Persarum cum vxore Casarea, & 40000. hominum, Constantinopolim proficiscentes baptizantur. S. Iodocus eremita filius regis Britannia insignis habetur.

670. Constantinus 4. Imperator 66. electus.

Beda Venerabilis in Anglia florens, Græcè & Latinè doctus, Scripturam interpretatur.

719. Leo 3. Mauricus Imperator 73. electus. Sub hoc Constantinopolis vrbs octo annorum spatio obsidionem passa est à Saracenis: qui propter famis & pestilentia magnitudinem summa calamitate pressi sunt in eadem obsidione. à Bulgaris tamen qui Cæsari opem ferebant, cessi sunt: præterea quoque naues Saracenorum igne peculiari arte facto sub aquis incensæ conflagrarunt.

D. Bonifacius in Germania Euangelium prædicat.

GERMANI CAESARES.

A N N O Mundi 4762. Romæ 1554. Christi 801. Carolus Magnus Romæ ipso die natalis Domini, imperatorio diademate cinctus est à Leone 3. Pontifice. Initium hoc est translati Imperij ad Germanos: ex translatione hac Italiae & Occidentali regno potissimum caput & firmis. præsidium contigit. Caroli Magni parentes Germani principes, & curia præfecti, adeoque primarij gubernatores apud reges Fræcorum fuerunt: & officij delegatione Maiores domus tum dicti sunt. Id quoque fertur, hæreditarium

tarium eorum Ducatum & primum Dominium fuisse, vbi nunc Comitatus Palatinus est circa Rhenum fluuium. Certum enim est primum Palatini stemmatis ortum ex Caroli posteris fuisse. tandem verò cùm Regia Francorum progenies indies decresceret, hi autem principes potentiores fierent, factum est, consentiente summo Pontifice, vt Regni administratio ad hos principes transferretur. Pipino patre mortuo, Francorum Regno præfuit Carolus Magnus cognominatus, annos 32. ante adeptum Imperium: & postea Imperator factus regnavit annos 14. itaque in Regno & Imperio dominatus est 46. annos. natus autem est in Ingelheim, in Comitatu Palatino, non procul à Moguntia vrbe.

815. Ludouicus Pius Caroli filius Imperium auspicatur. Dania & Suetia sub Rege Hunoldo ad fidem Christi conuertuntur. Rabanus Fuldenfis Abbas, postea verò Episcopus Moguntinensis floret.

856. Ludouicus 2. quartus Germanorum Imp.

Ioannes Scotus, alter à doctore subtili, monachus Benedictinus, iussu Caroli Gallorū Regis, Dionysij Hierarchiam ex Græco in Latinū vertit.

903. Edouardus Anglorum Rex expulsis Dacis, Orientalium Anglorū regno potitus, extra Scotiam, totius insulæ Britannicæ imperiū obtinet.

920. Henricus Auceps nouus Ger. Imp. electus.

987. Conc. Remense celebratur contra Ludouicū Gallia Regē, Caroli Magni stirpis vltimū. Inde stemma Franciæ ad Hugonem Capetū delatū,

qui

qui primus Gallus Gallorum rex electus est anno 988. præfuitque rebus vi & armis annos 9. neque diademate neque insignibus regijs usus.

DE ORIGINE ET INSTITVTIONE

Principum Electorum in Germania.

ANNO Christi 1002. vel circiter. Otho 3. Imp. iam natus annos 28. cum ea esset ingenij promptitudine præditus, vt ob singularem prudentiam vulgò appellaretur mirabile Mundi; & cognita iam essent Saxonibus fallaces Gallorum technæ, animaduersumque esset, ingentes & periculosos motus & contra Cæsares & alioqui in Repub. excitari per Rom. Pontifices, Brunonem Saxonem cognatum suum Pontificem creauit, in ordine 145. qui post adeptum papatum Gregorius 5. est appellatus. ab hoc coronam Imperij accepit Otho 3. Verum ubi consideraret sapientissimus Cæsar perpetuò æstare Gallos & Italos transferendæ Imperialis maiestatis cupiditate à Germanis, & inter Germanos quoque propter electionem nunquā dissensiones defuisse apud maiores suos; interim tamen tam potentem Monarchiam imprimis necessariam Christiano orbi ad tutandum Ecclesiæ ac Reipublicę statum in Europa; verum hanc ipsam monarchiam stabilem permanere non posse, nisi & peculiaris cuiusdam, & potentissimæ nationis subsidio perpetuò firmata consisteret: tandem suffragatione & ope Pontificis

Græ.

Gregorij (qui quia Germanus erat adeoque Saxonicus sanguinis, in re tam necessario facilè annuit) tulit sanctionem principum Electorum in deligendo Cæsare. Atque vt concordia seruaretur in electione, religionis causa, inter sacri ordinis præsules & principes reliquos, delegata est ea autoritas constituendi Romanum Cæsarem septem Germaniæ primarijs principibus, Moguntino, Coloniensi, & Treuirensi Archiepiscopis. Additi his sunt, princeps Bohemiæ (tum enim Regni dignitatem Bohemia non habebat) Comes Palatinus Rheni, Dux Saxoniae, & Marchio Brandenburgensis. Hic mirum videri potest, qua de causa tam sublimis dignitas commissa non sit principibus alijs, qui tum temporis multò potentiores fuerunt, vt potè Bauariæ, Sueuorum & Francorum ducibus, & præsertim Bauariæ Duci, qui præter alios proximus tum erat cognatus Othonis, & amplitudine ditionis potentissimus; nam Bauariam & Austriam vsque ad Aquilegiam subiectam habebat, quam Henricus Othonis primi frater vicerat. Quin & Sueuorum Dux affinitate proximus erat Othoni Cæsari. Etenim Sueuiæ dux Hermannus sub Othone primo, cum non haberet hæredem masculum, tradidit in matrimonium filiam suam Ludolpho primi Othonis filio, aduersus quem bellum gesserat Otho pater. porro ab hoc Ludolpho Sueuorum duces ortum habent. Sed videtur Bohemia propter situs conuenientiam, ad quod natura sit munita, in ius Electionis venisse. Saxonibus

nibus Saxonici sanguinis princeps Otho meritò cum honorem detulit: nam & potentia alioqui tum longè maximus fuit Ducatus Saxonicus.

Brandenburgum tenuerunt tunc Saxonici quoque principes, cognati Cæsaris, & facilis coniectura est, fuisse Othonem impensius hisce regionibus quàm Ducatibus reliquis. Palatinatui videtur contigisse hanc prærogatiuam, ut is honos haberetur Caroli posteris: erant enim Palatini Comites ex genere Caroli Magni. Constituta hac ordinatione, Itali varios tumultus concitarunt aduersus Othonem 3. Studebant enim sub inde notis rebus contra Cæsares, neque vnquam materia tumultuum deerat. Expulso itaque per seditionem Gregorio (cùm absens in Germania esset Otho) suffecerunt in eius locum Ioannem quendam Placentinum, hoc nomine 17. in ordine 146. Sed magna vi reuersus Romam Otho restituit Gregorium 5. cognatum suum: & Ioanem effossis prius oculis, & pontificatu malè usurpato & vita priuauit. Verùm cùm Romæ diu tutus in tot insidijs esse non posset, dum proficiscitur in Germaniam, missio per insidias veneno à Crescentij vxore necatus est, anno æt: suæ 30. & sepultus Augustæ.

1057. Henricus 4. Imp. Germ. 16. electus. contra hunc à Pontifice Romano eligitur Rudolphus Sueuiæ Dux in Phorcensi oppido, idque sub annum Christi 1077. Rudolpho missa est à Pontifice corona, cui versiculus hic inscriptus erat:
Petr. i. dedit Petro, Petrus di. adenja Rudolpho.

1080. Post varia commissa prælia nouissimè pugnat Henricus cōtra Rudolphum apud Mersburgum, & in ipso conflictu dextera manus Rudolpho amputatur. profugientibus iam in urbem Mersburgum omnibus, Rudolpho in lecto decumbenti, circumstantibus iam Episcopis, manus allata est: quam ubi vidisset. En(inquit) domini mei Episcopi, hæc manus est quæ domino meo Henrico Cæsari fidem confirmari: ipsi vos nunc expendite, quàm piè consulueritis mihi ut ab eo deficerem.

1096. Godefridus Bulonius Lotharingæ princeps innumerabili comitatus exercitu, terram Sanctam inuadit.

1099. Godefridus die 39. obsidionis potitus est vrbe Hierosolymitana, expulsis ibi Turcis ac Saracenis. Rex autem ibidem cū creatus esset, coronari diademate aureo recusauit, quòd Christo eo in loco ex spinis contexta corona olim imposita fuisset.

1152. Fridericus Barbarossa Germ. Imp. 20. electus, ex inclyta Sueuorum domo progenitus.

VValdenses seu pauperes de Lugduno circa hæc tempora doctrinas varias seminant. hi iuramentum negant, & omnes orandi formulas præter orationem Dominicā superfluas existimant. præterea omnes sanctiones Rom. Ecclesiæ ut inutiles & superstitiosas tollunt.

Guilhelmus Aquitanix dux triplici catena cinctus Hierosolymam, Romam, & S. Iacobum petens, iuncta dedit ordini Eremitarum.

Petrus

Petrus Longobardus Parisiensis quatuor libros Sententiarum edit.

Petrus Comestor Scholasticam historiã conscribit.

1216. Clara virgo suum ordinem auspicatur, qui Minoritis subijcitur.

1225. Dominicus vir doctus & bonus Prædicatorum ordinem instituit sub regula B. Augustini, vt & mendicantes Eremitæ & Carmelitæ fuerent.

1227. S. Ludouicus in Gallia Rex illustris habetur.

Antonius discipulus S. Francisci claret.

Ioannes de Sacrobusto mathematicus Parisijs floret.

Accursius Florentinus Iuris interpres doctissimus agnoscitur.

Iordanes theologus Dominicanis silentium mensæ instituit.

Helias, Ioannes, & Albertus, armis inter se decertant pro successione S. Francisci in Abbacia.

Vincentius historicus prædiator insignis habetur.

Petrus martyr concionator vehemens agnoscitur.

1276. S. Bonaventura ordinem D. Francisci instaurat, libros sententiarum explicat.

1294. Cœlestinus 5. Eserniensis, anachoreta professione, Pont. Maximus creatur. Hic vir fuit pius & simplex, successoris sui Bonifacii 8. fallacia post sextum dignitatis mensem se Pontificatu

tu abdicans, & ad eremiticam vitam rediens, ex itinere à Bonifacio retractus, carceri includitur, vbi dolore animi ante tempus moritur, anno vno, mense 5. post initum pontificatum.

Circa hæc tempora Dantes Atigerius poeta Beatricem Florentiæ versibus celebrat.

1300. Temporibus Alberti Austriaci, genus Otomanni (qui filius erat Zichi cuiusdam tenui conditione hominis) apud Turcas potentia, & æstimatione excrefcere cœpit: ex cuius sanguine Turcici illi Imperatores qui etiamnum sceptro potiuntur originem ducunt. regnavit annos 25. & defunctus est anno 1328. sub Benedicto vndecimo.

1305. Pontifex patrum decreto Templariorum ordinem destruit, quòd ad Saracenos defecisse dicerentur, eorumque bona Rhodijs militibus concessit.

1350. Ordo militum D. Georgij siue Garteriorum, qui periscelidum insigne ferunt, in Anglia instituitur.

Ioannes VViclefius in Anglia contra Ecclesiam Rom. docet.

1360. Baldus Iurisconsultissimus Perusij illustris habetur.

Maximus Planudes monachus agnoscitur.

Bononia in potestatem Pontificis peruenit.

S. Brigida mulier deuotissima Suetiæ princeps cum quatuor filijs & totidem filiabus in Ecclesia lucent.

Catharina Senensis à monachis prædicatorum colitur.

1407. Ordo S. Hieronymi circa hæc tempora instituitur.

1410. Ordo Scopetinorum incipit.

Laurentius Valla circum hæc tempora docet, Pontificem nullum ius aut munus Imperij habere. Ioannes Gerson theologus claret.

Poggius Florentinus agnoscitur.

1414. In initio sui Imperij Sigismundus Cæsar in Italiam transcendit, ac consultauit cum Pontifice Ioanne de publico Concilio cogendo, schismatis tollendi causa, ipse quoque ad Gallorum regē profectus est, & cum eo egit vt in conuocanda synodo consentiret. Proinde suffragatione Ioannis papæ, Cæsaris, ad hæc Franciæ, Hispaniæ, & Angliæ Regum, Constantiense Concilium inchoatum est anno 1414. in eo de Ioanne Hussio tractatum est, & damnato eius dogmate, vnà cum Hieronymo Pragensi est exustus extra urbem Constantiensem.

1430. Crebræ & ingentes expeditiones in Bohemiam adornatæ sunt aduersus Hussitas, quorum Dux Equestris quidam ordinis vir zisca erat. hi mortem Hussi vindicare volentes templa simul & vrbes Pontificiorum diripiunt, nec vlli Clericorum parcunt. Ingens clades vtriusque commissâ est in Bohemos & Germanos qui contra eos profecti erant. neque tamen hoc modo incendium restinctum est. Narratur de Sigismundo historiola festiua: Ministrum familiarem habuit multis annis. in quem parum fuerat liberalis, quanquâ interim munificentiâ & largiendo cla-

clarissimus erat princeps id quod Leonardus Aretinus scribit, qui viderat Sigismundum Cæsarem, & Pontificis nomine multas coram eo causas egerat. Porro accidit ut cum amnem esset ingressus, equus ipsius meieret: quod ubi vidisset minister, qui propè antecessit Cæsarem, per iocum inquit: equi eandem esse naturam quam & dominus haberet. atque audiens hoc ipsum per occasionem Cæsar mirabatur, iubebatque indicari hoc dictum. Respondit minister: In amnem urinam spargere equum, ubi iam ante humoris satis esset (sic & erga illos beneficium esse Cæsarem, quibus iam antea opes affluerent satis, nec haberent illis admodum opus: Animaduertit Imperator Sigismundus, perstringi se modeste, quod in ministrum tam veteranum nihil beneficij peculiaris aut eximij contulisset: & subiecit. nunquam quidem sibi benemerendi voluntatem defuisse, sed principum dona non illorum esse propriè qui ea mererentur, sed quibus fato destinata essent: & id re comprobaturum se dixit, quum primùm ot. j & quietis occasio tantisper daretur. Postea otium nactus, pyxides duas parari iussit magnitudinis & formæ eiusdem: in vnâ aurum, in alterâ plumbū ponit, pondere eodē: & ministro aduocato, præcipit ut alterâ harū deligat. Consternatus minister librando modò hanc modò alterâ pyxidem tollit, nesciens utrâ debeat potissimum eligere. tandem eam aufert pyxidem quæ plumbū continebat: quod ubi conspexisset ille, iā reclusa pyxide, aiebat Cæsar, videri

uemus, & ciuilibus magis ac intestinis bellis delectamur.

1459. Conradus Celtes poetarum ex Germanis primus nascitur.

1486. Hermolaus Barbarus, Angelus politianus & Ioannes Picus Mirandula, Iouianus Pontanus, Philippus Beroaldus, circa hæc tempora florent, & paulò post Raphael Volaterranus, & Georgius Valla Placentinus.

1494. Maximilianus Cæsar Imperium suum auspicatus est.

1501. Crucis imagines vestibus hominum inciderunt passim in Germania. verùm simile quidem iam sæpè antea factum erat.

1510. Quatuor monachi prædicatorum simplici fraterculo summa calliditate stigmata sanctitatis infigentes ad Franciscanorum contumeliã, dolo detecto, comburuntur Bernæ in Heluetia.

Ioannes Reuchlinus Capnion Theologus Hebraicas literas in Germania docet.

1517. Remissio & venia scelerum omnium indulta à Leone Pontifice per vniuersam Christianorum ditionem, ijs qui aut nomina darent, aut bona sua erogarent in expeditionem Turcicam: quæ Cruciada vocitata est.

Hoc tempore Martinus Lutherus Saxo, ordinis D. Augustini, primùm aduersus Indulgentias Pontificis scripsit, mox etiam maiora ausus: unde non pauci nec parui tumultus in Germania orti sunt. quare ipse cum suis sequacibus à Ro. Pontifice hæreseos damnantur. anno 1518. & 1520.

Huldrichus Huttenus eques Germanus eruditione innotescit.

1519. Carolus 5. Maximiliani Cæsaris nepos, Hispaniæ Rex, princeps Austriæ & Burgundiæ, Cæsar Germanus ab Electoribus designatur. Mittitur ad annunciandam hanc electionem Carolo Fridericus Comes Palatinus in Hispanias. Itaque sequenti statim anno appulit in Germaniâ Carolus, & imperiali corona Aquiligrani exornatus est.

1521. Turca Belgradum (quæ est Alba Græca) in Hungaria propugnaculum Christianorum expugnauit.

Eduardus Dux Buchyngamiæ in Anglia capite damnatur, 11. Cal, Maij.

Hoc anno cum latè serperet per Germaniam doctrina Lutheri, atque adeò in Anglia per multorum capita grassaretur, rex Henricus 8. in fidei Catholicæ & sacramentorum assertionem præclarum volumen edidit: quod cum Leo papa in Cardinalium suorum coetu perlegisset, approbato collaudatoque catholici regis iudicio, Regem ipsum posterofque ad perpetuam pij instituti memoriam, Fidei defensoris titulo insigniuit.

1522, Leo Papa moritur.

Adrianus 6. Germanus, Ultraiectinus, præceptor Caroli Imperatoris, moderatæ vitæ homo, in eius locum sufficitur.

1524. Franciscus Rex Galliæ apud Papiam in Longobardia à Cæsarianis militibus in conflictu

ſtu captus eſt, & poſtea in Hiſpanias perductus: quem Cæſar anno proximo in Galliam remittit duobus regis filijs natu maioribus obſidibus receptis. Duces. iſtius prælij fuere Nicolaus Comes Salmenſis, Georgius Fronbergius Eques, Marcus Sittich Dux Borbonenſis qui à Gallo ad Cæſarem prius defecerat, Marchio Pilquerranus.

1525. In Germania horribiles & ante nunquam auditi motus à ſeruis ruſticis in Aſſatia, Suenia, Francia, Thuringia, & in illis terris quæ ad Rhenum ſitæ ſunt, excitabantur. motus hi magna vi & armis ægrè compoſiti ſunt: aded vt intra menſes ſaltem tres, ſupra centena ruſticorum millia in conſpectu occubuerint, non aliter atque pecora trucidati.

A Solymanno Turca cæſus eſt Ludouicus Húngariæ Rex, Buda direpta, & Hungaria ferè tota igne & ferro vaſtata.

1527. A Duce Borbonenſi Cæſarianus miles Romanus perductus eſt, vrbs obſeſſa & capta ac direpta.

Dux Burbonius in oppugnatione ſclopoperuſſus interiit.

Pontifex obſidionis neceſſitate coactus, in Angelica arte captum ſe dedit Cæſarianis; ſed eum pro ſingulari clementia ſua liberum dimiſit Cæſar, ac priſtiinæ dignitati reſtituit, vt tranquillitati Catholicæ hoc modo conſuleret, quidam ſcribunt 40000. aureorum redemptum eſſe ab hoſtibus.

1528. Albertus Durerus pictor, cælator, inuentor (breuiter) omnium ætatum summus artifex, Noribergæ in patria sua moritur. huius ad artē mœchanicam spectantes libros vidi, partim legi: opera eius in ligno & ære cælata quotquot extant vidi omnia: pauca etiam eorum, quamdiu Deo placuerit, possideo.

1529. Petrus Flisted & Adolphus Clarenbachius Colonix exultum.

1530. Florentia Cæsaris auxilijs à Clemente pōtifice obsessā deditiōem facit, sed Clemens omnis clementiæ immemor, crudeliter in Florentinos sauit.

Ferdinandus Caroli 5. frater, Rom. Imp. eligitur: & anno sequenti Aquisgrani coronatur, mēse Ianuario.

1531. Conflictus magnus Helueticarum urbium inter se Religionis causa, in eoq; Tigurinorum concionator Huldrichus Zuuinglius procumbit.

1532. Rex Christiernus in Dania à suis capitur, & in arce Zunderburg captiuus asseruatur.

1533. Elisabetha Henrici 8. regis Angliæ, & Annæ Buloniæ, filia nascitur 7. Id. Sept. Maria Catharinæ filia hæreditario principis titulo se abdicare coacta.

1534. Otto Brunsuelt medicus clarissimus Bernæ moritur.

1535. Christianus dux Holsatiæ, Rex Daniæ creatus est. cū iam totum regnum contra Lubecenses vindicasset, capta Hafnia metropoli eius

Reg-

Regni. estque coronatus à Ioanne Bugenhagio Pomerano pastore Eccl. VVittenbergenfis.

1536. Non est hoc loco silentio inuoluendum, strenuum foeminarum Fani Riquerij, oppiduli in Picardia exemplum. nam cum & cines & milites præfidiarij admodum pauci essent, & grauius à Domirino quodam signifero in exercitu Ruthi ducis Cæsariani opprimerentur, hostibusque cessuri viderentur: foeminæ muris admotæ, aquis feruentibus, cineribus ignitis carbonibus permixtis, saxis, sudibus, & quicquid præsens necessitas hortabatur, hostem tanquam Lacenæ quædam fortiter repellunt, & duo signa hostibus extorta in ciuitatem referunt: cogiturque magno suo pudore ac damno inde abscedere.

Erasmus Roterodamus Basileæ in Christo moritur:

1540. Guilhelmus Cliuæ dux fide à Ferdinando Imp. accepta, Gandauum venit. Huius anni æstas valdè torrida fuit & sicca, supra ætates multas præcedentes. fuit & vini præstantissimi tanta copia, vt vasa non sufficerent. sed foeni, olerû, & reliquarum rerum nascentium, ex quibus esculenta confici solent, propter ingentem siccitatem magna fuit penuria. siliginis tamen tolerabilis fuit prouentus.

Budæus vir eruditissimus Parisijs vbi & natus est, moritur.

Eobanus Hessus poeta Germanorum celeberrimus obiit, 4. Oct.

1541. Simon Grynæus, vir omni genere literarum

rum doctissimus Basileæ moritur.

1543. Carolus Imp. ex Hispania Tarracone soluens Genuam appulsus, in Germaniam transit: ubi collecto valido exercitu Durenæ Iuliaceus ducatus urbem Cliuentium præsidio munitâ, vi expugnat, diripit; incendit. qua clade VVilhelmus Dux consternatus, & à suis proditus, ad Cæsaris pedes supplex procidens, veniam impetrat tradito in potestatem Caroli Ducatu Geldrensi. qua rei indignitate mater Ducis adeò perculsa est, vt paulò post è viuis excefferit.

1547. Adolphus in locum Hermannii Archiepiscopi Colonicusis, qui Ecclesiam suam reformabat, mediante Pontifice, substituitur.

1548. Ioannes Fridericus Dux Elector Saxonie, Electionis iure & dignitate priuatur: atque eius loco Mauritius Dux Saxonie Elector à Carolo 5. confirmatur. factum hoc in Augustanis comitijs 6 Cal. Mart.

1551. Magdeburgenses post longam obsidionem tandem æquis conditionibus pacem impetrant.

1553. Non est omittenda hîc diuinæ vindictæ ratio: Quidam tenui fortuna homo Venetijs à patricio viro debebat habere ad 300. aureorum summam. Libello petit pauper, patricius conuictijs immeritis excipit miserum: & vt solent grâdiores muscæ in araneorum telis, eludere volens hominem, petit dilationem octo dierum ad respondendum, & iurat, vt si quid fraude aut dolo contra pauperem facit, vt statim miserè pereat (constabat autem illum falsò iurare)

mirum

mirum dictu, statim vbi est extra palatii scalas delatus, ædes monetarias adiens concidens apoplectico similis, & sexto post die moritur.

1557. Albertus Marchio Brandenburgensis moritur Pfortzheimij 8. die Ian.

Ioannes Dux Palatinus Cymbrensis fato functus, Fridericum filium suum successorem relinquens, huius nimirum Friderici 4. auum, qui hodie Elector Imperij agnoscitur.

1559 Mortuo Christiano Danorum Rege, Fridericus filius victis aduersarijs, hac æstate in multorum principum frequentia 20. die Augusti rex Daniæ inauguratur.

1560. Philippus Melanthon Germanus libris suis non paucis orbi nostro siatis notus, extremum vitæ diem anno sibi climacterico Vitebergæ obit, 19. Apr.

1562. Christophorus VVirtenbergicus cum aliquot alijs principibus, Tabernis Alsatiæ conuentum habuit, vt Guisianos fratres Galliæ proceribus reconciliaret. simulabant enim illi, se à doctrina Euangelicorum non vsque aded esse alienos: eaque de re Cardinalis ipse conferebat cum Ioanne Brentio Theologo VVirtenbergico. hacq; ratione occasio futuris calamitatibus Galliæ est data.

Simultas quædam inter Regem Daniæ, & Regem Suetiæ exoritur.

1564. Andreas Hyperius Marpurgensis Academiæ Rector, scriptis suis toti Orbi Christianorum notus, Cal. Apr. vita fungitur.

1567. Iussu Imperatoris Maximiliani 2. vrbs Gothensis cum arce Grimmenstenia, totius Imperij sumptibus obsessa, per deditionem capta, ac deleta: VVilhelmus Grunbacchius Eques Francus qui arcem permissu Ioannis Friderici tenebat, cum alijs aliquot magni nominis Equitibus (qui sicut & ipsi ab Imperatore proscripti erāt) publico supplicio addicuntur.

1576. Maximilianus 2. Ferdinandi Imper. filius, moritur. in eius locum eligitur Rudolphus 2. Maximiliani filius.

1580. Franciscus Dracus, nobilissimus Angliæ Eques, toto terrarum Orbe, duorum annorum, & mensium decem spatio, zephyris fauentibus circumducto, Angliam sedes proprias, 4. Calen. Oct. reuisit: cū antea portu soluisset Id. Dec. anni 1577.

1588. Thomas item Candisius, felicissimus Draconulus, etiam ex Anglia per vniuersum Oceani ambitum, sed minori damno & temporis spatio circumuectus: vigesima enim prima Iulij die 1586. nauem conscenderat, & 15. Sept. in patriæ portum Plymmouth vnde prius exierat, magnis diuitijs, & cum omnium admiratione reuertitur.

Classis Hispanica, quæ incredibili apparatu Angliam petebat, ab Anglis. Batauis, & Zelandis duce dracone profligatur ac penè deletur.

Sin In Bassa collecto exercitu 11000. Turcorū, cū Hungariam totam depopulare statuisset, & Saxonibus agris iam multum damni intulisset,

à Clau.

à Clau. Ruffello petitus, supra 25000. Turcorum iacturam fecit, præter trecentos qui in Schayo flumine submersi periêre. Successu hoc animosiores redditî nostri, Turcorum postea terras ag-grediuntur, Blawenstenium, Gestesium, acca-stella plura recuperantes.

1593. Comitîa in Pragensi vrbe celebrantur, quòd certus venisset nuncius de bellico Turco-rum in Christianos apparatu impigro.

21. Octobr. Ferdinandus Hardecchiæ Comes suburbia Albæ Regalis vi capit, plurimisque ibi Turcis occisis incendio ea destruit.

8. Decemb. Sabarca à Friderico Tieffenbachio obfessa ac postridie capta est; in qua supra 250. Turcorum occubuêre.

14. Decemb. Fileca in Christianorum potesta-tem redit.

Quindecim Turcorum millia à Budensibus subsidio missi Hadwanensibus, à nostris delen-tur. in eodem itinere Iaspirinum ab iisdem re-cuperatur.

Strigonium à Matthia Archiduce obsidione cingitur.

Comariam Turca obsidet, re tamen infecta re-linquare eam cogitur.

1594. Gerardus Mercator iam centenarius ferè Duisburgi moritur. quem opera eius eximia Cosmographica immortalitate donabunt.

1595. 8. Ian. Amurathes Constantinopoli mori-tur; succedit ei Mahumetes 3. filius eius natu ma-ximus.

Carolus Mansfeldiæ Comes ex Belgio accersitus mente Iunio, circa Dotim 29000. viror uñ exercitu spectatur, traditionem muniminis istius sibi poscens. Inde castris motis ad Strigonium peruenit. 2. Iulij Rascianam urbem sine omni molestia capit. 4. Iul. propugnaculum in monte S. Thomæ locatum ipsi cedit.

Gockarn munitio insignis è regione Strigoni armata manu à nostris capitur.

Turca sedecim virorum millibus Strigonio auxilium ferens à Carolo Mansfeldiæ principe sternitur.

10 Aug. Insulam Vizzen nostri inuadunt, opimis inde spolijs secum ablati.

Urbs aquatica à nostris vi capitur, in qua circiter 600. Turcorum trucidati.

3. Sept. Munitissimum illud Strigonium deditione in nostrorum potestatem peruenit. in qua mille & quingenti Turci, omnes viri militares inuenti: hi cum vxoribus & liberis suisqne cuius sarcinis, quatenus dorso ab illis gestari poterant, demissi sunt. Atque ita demum in Christianorum manus redijt propugnaculum hoc celeberrimum, postquam quinquaginta duobus annis Turcæ illud tenuere.

1598. Iauerinum ab Adolpho Schwartzenbergio stratagemate forti ac felici capitur: ob cuius victoriæ (quæ profectò non exigui momenti erât) felicem euentum, epigramma hoc imagini ipsius supponere placuit:

Monte

*Monte suum à Nigro ducens cognomen Adolphus;
Natus Agrippinas, patria decus, vnica stirpis
Gloria, Pannonica cladis fortissimus ultor;
Sensit vt in capto Iauerino Turcica pubes.*

Albertus Austriacus Maximiliani 2. Imp. filius
Isabellam Philippi 2. Hispaniarum Regis filiã,
& Philippi 3. moderni Regis sororem matrimo-
nio sibi iunxit.

1599, Ioannes Archiepiscopus Treuirensis, ex
Schonenbergenſi stirpi ortum trahens, in Domi-
no obdormiuit. Successit ei Lotharius, ex nobili
Materniciorum genere oriundus, vir singularis
prudentiæ, doctrinæ, ac humanitatis, tantæque
eloquentiæ, vt extemporali sermone suo elabo-
ratissima etiam scripta adæquare possit.

Ioannes VVilhelmus, VVilhelmi filius, Dux
Iuliacensis secundas nuptias celebrat cum An-
tonetta Lotharingiæ Ducis filia.

Bommela vrbs in Vahalis insula sita, graui
obsidione ab Hispaniæ Regis militibus in hunc
vsque diem cingitur.

Germanorum quidam procures vt quemcun-
que militē ab Imp. Romani limitibus arcerent,
exercitum per VVestphaliã ad Embricã &
Rhœsam vsque vrbes deducunt : quos hoc au-
thumno in suam quenque terram rediisse fama
est.

Rumoldus Mercator, Gerardi filius, felicissi-
mus parentis sui æmulus, intempestiua morte
præuentus, præclara multa opera inchoata po-
steris (si quis eorum ad ea aptus fuerit) perficien-
da reliquit.

TABV-

TABVLA ANNORVM MVNDI EX
Bibljs & Philone.

A Creatione Mundi vsq; ad Diluuium fluxerunt anni	1656
A Diluuiō vsque ad Abraham	292
Ab Abraham vsque ad natum Mosen	425
A nato Mose vsque ad Exitum de Aegypto, & datam Legem	80
Ab Exitu de Aegypto vsque ad templum Salomonis	480
Ab inchoato templo vsque ad Ioas Regem	138
Ab Ioas vsque ad translatum Iechoniam in Babylonem	291
A transmigratione vsque ad deuastationem Hierusalem per Nabuchodonosor	11
A deuastatione & captiuitate Babylonica vsque ad populi liberationem	70
A populi liberatione quæ facta est anno primo Monarchiæ Darij & Cyri, vsque ad Alexandrum Magnum	191
Ab Alexandro Magno vsque ad Iudam Machabæum	164
A Iuda Machabæo vsque ad tyrannicum principatum Herodis	129
A tyrannico principatu Herodis vsque ad Christi in carnem aduentum, seu conceptionem (nam 32. anno cœpit legitimus Herodis principatus)	32
A natiuitate Christi vsque ad proximas calendas Ianuarias	1600
	Anno

Anno Mundi 3961. Christus natus est, Olympiadis 194. anno. quarto inchoato tribus mensibus, videlicet 8. Cal. Ian.

Roma vrbs (teste Eutropio) stetit ante natū Christum 753. annos; & vt reuocetur ad calculum annorum ratio, aliter supputari non potest ex veris historijs.

Anno hoc præsentis 1600. exacti sunt à condita vrbe Roma 2353. anni. Tam vetusta Babylon non erat ante Alexandrum. nam ab Abraham vsque ad tempora Alexandri, anni sunt 1686. Iam verò cum Roma vetustior sit Babylone, multi inueniuntur qui credant finem eius iam procul abesse non posse.

Neque verò multum discrepat numerus annorum qui in Biblijs est, ab ordine Monarchiarum apud præcipuos scriptores historiarum Græcarum. Herodotus scribit Assyrios tenuisse Monarchiam 520. annos, & interea vsque ad Medorum tempora nullam firmam Monarchiam fuisse. Tribuit autem Medis vsque ad Cyri imperium annos 130. Id verò vt minimè falsum videri potest, ita vehementer probandum. nam si quis rectè expendat, is facilè intelliget à Biblijs sacris non dissentire. Quòd Assyriorum Monarchiam stetisse dicit annos 520. id haud dubiè referri vult ad illud tempus, quo regnum Babylonicum & Niniuæ vrbs nondum diuulsum erat. atq; adeò cum apud Babylonem Assyrij tantum imperabant.

Agathias lib. 2. de bello Gotthorum scribit, Ctesiam

fiam & annorum numerum, & ordinem Monarchiarum ita posuisse. Erat autem Ctesias Græcus qui cum Araxerxes Mnemon & Cyrus iunior inter se belligerarentur, in expeditione vnâ fuit, ac medium egit. Captus in bello deductus est tandem in Babylonem: vbi non sordidè tractatus est. ac tum perlectis historijs rerum Babyloniarum, ab initio eius Regni annorum numerum in ordinem digessit, ad hunc modum: A Nino vsque ad initium regni Medorum qui primû ab Assyrijs defecerant, sunt anni 1360. & hunc ordinem sequuntur omnes qui scripserunt postea, Diodorus Siculus lib. 3. sic scribit: Similiter & cæteri reges ad Sardanapalum vsque triginta regnum tenuêre: cuius tempore Assyriorum Imperium, quod tamen 1360. durauerat, quemadmodum Ctesias libr. 2. tradit, ad Medos transijt. Iustinus sic ait: Imperium Assyrij, qui postea Syri dicti sunt, annos 1300. tenuêre. Herodotus prætermittit aliquid interea, dum collapsum Assyriorum regnum ad Medos peruenit. Quin & fieri potest, hos annos Ctesiae ab initio Babylonis, hoc est, à Nimroth, non à Nini temporibus esse intelligendos.

Medi post defectionem ab Assyrijs regnauerunt vsque ad Cyrum circiter 300. annos, quemadmodum Agathias ex Ctesia colligit.

Persarum regnum vsque ad Alexandrum durauit annos 238. vt scribit Agathias & Græci scriptores plerique.

Alexander & eius posterij Babylonem tenuerunt

runt ad id vsque tempus, quo Persarum potentia crescere cœpit: & pōnit Agathias 300. annos minus 7. atque id est ab Alexandro vsque ad Augusti tempora. Postea in Oriente regnarunt Parthi annos 10. vsque ad Cæsaris Alexandri Seueri tempora. actum Artaxerxes Persa vltimum regē Parthorum Artabanum transfodit, atque ita Orientale regnum ad Persas redijt, qui deinde potentia claruerunt ad Mahumetis vsq; tempora: nam posteri Mahumetis inuaserunt Persas, & totius Arabiæ imperium occuparunt. Atque ita demum varijs mutationibus agitata Orientis regna, subinde ab alijs populis ad alios sunt translata. Operæpretium imprimis est hæc omnia reputare, vt omnium temporum & historiarum ordo ritè cognoscatur.

ORACVLVM HOMERICVM QVOD
vaticinatur de Imperio Romano.

Ἦδη γὰρ παλαιὰ γενεὴν ἤχθηρε χρόνιος,
 Νῦν δὲ δὴ ἀνείαο εἰς τρώεσσιν ἀνάξει,
 Καὶ πᾶσι δὲ παύδων τοίκεν μετόπισθε γένωντας.
*Nunc genus inuisum Priami Saturnius odit:
 Sed pius Aeneas Troas dominabitur inter.
 Et nati natorum, & qui nascentur ab illis.*

DE ORDINIBVS RELIGIOSIS.

ORDINES Religiosorum plures in Ecclesia Catholica progressu temporum sunt instituti: quorum hic aliqui insigniores ordinatè subiunguntur.

Ordo communis clericorum à beato Petro Apostolo, & alijs Apostolis institutus esse traditur.

Ordo monachorum in eremis Aegypti & Nitriæ, tempore S. Antonij abbatis instituitur, & roboratur, diuersis tamen constitutionibus.

Ordo monachorum S. Basilij, quibus ipse Basiliius Cæsariensis Episcopus Cappadociæ regulam tribuit, ab eo originem habuit.

Ordo Canonorum Regularium à beato Augustino Episcopo instituitur: quibus regulam dedit, sub qua plures ordines reguntur.

Refleuruit hic ordo anno 1080. sub luone, & postmodum etiam anno 1380. reformatus est.

Ordo monachorum nigrorum S. Benedicti ab ipso instituitur. quibus regulam scripsit; sub qua etiam plures ordines monachorum comprehenduntur.

Ordo Cluniacensis sub Oddone sumpsit initium, anno 913. vt refert Vincentius in Speculo histor. lib. 35. & S. Antoninus in secunda parte Chronici, tit. 15. cap. 16. 61.

Ordo Camaldulensis à B. Romualdo initium sumpsit in eremo Camaldulensi, anno 1012.

Ordo Vallis vmbrosæ à B. Ioanne Gualberti Florentino accepit exordium anno 1070. sub quo

quo sunt Syluestrini eodem habitu, à quodam Syluestro dicti, qui eum ordinem inchoauit in monte Fano prope Fabrianum in Marchia Anconitana.

Ordo Grandimontensis sub Stephano papa in cepit anno Domini 1076.

Ordo Carthusiensium initium habuit Parisijs per Brunonem patricium Coloniensem *von der Hardfaust* anno 1086.

Ordo Cisterciensis & primum eius cœnobium fundatur anno 1098.

Ordo Templaris militiæ S. Ioannis Ierosolymitani cœpit anno 1120.

Ordo Præmonstratensis cœpit anno Domini 1120.

Ordo Humiliatorum licet incœperit anno Domini 1017. tamen confirmationem accepit ab Innocentio 3. anno Domini 1200. vt affirmat S. Antoninus in 2. parte Chronicæ. titul. 15. cap. 23.

Ordo Prædicatorum à B. Dominico inchoatur in partibus Tholosanis an. Dom. 1203. sub Innocentio 3. Sed postea confirmatur per Honorium 3. ann. Dom. 1216. mense Decemb. die seq. festum S. Thomæ Apostoli. Moritur inde B. Dominicus Bononiæ an. Dom. 1221. 8. Id August. hoc est die 6. eiusdem mensis, feria 6. Festum tamen eius die præcedenti, hoc est, die 5. celebratur, ex institutione Greg. papæ 9. vt patet in bulla canonizationis eius, vbi dicitur: Satuentes firmiter, ac vniuersitati vestræ præsentibus iniungentes, vt Non. Aug. ante diem quo posita carnis sarcina

diues meritis penetrauit in sancta, similis sanctorum factus in gloria eius natalicia celebretis.

Ordo Minorum à B. Francisco inchoatur post an. Dom. 1206. scilicet post suam conuersionem sub Innocentio 3. Sed postea confirmatur per Honorium 3. anno Dom. 1223. mense Nouemb. in vigilia S. Andreae Apostoli. Inde obiit B. Franciscus 4. Non. Oct. die Dominica, ann. 1226. Horum autem monachorum Minorum suo tempore 60000. fuisse, scribit Sabel. En. 9. lib. 9.

Ordo Cruciferorum licet quidam dicant quod initium habuerit à Cyriaco Episcopo Ierosolymitano, qui prius Iudas dicebatur, & ostendit Helenæ locum ubi crux Christi iaceret, posteaque martyrio coronatus est: tamen confirmatur secundum quosdam per Innocentium quartum post annum Domini 1243.

Ordo Eremitarum S. Augustini confirmatur per Alexandrum quartum post annum Domini 1256.

Ordo Carmelitarum reformatur per Honorium 4. anno 1267.

Ordo seruorum beatæ Mariæ à beato Philippo ad formam redigitur, & confirmatur post reformationem Carmelitarum.

Ordo Cœlestinorum, sic à Cœlestino dictus, confirmatur anno Dom. 1297 per Bonifacium 8.

Ordo S. Brigidæ virorum & mulierum ab eadem instituitur, & approbatur per Urbanum 5. an. Dom. 1370.

Eodem

Eodem tempore incepit Societas Iesuitarum,
sub Ioanne Columbino Senensi.

Ordo montis Oliuarum instituitur eodem
anno Dom. 1370.

Ordo Mendicantium S. Hieronymi institui-
tur anno Dom. 1407.

Ordo Canonicorum habitus Cœlestini S.
Georgij de Alga, per Laurentium Iustinianum
instituitur eodem anno.

Ordo Scopetinarum siue S. Saluatoris cœpit
anno Dom. 1410.

Ordo Minimorum S. Francisci de Paula, con-
firmatur per Sixtum 4.

Alios ordines parum nominatos omitti-
mus. hæc ex Ioanne Lucido de-
scripta sunt.

F I N I S.



SE QVNTVR ETEOSTICHA
aliquot à diuersis authoribus facta, quæ
cum studiosis adolescentibus aliquo modo pro-
futura existimarem, ex varijs libris
collecta, subiungere ea placuit.

Albertus Magnus obiit 1382. æt. 87.

ALberte es fato properant I Magne soLVtVs:

TangIs V bl etatIs LVstrabIs oCtotVæ.

Ioan. Hussus exustus

1415. 6. Iulij.

BIs,qVarta ILLVXIt MësIs QVIntILIs Vt HVßVs

ConstantI Constans VßtVs In Vrbe perIt.

Obsidio Nouesiana 1476.

Non InCLInabItVr In seCVLVM seCVLI.

Carolus Burgundius occidit 1456.

NoCte regVM sVCCVbVIt CaroLVs.

Rudolphus Agricola obiit 1485.

QVaterCLara IaCet trIbVs HeyDeLberga DeabVs

RVrICoLa è terraraptVs In astra fVIt.

Gallus cæsus 1521.

RegIa sVCCVMbIt pVgnaCIs LILIA GaLLI.

Huttenus obiit 1523.

IgnIfer In tepIDofVLsIt SoL sIDere Libræ

HVttene Vt CæSI teCta beata CapIs.

Bellum Rusticanum 1525.

CaptVs erat GaLLVs CoeVnt CVM rVre Cohortes

Roma capta 1527.

ALtera post Captos GaLLos popV LIqVe fVrores

Aestas

Aestas te Capta RōMæ CrVenit afV It.

Vienna obfessa 1520.

Cæsar In ItaliaM qVo Venit CaroLVs anno

CInCta est Rlphæls nostra Vienna Getls.

Bilibaldus obiit 1531.

ConsILio Vt PyrghayMerVs bonVs eXIt ab erbe;

SoL propè ContaCto PlsCe peregrIt Iter.

Zwinglius occidit 1531. æt. 44.

ODCVbVIt patrio beLLator CIngLIVs ense,

Et pressa est armIs gens popV Losa sVIs.

Ioan. Stoslerus obiit 1531. æt. 80.

ConDItVr hIC fato fVnCiVs StofLerVs acerbo,

TerrestrIs gnarVs sIDerea qVe pLaga.

Aliud.

PlsCIBVs Vt raDIans DeVs InsignIta per astra

StofLere InIeCIt ParCaVbIV InCLatIbI.

Huldricus Zasius obiit 1535. æt. 74.

AetherIs Vt sVpera sVCCeßIt ZasIVs arCI

Eôs arMIgerI ConspICIt astra IoVIs.

Aliud.

IVrIs honoratI ZasIVs CeLeberrIMVs aVCtor,

AneCe CorreptVs, terraVaLeto sonat,

Erasmus Rot. obiit 1536.

LVstraperaCtaVbI bIs septē areCenset ErasMV S

LVCIfera è terrIs. CeßIt In astra seneX.

Eobanus Hessius obiit 140. æt. 52.

DICIt eThesplades fletVs, ELegeIa LVge:

HoC HeßVs saXo gLorIa Vestra Iacet.

Guilhelmus Budæus obiit 1541. æt. 73.

Guilhel. Budæus obiit 1540. æt. 73.
 OCCVbVIt CLarVs fatō BVDæVs InIqVo.
 Astræe In Castæ SoLe seDente sInV.

Simon Grynæus obiit 1541. æt. 48.
 Grynae es DVro resoLVtVs CarCere CarnIs:
 Vrbs RhenI IVncta est qVa BasILEa VaDIs.

Nicolaus Copernicus obiit 1543. æt. 70.
 EX hoc EXCeßIt trIstI CopernICVs æVo:
 IngenIo, astrorVM CognItIone potens.

Matthias Zellius obiit Argent.

1548. æt. 71.

OCCVbVIt CeLebrIs feLICI sorte MathIas
 VIX tantVs nostræ presbyter Vrbe sVIt.
 Aliud.

PhœbVs VbIrVtILās CaprICornI sIgnareLIqVIt
 ZELLI Care, qVies Mors tibi VIsa sVIt.

Gaspar Cruciger obiit 1548.

æt. 45.

FertVr In AcMonIo Latonæ fILIVs æRCV:
 Vt CrVCiger fatI noXIateLa tVLIt.

Vitus Theod. obiit 1549.

HaC trIstI CLaVsVs VItVs TheoDorVs In Vrna.
 NorICIDæ popVLI pastor, & VrbIs honos.

Paulus Fagius obiit 1550. æt. 45.

SoLe orto VoLVCrVM regIna LeVatVr In ortV
 FagIVs Vt sensIt teLa CrVentaneCIs.

Martinus Bucerus obiit 1551. æt. 61.

CVrrIt Vt obLIqVo per PIscEs traMIte PhœbVs:
 BVCerVs seLIX regna sVperna CapIt.

Gaf.

Gaspar Hedio obiit 1552.

EXtVLIt ora seqVens OCTobrIs LVCifer IDVs:

HeDioVbI parCa Lege soLVtVs obIt.

Munsterus obiit 1552. æt. 63.

QVIntILIs fVerant LV Ces Vt qVInqVe peraCta

MVnstere è VIVIs te ClIta parCa rapIt.

Iustus Ionas obiit 1555. æt. 63.

IVstVs Vt OCCVbVIt perCVLsVs fVnere Ionas

Frons CVM SoLe Nepæ Tethyos Intrat aqVas.

Ioan. Sleidanus obiit 1556.

æt. 50.

Vndenas lustris trieteridas adde trecentis

Octoq₃: Sleidani tempora mortis habes.

Ioan. Forsterus obiit 1556.

æt. 61.

ReLLIqVIt VItæ eXtInCIVs ForsterVs Vt aVras:

ACronICho Castor fVngit aD astra graDV.

Ianus Cornarius obiit 1558.

æt. 58.

EXCeLLens Phæbi Cornari VirIbVs artIs

EXVVias soLVIt ParCa MaLigna tVas.

Andreas Hyperius obiit 1564.

æt. 53.

FLanDrIa qVeM genVIt, HaßIa nostra tegIt.

Georgius Maior obiit 1574. æt. 72.

FeLICIVt genVIt MaIor te Vrbs NorICa LV Ce

Pes tVV's OrIon Vespere LaVV's obIt.

Frid. 3. Pal. Elect. obiit 1576.

TVa LVX trIstIt Vr aManDe.

Ferti-

Fertilitas sub initio Belli Colonienſis

1583.

Arqor, agrI, VItes ſVnt haC aſtate feraCes,

MiraqVe ConIVgII CopVLa beLLa parIt.

Aliud.

NVLLa ſVêre ſaTIs Caplendls DoLla VINIS

HoC anno, teLLVs ſIc copioſa ſVIt.

Rheni inundatio an. 1584. in

Ianuario.

HoC taCItI Iano ſVIt VnDa ſVper ſLVa RhenI.

Et CLaDes agrIs IntVLLIt hIſce feras.



CHRONICAE EPITOMES

FINIS.

W



